





7 3 1. 30. 45

CC44 R. I

Winn. gefant des Eighenig. Brie

Paris 70

12 May 1630.



# Der hungern Chronica


inhaltend wie sie anfenglich ins

land kommen sind / mit anzeigung aller irer König /  
vnd was sie namhafftigs gethon haben. Angesan  
gen von irem ersten König Attila / vñ volfüret  
biß auff König Ludwig / so im 1526. jar bey  
Mohar vom Türcken vmbtomen ist.



Im druck neuß auffgangen. Anno 1534.







**Ein kurz vnd grundtlich bericht**  
der Vngerischen Chronicken / nemlich wie die Vngern von  
anfang in das landt / so sie yezzo innewen haben / kommen seyn / mit an-  
zaigung aller irer König / Vnd was sie redlichs vnd namhafft-  
tigs gethon haben / Angesangen von irem ersten König  
Arhila / vnd volsüret / biß auff König Ludwig / so  
im M.D. xxvj. jar bey Mohacz vom Tür-  
cken erschlagen ist.

Wo her die Vngern anfenglich kommen seyn.  
Das erst Capitel.



**N**ach der geburt Christi / dreyhundert dreyßndsi-  
benzig jar / zu denzeyten des Römischen Kaisers Valen-  
tis / vnd des Pabsts der Römischen kirche Damasi / im se-  
chsten alter d welt / wüchsen die Huni oder Hungern aus  
Scythia in ein groß volck / vñ wurde entschlossen / dz sie  
mit lenger anheim bleiben / vñ die Occidentischen völder angreifen wol-  
ten / Wurffen deßhalbten vnter jnen hauptleut auff / die sie regirten / weis-  
ten / ordenten / auch die mißthaten strafften. Vnd als sie ir volck zaltten /  
wurden gefunden bey zehenmal hundert tausent streytpar menner / on  
weib vnd kind / mit den sie vnter irem hauptman Bela / ein sin Kele / er-  
stlich aus Scythia Asiatica in Europam zugen / vñnd die Gothos von  
a u dem



## Das erst Buch

dem Europäischen Scythia/irem vatterland vertriben. Do sie nu wey-  
ter in feckhait vnd in den waffen gesterckt wurden/kamen also in Pan-  
noniam yetz Vngern genant/vnd die hendt ires schreckens vnd gravo-  
samkeit zu den vmbliegenden landen iren nachpaurn aufstreckten/sich  
merten/vnd ein schrecken der welt waren/wie hernach gesagt wirdet/  
Welches auch die alten historien von den Vngern nit widerspiegeln/die  
da sagen/das die Vngern von erst in Perside/darnach bey dem Neoti-  
schen meer oder See gewondt haben/vnd durch führung der jeger vnd  
einer hinden/vber oder durch den See vnd das wasser zogen/vnnd in  
Europā komen sein/vnd alle landtschafft zwischen den wassern Tha-  
nais vnd der Dunaw eingenomen/vnd alsdan Pannoniā oder Hun-  
gern/wie vorgemelt ist/erobert haben. Als sie nun Pannoniā yetz Hun-  
gern genent/in solcher fruchtbarkeit an wein/waid/vnd aller norturfft  
was zu menschlicher nahrung fñdert vñ not ist/funden/ward in solchs ge-  
fallen/vnd beschlussen do zu pleyben/vnd all ander inwoner daraus zu  
vertreibē/legerten sich anfenglich an das wasser Thassa/bawten alda  
irwonung. Vnnd als nun solchs die inwoner merckten/ob der grossen  
menig erschracken/sich zu wehr stelten/vil schlacht mit hilff irer nach-  
paurn vnd vmbliegenden landen mit ihn theten/so wurden sie doch all  
weg erlegt/vnd behielten die Vngern den sig/vnnd warn ein schrecken  
vnd forcht allen menschen. Es schreiben auch etlich/dz sie den Römern  
ein groß volck/mit sampt den hauptleuten/so wider sie zu kriegem veror-  
dent wart/erschlagen haben. Vnd gar herauff in Teutsch land gerai-  
set/die stat Potentiana/so yetz Peternel/durch mißprauch des corrum-  
pierten lateins/haist/belegerten/desgleiche die stat Thuln in Osterreich  
gezwungen/zerstört/mit sampt dem land Osterreich vnd andern vmb-  
liegenden lenden verprienten. Etlich schlachten gethon/in welchen schla-  
chten sie auch vil volcks/vnd sonderlich iren hauptman Bela verloren/  
aber dannoch den sig/dieweil ir so ein grosse menig gewesen ist/behal-  
ten/mit grossem gut vnd raub wider haim in Pannoniā kerten/die stat  
Sycambriam pawten/vñ nachmals einen kōnig/nach abgang Bela/  
erwelt vnd angenommen haben.

Von eruelung Athila zu kōnig/auch von sei-  
nen sitten vñ waffen/so er wider die  
feinde fñret. Cap. 2.

Als nun





**A**ls nun die Hunni die inwoner Pannonie oder Hungern/mit  
 sampt den Römischen hauptleuten vberwunden vnd vertri-  
 ben hattē/vñ nachmals Pannoniā fridlich besaßen/dieweil  
 auch ire hauptleut/wie vor gsagt ist/biß on ainem/Athila ge-  
 nant/in vergangen schlachten vmbkomen warn/ Bedachten sie/ wie  
 sie iren gemainen nutz vnd standt ires wesens versehen. Nach dem aber  
 Athila/so in vngrischer sprach Ethele genent wirt/vnter allen andern  
 Vngern hoher vernunfft/starcks leibs/arbeit sam/leidig in kriegē vnd  
 ritterlichen sachen/wol erfarn/großmütig/einer herrlichen person/vñ  
 listig was/erwelten sie ihn zu einem König. Do er nun zu König bestē-  
 tet ward/handelt er alle sachen so ordenlichē vnd wol/als were er von  
 königlichem stammen geboren. Dann er sich vnd sein heer mit scheinba-  
 rem vnd poliertem harnasch wol wapnet/vnd ließ allerley streytt zeug  
 vnd werck/damit man die mawen bucht/zurichten. Man sagt/das er  
 zehē tausent wegen mit sicheln oß segesen beschlahen hat lassen. Er hat  
 seine tabernakel zellt vnd heerhütten nach mancherley nationen vñ vñl  
 ckern sitten gemacht/vnter welchen er eine het für seinen leib/die was  
 von seiden gemacht. Es waren auch seine marstell/so er in seinem heer  
 hat/den merer tail von seiden vnd andern kostlichen tüchern verdeckt/  
 Wiewol er offmals die mit mancherley pferden von andern landen er-  
 füllet/so was er doch so milt/das er die seinen fürsten vnd dienern gab  
 vnd mittailt. Sein settel vnd ander gereet schinen von edlem gestein/  
 vnd sein Credentz von silber vnd lauterm gold. Diser König was mit al-  
 lein in disen/sonder auch in allen andern pompen/prachten vnd zierden



## Das erst Buch

der welt loblich vnd hochberumbt. Wiewol er den außlendigen streng was/so ward er doch von menigklich vmb seiner miltigkait willen lieb gehabt. Dann sie von allen winckeln der welt zu jm kamen/vnd im vil schenck brachtē/so tailt er solchs alles vnter die seinen. Man findt in den Chronickē von seiner person/das er statcks leibs/raischlichs ansehens/vnd brauner farb/auch breit schultern/alweg ein langen bart gehabt/vnd ein grosser weibler gewesen sey. Er hat auch in seinem heer alweg funff mal hunderttausent man/on die außlendische nationen/der on zal gewesen sein/gehabt/vñ wo einer aus den allen durch strait oder sonst vmbkom/was von stund an ein ander da an desselben statt verordnet/Dan der großmechtig Fürst wolt nit das sein heer anicherley mangel solt haben. Man sagt auch/das sein harnasch/den er aus Scithia mit jm bracht het/von leder gemacht sey gewesen. Vnd er füret pfeilbogen vnd lantzen/damit er die feind beschediget. Sein heer was mit schilten vnd tartchen bedeckt/vnd hetten schwerter an iren seyten/vmnd darzu raischliche angesicht/vngeschickt haar vnd part/vnd mit heroten bedeckt/defshalben sie erschrocklich vnd forchtsam anzusehen warn. Wie wol nun Athila gegen den vnterworffnen völkern mild vñ gütig was so wart er doch von angeborner ernsthaftigkeit vnd erschrocklichen angesichts wegen/von den seinen fast gesöcht. Er füret in seinen phanen vñ schilten einen vogel als einen Geyern/der ein tron auff seinem haupt hat/Dasselbig wappen haben darnach die hungern gesüet bis zu der zeyt Geyse/des hertzogen/so ein sun hertzogs Toraon was. Athila gebrauchet sich eins solchen titels/Athila ein sun Bendekung/ein nachkom oder enckel des grossen Nemroths/ernert vnd auffgezogen in Engadi von den gnaden Gottis ein König der humorum/Medorum/Dauorū/Gothorum/ein schrecken der welt/vnd ein gaissel Gottis. Sochs alles hat Athila gehandelt/zu der zeyt als man von Christi geburt gezellt hat vierhundert vñ ein jar/vñ im xxviij. jar der huni einzug in hungern.

### Wie Athila seinen bruder Budam des reichs tail hafftig macht. Cap. 3.



**D** nun Athila in die glori seiner königliche werden erhaben/vnd die Römisch macht an dem ort Pannonie vnd den vmb ligenden flecken vberwunden vnd vertriben het/erwelet jm Athila seinen siz hoff zu halten in der benannten stat Sycambria/die er in Vngern zu pawen angefangen het. Vnd nach dem er von natur ein ehgetzig man was/nam er jm für/die vmbligenden lender alle zu



alle zu bekriegen. Damit jm aber die feind in seinem abwesen keinen einzug in Pannoniam theten/machet er Budam seinen bruder/ zu einẽ Regenten vnd k̃nig/in gleichem gewalt wie er/vñ ließ den in Pannonia. Setzet in auch zu einem Regenten vber alle Barbarische nationen/von der Teyssa biß zu dẽ fluß Thanais. Do nun die mechtigkeyt k̃nig Athile allenthalben erschall/sielen jm vil nationen zu. Er griff die vmbiligen de prouingen mit gewalt an/als Mysiam/Achaiam/Macedonia/ vnd beide Thracias/aus der visach/das sie Marino dem R̃mischen haupt man wider die Hungern hilff gethon hetten. Als er die nun gestrafft vñ vnter seinen gewalt bezwungen hett/zoeh er mit sighaffter hand wider in Sycambriam. Diser sig des k̃nigs Athile erhall in vil teyl der welt/ Erschrecket auch Martianum den R̃mischen kaiser/vnd ganz Orient forcht sich vor dẽ einzug der hunni oder hungern. Es fielen auch zu k̃nig Athila ettlich ṽlcker von wegen seines glucks/vnd zumal die/deren gem̃it fast auff rauben stund/nemlich Waldmerus ein trefflicher k̃nig der Orientischen Gotthorum/Arदारicus ein namhafter k̃nig Gepidarum/die Marcomanni/Sueui/Engadi/Eruli/vñ Thuringi/so alles freybar ṽlcker warn/vnd willigklich sich vnter k̃nig Athilam vnd in seine gesellschaft ergaben.

Von der grossen vnd namhaften schlacht/so durch K̃nig Athilam wider die R̃omer vñ Hispanier/in den Cathalonischen feldern geschehen ist. Cap. 4.





## Das Erst Buch



Als solchem zufal der auslendigen nationen/sich kōnig Athila dermassen vbername/das er vermainet/leichtlich alles dz zu volbringen/so er im fürgenomen het/deshalben er wider haim gen Sycambriam kam/vnd allen fürsten aller vmb-  
ligenden landen einen Reichstag dahin benennet/vnd zu kōmen gebote. Als nun solichs gebot des kōnigs durch all vmbligēde Regiones erhal/vnd der Reichstag mit vil edlen gehalten vnd vollendet ward/kam zu lezt Tetricus der Rōmisch hauptman/so vor sein feindt gewesen/vnnd von im vberwunden was/mit vil fürsten Germanie/vnd erbot sich gegen dem kōnig/im in allem dem zu dienen/so weyt sein verstandt vnd vermügen raichet. Darauff der kōnig ime vnd den andern fürsten/so mit kōmen warn/groß zucht vnd ere bewiſ. Also riethe im Tetricus er söl die Occidentischen regionen/so dem Rōmischē Imperi vnterworffen/angreifen/dañ sie diser zeyt aller gegenwer entsetzt weren. Wo er das thun/wurde/er grossen namen vnd ehr damit erobern. Auff solchē rathe ward der kōnig Athila dermassen bewegt/dz er dem also nachkōmen wolt. Vnd zoch aus von Sycambria mit einem mechtigen heer/der seinen vnd auslendischen nationen. Vnd griff zum ersten an die Illyrios/oder das Windisch land. Do er nun nahend alles Germaniam oder Teutschland durchzogen was/vnd alle Stett vnd Schlösser/so im entgegen warn/vmbkert het/zoch er darnach in das Reich Constantie/welchem kōnig Sigmond von Burgund bey Basel mit einem heer begegnet. Aldo der selb kōnig durch Athilam vberwunden/vnd mit allen den seinen in die flucht geschlagen ward. Als sich aber der selbig kōnig weyter dem feindt zu widersteen/nicht starck genug erkant/vnterwarff er sich mit allen den seinen dem kōnig Athila. Darnach zoch Athila für die statt Straßburg/so die selbige zeyt Argentina hieß/welche doch die Rōmer mit gewalt (als man sagt) nie erobern konten/gewann vnd plündert die/vnd zerriß die mawren an vil orten/gepot auch ernstlich/das solche mawren/diervēil er lebet/nit gemacht/darzu nit mer Argentina/sonder Straßburg/von wegen der manigfeltigkeyt der strassen/so er vber die mawren hinein gemacht hett/genant werden solt.

Wie Kōnig Athila mit seinem kriegsvolt Galliam  
verwüſtet. Cap. 5.

Von





On dannen füret kōnig Athila sein heer weiter für Luronū/  
 Bizantiā/Chalom/Masticon/Ligonē/Burgundiam/ vnd  
 Lugdunū/an gewehr/gemewer/reichumb/vñ manschafft  
 die allermechtigste stett Gallie/vñ hies die in grund zerstōn  
 durch das gang land Gallie/vñ kert alle ding vmb. Es was auch kein  
 Statt/Schloß/oder Marckt mit gemewer so vest/das im widersten  
 het mögen/sonder er verwüßtet alle ding mit priant vñ schwert/als ein  
 gewulich vngestim vngewitter. Aber da zwischen was Athile verpor-  
 gen/das Ethius der Rōmisch hauptman vnd ratherr/mit einer vnzal  
 pern macht 8 Occidentischē nationen/den Gallis zu hilff zoch/vñ Athi-  
 la schicket den dritten tail seines heers wider den Soldan/Mirmāmon  
 genant/gar einen mechtige Fürstē/der dñmals ein herr Gallicie was/  
 als derselb vernam/solch volck wider ihn zihen/ vnd zum krieg vnbe-  
 rait was/sloch er von der stat Sibile/vnd fuor vber das meer/so ge-  
 nant wirt Sibile/oder die eng Sibile in Marochiam. Aber Athila so  
 noch in Gallia was/zoch mit dem vbrige seinē heer nach dem Rodano/  
 verheret alle ding/vnd belegert zu letst die stat Aurelianam/yerzund Oz-  
 liens genant/vor welcher statt er vername/das sich der bemelt haupt-  
 man Ethius wider in rüßet. Do aber die Wissegothi/dz warn die Oc-  
 cidentischen Gothi/sich dem bemelten Rōmischen hauptman zu gefelle-  
 ten/gedaucht im der veind macht zu schwer werden/defshalben er sich  
 arglistigklich einen freund der Gothorum zu sein dichtet/sandt poten zu  
 irem kōnig Theodonico/wie er freundschaft mit im machē wolt. Aber  
 Ethius was in dem sorgfeltiger dan Athila/dann er vorhinz dem kō-  
 nig geschickt/vnd inen der alten veindschaft/so sie billich gegen in tren-  
 gen/dan sie von den hungern aus iren erblanden vertriben warn/erim-  
 nert/jhn also dem kōnig Athila entzoge/vñnd in sein bundnus bracht.  
 Nun gedacht im Athila/ye lenger er die schlacht verzüg/ye mer sich die  
 veind stercken würden/darumb er von der belegerung der statt abstun-  
 de/vnd zoch dannen/damit er den veind vngewarnter sach vberfiele.  
 Vnter wegen ward ein Einsidel eines hailigen lebens gefunden/so in ei-  
 ner hol eines bergs sein wouung hett/der zu dem kōnig Athila gefürt/  
 vnd von im dem kōnig angezeigt ward/wie er künfftige ding sagen kün-  
 de. Also empfieng vnd hielte in der kōnig gar ersamlich/vnd fraget in/  
 wie es im ergehn wüßte. Darauff jme der Einsidel antwort gab/spre-  
 chend/Du grosser Fürst/wie nöttigestu einen vnwissenden menschen/  
 dir den Götlichen willen zu sagen/was achtestu/das himelischs in mir  
 sey/die weil ich ein erdwüemblin bin? Damit du aber den gewalt mei-  
 nes Gots/den du nit erkennest/nit verachtest/vnd nit vermainest das

b ich dir



## Das erst Buch

ich dir nicht etwas künfftiger ding zu sagen wisse/ so sage ich dir/ Wie wol Gott der allmechtig/ so das Imperium eines so grossen volcks regiert/ dir dieser zeit das schwert der gewoltheit/ nach dem du ein Gaissel Gottis bist/ vnd Gott die vngerechtigkeit der menschē/ so von seinen gebotten abgangen sein/ durch dich hat straffen wollen/ in die handt geben/ so mag er doch solch schwert wider von dir auffheben/ wans sein gottlicher will ist/ vnd das einem andern geben. Das du aber wissest/ das der sig aller streit nit von dem menschen/ sonder aus Götlichem gewalt kompt/ so wirstu dismal im streit vnterliegen / Aber das schwert deiner veruolung wirdet mittel der bestimpten vnd fürgenomen zeit von Gott/ mit gar von dir auffgehbt/ noch dein Imperiū dismal nicht ausgetilchet. An welcher red des Einsidels sich kōnig Athila etwas entsetzet/ vnd beualh das man im den Einsidel behaltē solt. Er fordert dar nach all seine Aruspices vnd warfager/ die die ingewaid des riechs vñ ander ding/ so sie zu solchē thun haben müsten/ beschaweten. Dieselben besteteten die red des Einsidels/ vnd sagte weyter/ wie vnter seinen feinden ein mechtiger fürst in der schlacht vmbkomen solte. Dieweil aber kōnig Athila vnter allen seinen fürsten vnd hauptleuten der hochgemütest was/ vnd lieber wolte/ das alles das/ wie im die Warfager gesagt hetten/ vber in vnd sein volck ergienge/ dan das er sich vnd die seinen mit einer schendlichen flucht erretten solte. Nach dem het der kōnig Athila den Einsidel gern mit ehren vnd gaben begabt/ vnd in bey sich im veldt behalten/ dasselbig aber der Einsidel auffß höchsts ausschlug vñ floch/ Also lies er in im frid vnd glait abschaiden. Vnd der kōnig kame mit allem seinem heer in die Cathalonischen velder/ dorin die Römer zu veldt lagen/ vergreub vnd bewart sein leger mit den beschlagen wegen/ vñnd wartet also der feindt ankommen. Do er aber hörte/ das Ethius der Römisch ratherr vnd hauptman/ sich des siegs fast tröstet/ vñ den mererten tail außlendische nation hett/ beschwert den kōnig vbel das er den dritten tail seins heers wider den Soldan (wie vorgemelt ist) von sich gesandt het. Damit er aber dieselben wider abfordern vnd zu sich bringen möchte/ gedacht er ein list/ vnd begert von dem Römischen hauptman auff ettlich tag frid vnd freisttege zu der schlacht/ nicht darumb/ das er mitler zeyt weichen/ sonder allein/ das er den andern theil seines kriegß volck zu sich bringen möcht. Welchen argenlist der Römisch hauptman vermerckt/ vnd dem kōnig keinen anstand geben/ sonder sich den nächsten tag mit ihm schlagen wolte/ Dann er sich wie obset/ der grossen macht der Römer vnd außlendischen nationen getröstet. Es sagt auch die alte Vngarische Chronick/ das zehen kōnig in Occident/ mit aller irer macht



macht allda den Römern beystunden. Aber Anthonius vnd Sigisbertus schreiben/das Theodoncius der König Gothorum/vnd die Burgundier/Alani/Francken/mit irem König Meroneo/vnd alles Franckreichisch volck vnd Pirgient an Jenff vnd Schweiz stoffend/mit iren Königen vnd Fürsten/auch die Saren vnd Polacken/vnd nahent alles Orientisch volck/so sich daher mit Ethio versamelt hatten/wider Athilam welcher mit fünffmal hundert tausent mannen aus Pannonia gezogen was. Wiewol nun Athila von der weyffsagung des Einsidels etwas erschrocken was/so besorgt er doch die schlacht nichts/vnd vermainet/nach dem ihm seine warsager gesagt hette/das ein mechtiger Fürst vnter seinen feinden vmbkomen solt/es würde Ethius der Römisch haupt man selb seyn/Name darauff die schlacht mit den Römern tröstlich an. Vnd als nun beide heer in dem Cathalonschen veld (welches nach der leng zwey hundert/vnd nach der breite sibenzig welisch meyl hat) zu samen kamen/herzerten vnd scharmüzelten sie mit einander. Do sie aber zu letzt an ein solch ort vnd so nahent zusammen kamen/das sie die schlacht mit lenger auffzihen konten/gedacht Athila an die weyffsagung des Einsidels vnd seiner Warsager/wiewol er etwas in seine gemüt zweifflich was/so gedachtet ihn doch das best seyn/das er den veind zum angriff raizet/vnd ob im die nacht zum sig ein fug vnd vorteyl bringen möcht/ob er schon an macht vnd weeren den Römern nit gleichet. Vnd als es nun abent was/ward alle menig beider teyl bewegt/vnd lieffen zu samen die aller stercksten völder/vnd ward ein solcher herter streyt vnter ihm erhaben/dergleichen kaum in historiën gefunden wirt/also das der lufft vom hall der trumeten/haucken/vnd vom klang der schwerter erfüllt ward/da fiellen hin vnd wider zu baiden seitten vil tausent man/da ward alle eben des velds mit todten also erfüllt/das die streytenden auff den todten cörpern zu stehn not hetten/Man sagt auch/das ein solcher hauff mit leuten vnd pferden gefallen seyen/vnd ein solch blut vergiesen/das ein grosser bach von blüt mitten der schlacht gerunnen sey/also das er die todten cörper ein teyl mit im flözet. In solcher schlacht viele der aller thewrist König Gothorum Theodoricus/so zwischen dem sterckesten hauffen der veindt vmbkam. Vnd sagen all histori/so von der schlacht schreiben/einhelliglich/das in dieser schlacht auffpaiden tailen bey hundert tausent vnd achzig tausent mann erschlagen seyn worden. Wiewol sie in den Vngerischen Chronicken setzen/das König Athila das veldt behalten/So sagen doch Sigisbertus vnd Anthonius/auch all Römisch historiën/das Athila vntergelegē/vñ mit schaden abzogē sey. Do nun die schlacht ein lange weil gewert/vñ sich der sieg nyndert hin

b ij gewende.



## Das erst Buch

gewendt hatt/wich zu legt das heer Athile/vnd enthielt sich zwischen der wagenpurg. Als aber Thorsmundus/der ein son Theodorici was/solchs seins vaters sal erinnert ward/hat er jm entlich fürgenommen/seinen vatern an den veindten zu rechen/ist auch mit seiner macht für der feindt leger komen/vnd hat das stürmen wöllen. Do aber Athila solchs vernam/hat er (als die historien sagen) an dem sig ganz zweiffelt/vnd von allen säteln in seinem heer einen hauffen machen lassen/den seinen gebotten/ob die feindt vberhandt nemen würdē/ das sie alsdan jm den hauffen anzündeten/so wolt er darein lauffen/vñ lieber darin verbrennen/dan von der feindt hendt erschlagen/ oder gefangen im triumph geführt vnd verspot werde. Als aber Ethius der Römisch hauptman solchs des königs sun Thorsmundi fürnemen verstunde/siel jm ein/wo der yzgo an Athila gesiget/das er sich alsdan mit etwo vnter stünde/die Römer aus den landen auch zuvertreiben/defshalbē er Thorsmundum zu sich vordert/als ob er einen nötigen anschlag mit jm beschliessen wolte/vnd sprach zu jm: Thorsmunde/die weil wir einhelligklich darumb versamelt sein/das wir die feindt erlegten/vñ deinen vater mitsampt dir rechen wolten/nun were solchs yzgo ganz wolgeratē gesehen/Die weil aber dein vnd deines vaters getrewer vnd gewertig dienst vnd gutwilligkait mich dir also verpunden haben/wolte ich die deiner sachen halben/auch gern am trewesten rathen/Du müst bedencken/nach dem dein vater nun gestorben/vnnd du do haimen einen bußdern hast/der ein geschickt man/vnd zu regiren fast begirig ist/vñ so der deins vaters tod erinnert/sich der regirung allein vnterstehen werde. Darumb wo du dich gegen könig Athila weiter in ein schlacht begibst/ist nit gewiß/ob du schon heint gesiegt hast/das du morgen auch siegen werdest. Aber das ist dir vnter andern zu besorgē/wo du mit dem feinde schlägest/das du nit vberwunden/vnd alsdan zu sampt deinē grossen schaden/ aller erst mit deinem brudet/vmb das veterlich reich not haben vnd kriegen müssest/Demnach wöllest eylents anhaim ziehen/vñ den sachen fürkumen. Thorsmundus verstund des Römers mairung nit/vnd achtet solches des Römers anzeigen / als einen getrewen hailsamen vnd nutzen rathe/nam jm auch für/dem also nach zukumen. Als Thorsmundus nun hinweg kam/ward dz ander heer der Römer/mitsampt dem zusatz zerstreuet. So getorfft der dritt thail des heers Athile/so er wider den Soldan geschickt hett/vnd auff sein erforderig zum streyt oder schlacht nicht kumen warn/der selben keiner/die weil Athila lebet/in Hungern oder Pannoniam kommen/welcher lxx. tausent warn/Diese bliben in der Hispanischen vnd Cathalonischen landtschafft/vñ behielten den namen nach denselben landen.



Wie künig Athila gebot/das man in ein geißel Got-  
tis nennen solt/auch von der zerstörung der Stat  
Remense in Franckreich. Cap. 6.

**D** Nun Athila sahe/das sich das Römisch heer also zerlassen  
hat/wart er noch mit merer gewolichait auffgeblasen/vnd  
glaubet entlich/die Römer getösten sich nicht mehr mit im  
schlahen/vnd sprach: Die Stern fallen/vnd das Erdtrich  
erpidmet/nempt war ich bin ein hamer der welt. Er gebot sich auch/  
nach des Einsfidsel sag/ein geißel Gottis zu nennen/vnnd belib in dem  
Cathalonischen feld/von wegen der müed seins volcks/ettlich tag still  
ligen/darnach bewegt er sein heer/dann er noch ein vnzeltliche macht zu  
schezen hat/vnd griffe auff ein newes die Stet Gallie an/mit merer ver-  
wüstung dann vor/kam also für die stat Threce/do der heilig Lupus  
ein bischoff was. Do der nun vernam/das Athila daher kam/gieng  
er im in seiner bischofflichen zier/mit aller geystlichkeit entgegen/Als er  
für den künig gelassen ward/sprach er: Wer bistu/das du das erdrich  
also zerstreuest/vnd vnter die füß trittst? Antwort ime der künig: Ich  
bin Athila/der künig Hunnorū/ein geißel Gottis. Zu welcher stund der  
heylig Bischoff von stund an die stat öffen hieß/vnd sprach weyter/  
Die geißel meines herrn sey wilkom/füret den künig in die stat. Also  
zugen die hungern/villeicht aus des Bischoffs freündtlich erpieten/od  
aber aus schickung Gottis/mitten durch die stat/vnd theten niemands  
kein laid. Darnach kam er gen Chales/in welcher stat er vō den Bur-  
gern mit grossen ehren auffgenommen ward/defshalben die Bürger an  
leib vnd gut versichert wurden. Darnach belegert er die haubtstat  
Gallorum/Remensem/dann er vber die vast erzürnt was/aus der vr-  
sach/das sie den seinen/so er in Cathaloniam geschickt/widerstandt ge-  
thon hetten.Do er nun die ganz gegent darumb gelegen/verheret vnd  
verwüstet hat/stürmet er die stat heffiglich mit dem zeug/so er darfür  
bracht/vnd hies die mawr der selben stat niderwerffen. Er hat auch  
die zinnen derselben mawr dermassen mit geschosß vberschütt/das sich  
mit allein kein mensch/sonder auch das aller kleinst vögelin on verwun-  
dung alda nicht enthalten het mügen. Nun was ein hailiger Bischoff  
in der stat/mit namen Nicasius/ein man grosser tugent/der hett ein  
schwester Eutropia genant/ein vnmesliche schöne juncckfraw/die Got-  
dem almechtigen ir raimkeit geopfert hatt/welcher Bischoff vnd sein  
schwester/die ganz zeyt der belegerung in irem embsigen gepet lagen.



## Das erst Buch

Nach dem aber die armen Bürger kein hilff mehr wissen / daß das sie  
iren tod vnd verderben vor iren augen sahen / lieffen sie herolend vñ wai  
nend zu dem Bischoff / welchen sie an seinem gebet ligen finden / vnd sa  
gten zu im: O heyliger vater kome vns zu hilff / oder rathe vns / ob wir  
vns der dienstbarkeit der Haiden vnterwerffen / oder ob wir vmb Chri  
stlichs glaubens vnd errertung wegen der Stat / streyten vñ all erschla  
gen werden sollen. Nun hat der Bischoff durch offenbarung vorhin ge  
wißt / das die Stat zerstört werden solt / darumb er von dem gepet / als  
von einem tieffen schlaff / den bürgern antwortet. Ich hab wol gewißt /  
das die straff vber euch vnd ewer heupter kumen solt / von wegen ew  
er sünden / darüb sollen wir die Gaissel Gottis / so wir vns selbs geraizt  
haben / mit gedult vnd nit mit vnwillen / sonder in guter vñ vester hoff  
nung / vnd aller andacht / auch mit der geuerlichkeit des tods annehmen /  
Damit der tod allein sey ein peen vnd straff des leibs / aber ein erzeney  
zum ewigē lebē. Habt acht auff mich ewern halter / wo ich von des we  
gen / der mich euch zu einē halter gesetzt hat / zum tod berait bin / so wöl  
let ewerm halter nachuolgen / wo ir anders meine schaff seyt / so der hal  
ter wol erkent / vñnd seyt berait alles das zu leyden vmb der lieb willen  
Christi / so euch begegnen mag / Dann also / ir aller liebsten brüder / vnd  
in der gestalt / fert man gen himel. Darumb lieben brüder laßt vns peten  
vnauffhöllich / nicht allein vmb erlösung willē vnserer leib / sonder mer  
vmb der seelen erledigung willen / so wir mit vnserm sündigen leben be  
fleckt haben. Laßt vns auch bitten für vnser feindt / vnd inen als vnsern  
freunden glück vnd hayl wünschen. Mit diesen Worten tröstet der Bi  
schoff die bürgen / so bis in den tod betrübt waren. Es beherzet auch nit  
minder Eutropia mit außgestreckten henden in den hymel / die bürgen  
zu empfahen die Cron der marter. Die weil der Bischoff vñnd sein  
schwester mit den bürgern also redten / haben die huni oder hungern  
die statmaur zerbrochen / kamen hinein / vnd lieffen in der Stat hin vnd  
wider als die wüetenden hundert / Erschlügen alles das / so inen bekam.  
Do der Bischoff vnd sein schwester solchs erfahen / lieffen sie zu den  
porten der hauptkirchen / so in vnser lieben frawen ehr gepawen was /  
die der Bischoff zu einer hauptkirchen seins Bisshumbs selbs gestift  
hat / lobeten da Gott den almechtigen mit geystlichen lobgesengen. Als  
aber der Bischoff die gewapneten hauffen der feindt ersach / deutet er ein  
fülle mit der handt zu in sprechende: O du sterck vnd gewalt / ein diene  
rin des göttlichen willens / warumb kersstu wider die natur menschi  
cher eygenschafft / den sieg deiner würde in die aller greulichste wüstung.  
Nun was doch vor zeyten der war tittel der Streyster / das sie den vn  
terwerffen



terworfen schoneten/ vnd allein die hoffertigen vnd widerspennigen be-  
 freyten solten. Nempt war/ das Chustlich volck/ so irem Gott sich de-  
 müthigt/ vnd in andacht erhaben ist/ vnd vor ewrem angesicht mit gros-  
 ser gehorsam nidergeworffen gnad begett/ Wo ir nun meine schefflein  
 in ewer herten vngenedigkeit sucht/ so opffert doch mich von ersten ein  
 opffer der Göttlichen maiestet. Do nun der heylig vatter sich wider ni-  
 der warff in sein gepet/ vnd den versß des Psalmen sprach/ Mein seil ist  
 angehangen dem pflaster/ zu hand was der strich des veruolgers vor  
 augen/ vnd der heilig Bisschoff ward enthaupt. Aber das wort Got-  
 tis kam nit von seinẽ mündt/ sonder er erpat das vntödtlich leben/ so er al-  
 weg begett hat/ sprechende: Nach mich leben nach deinem wort. Vnd  
 Eutropia des Bisschoffs Schwester ward gefangen. Do der könig die  
 heylige juncfraw Eutropiam ansah/ hette er groß gefallen an ir/ ver-  
 bot das man an sie nit hand anlegen solt/ vnd was sein fürnemẽ/ im die  
 zubehalten. Als sie aber ersah/ das die gewolchheit bey in etwas gemil-  
 tert was/ vnd mercket das sie dem könig Athile behalten werden solte/  
 wolt sie nit verwilligen/ sonder ehe sterben/ vñ sagt zu dem/ der den Bi-  
 schoff in brudern getödt hat: Höre du vngenediger Tyrān/ du hast den  
 diener Gottis erwürgt mit deinen vngenedigen grewlichen henden/ vñ  
 wilt mich dir zu mißprauch behalten/ darumb dich das göttlich vtheil  
 yetz verdampft. Do nun die juncfraw die wort geredt hat/ vnterstun-  
 de sie sich demselben haiden zu entspringen/ vnd ime die augen aus kra-  
 gen wolte (welches mehr aus Göttlicher rach dann aus weiblicher frai-  
 digkeit beschehen sein zu glaubẽ ist) da durch sie die feindt zu grossẽ zo-  
 ren bewegt/ vnd mitsampt irem brudern vnd der vmbsteende die Cron  
 der Marter empfieng. Aus welcher lieben heyligen marter vnd besten-  
 digkeit Got der almechtig darnach merckliche zaichen gethon hat/ Dañ  
 man in ettlichen histouen geschriben findet/ als bald die verfolgung vnd  
 marter der Chusten menschen gar volbracht ward/ vñ die hunn die  
 stat plünderten/ das sie ein grosser graw angangen were/ das auch die  
 kirchen ein erschrocklichen haal geben/ davon sie dermassen erschrocken/  
 das sie den raub verlassen hetten/ vnd von damen geflohe wern. Nach  
 welcher verderbung vnd blut vergießung der Chusten menschen/ die  
 stat ein zeitlang öd gestanden/ vñ allein vnter der huot der Engel vnd  
 Marterer bliben ist. Man hat auch manche nacht von ferrem liecht in  
 der Stat gesehen. Aber zu letzt do der könig Athila gar hinweg was/  
 kerten die Bürger/ so ir leben mit der flucht errede hatten/ wider in die  
 Statt/ vnd begraben die Körper der Marterer mit würdiger ehr/ hand  
 leten auch/ vñ hieltẽ die Stat innen/ wie sie vormalß gethon hatten.

Von dem



## Das erst Buch

Von dem leiden der hailigen eilff tausent juncckfraw-  
en/ vnd von König Buda/ so von seinem bru-  
der Athila erschlagen ward. Cap. 7.



**D**arzwischen schicket Athila einen seiner hauptleut/ mit name  
Julium oder Giulam/ mit einem grossen tail seins volcks für  
die statt Cöln/ so dieselbige zeyt Agrippina hieß/ die zu bele-  
gern. Als der nun vor der statt lag mit gewalt/ die zu erge-  
bung nötet. Vnd die freudenreich vberschönste schar der Eilfftausent  
juncckfrawen/ dergleichen von anbeginn der welt nie ersehen wurden/  
durch führung der heiligen juncckfrawen Disule/ ein tochter des Königs  
Butannorum/ vnd mit dem durchleuchtigsten Herzogen Etereo/ ein  
son des Königs von Engenland/ irem breuttigam/ vñ dem Babst Cyria-  
co/ vnd vil andere geystlichs vnd weltlichs stands/ auff dem Rein hin-  
ab füren/ als palt sie hinzu gen Cöln kamen/ vberfiel sie gedachter des Kö-  
nigs Athile hauptman/ aus anreizung etlicher Römer/ von wegen des  
haidnischen ırsals vnd feindschaft/ so die haiden gegen dem Christliche  
namen trügen/ so auch mit sampt den Hunns vor der Statt lagen/ mit  
grossen geschray vnd grevolchait/ vnd erschlugen die alle. Derselbi-  
gen heiligen juncckfrawen leyden beschreiben vil historie/ vñnd wiewol  
sie von den trübsaln der zeit mißhellig sind/ die weil aber nie kain macht  
der Hunnorum/ als die Athilamisch/ Cöln beleget hat/ ist zu glauben/  
das die Eilfftausent juncckfrawen zu Athile zeyten gemartert sind wor-  
den.



den. Als nun Athila die Statt Remis auch zerstört hat/ verwüstet er darnach das ganz land Gallie/ vnd Flandern/ vnd auch alles Nider landt/ Vnd kam von dannen in Thüringē/ vñ hielt do selbst zu Esinach ein grossen hofe vñnd Reichstag/ als het sein heer von den Römern nie kein schaden genomen. Zu welchem etlich der vmblygenden Fürsten auff des Königs glait kamen/ dan sie ye des Königs antlitz vnd gegenwertigkeyt/ darab die ganz welt sich erschüttet/ ansahen. Welche auch der König mit grossen ehren empfieng/ vñnd mit kostbaren gaben begabet/ vñnd sie nach vil eh: erbietung mit gutem frid wider abließ scheiden.

Darnach sendet er seinen aller besten hauptman vñ ein mechtigs her wider die Dacos/ Normandos/ Friesen/ Litarver/ vñ Preussen/ das sie die seinem gebiet vnterwürffen. In derselben zeyt hat auch Athila Strasspurg/ Wormbs/ Basel/ Augspurg/ vnd vil ander stet in Nidern vnd Obern teutsch landen zerstört vnd zerrissen/ deshalbē sich die Teutschen mit sampt den Römern wider besamelten. Als solchs der König Athila vernamē/ wie die Römer vnd Gothi sich abermals wider ihn verainete/ vnd ein grosse macht besameltē/ deshalben er sich besorget/ damit er von inen nicht hinterkomen würde/ vnd nach dem seine ritter von soul arbeyt vnd strayten müd warn/ verließ er Galliam/ vnd zoch eylents wider in Pannoniam. Vñnd do er zu Sycambria was/ ward sein bruder Buda gegen im versaget/ wie er in seinem abwesen das gemerck seines reichs vbergriffen/ vnd sich ime sein reich abzudringen vnterstanden het. Nun was das ein gross anzeygen/ das Athila in seinē abschid die stat Sycambria nach seinē namē Athila zunennen befolhē hat/ Aber sein bruder Buda hat die nach seinem namē Buda Wara genent/ deshalben Athila seinen bruder Budam durch argenlist fieng/ vnd mit seinen aigen henden erschlug/ vñ den cörper in die Dunaw werffen hieß. Wiewol nun Athila die statt nach seines bruders tod wider Athile zunennen gebot/ so hieltē doch die hungern solchs gebot nicht/ sonder nantē die Buda Wara/ nennen die auch noch heutigis tags Buda. Aber die Teutschen/ so auff das gebort Athile mehr sorg hetten/ nanten die Ezelburg/ das ist soul als die statt Athile. Nach dem tod Bude ruhet Athila zu Sycambria fünff jar/ doch hatt er an allen ortē seine kuntschaffter/ auch vil Pafs vnd besetzung innen/ vnd was im der meyst teil Teutsch land/ auch Gallia/ vnd ander vmblygende land zynspar.

Von dem sturm vnd eroberung der statt Aquilegia/ vñ vñnd Aglan genant. Cap. 8.

c Als



## Das erst Buch

**A**ls nun Athila der König nach vil schweren Kriegen/so er in Teutischem land/ Franckreich/ vnd andern vorgemelte enden/ vnd sonderlich in den Cathalonischen veldern geführt/ fünff jar gewet het/ vnd ime darzwischen der schade/ den er in den Cathalonischen veldern von den Römern empfangen het/ stetigs in gedechtnus/ vñ deshalb sich zu rechē begirig was/ erstattet vñ pesseret er allen abgang seines heers/ er wolet new Kriegsflent hat einen gemainen Keltisch/ vnd zoch darnach aus Pannonia durch Steyr/ Kernten/ vnd Dalmacien/ mit grosser verherung der landt/ vñ legert sich bey Spalet vnd Salona an dem Venediger meer/ zerstört dieselbige stett/ vnd verbrennet die aus dem grundt. Darnach zoch er nach dem meer stram/ vnd zerstört dieselben stett vnd flecken auch mit grosser greulicheit/ Wiewol der vil auff den pergen gelegen/ mit mauer vnd greben wol versehen warn/ daran er sich als ein grimmiger wütender leo rach. Zu letzt kam er für Aquilegia/ so yet Aglan genent wird/ Welche statt im eingang Italie gelegen/ vnd als man sagt von einem Troyanischen Fürsten Anthenore/ wie auch Padua/ gebawen ist/ so domals ein grosse mechtige statt/ vnd von forcht wegen Athile/ mit gräben/ mauer vnd Kriegsflenten wol versehen vnd bewart was. Do nun Athila ir große weert so wider in bereit was sahe/ ward er mer enzündet/ vnd name im für/ die zu belegern/ vnd vor eroberung derselben nit abzu ziehen/ achtet auch bey sich/ wo er die nicht erobert/ das im solches ein grosse verflainerung seins siegs were/ Darumb er die beleget/ vnd vil streytwerck/ die mauer zu fällen/ machen vnd hinzu führen lies/ So verfochten auch die in der statt die mauer/ mit grosser irer vnd der feindt gefelichait tröstlich/ deshalb die belegerung drey jar weret. Vñ nach dem ein solch groß volck in so langer zeyt alles vmbbligend erdttrich aller ding/ vñnd zumal der speysß beraubt/ das die herausen im heer nit minder als die in der statt mangel hetten/ gedacht im Athila offtmals die belegerung der statt zu verlassen/ vñ fürter zu ziehē/ dasselb sein angeborne hoffart aber nit geschehen ließ/ Darumb er eins tags mit etlichen seyner Fürsten vnd hauptleuten vmb die statt rit/ vñ ein stiglich ort zum sturm besehen wolt/ ersach er einen storch/ so auff einem hohen thurn in der statt ein nest vnd junge het/ eins seiner jungen in den schnabel nemen/ vnd in ein gerösch so nahent bey der statt was/ führen/ vnd bald darnach wider nach einem kam/ dasselbig auch in das rösch zu führen/ sprach er zu den seinen/ Secht an den vogel/ der da künfftiger ding wissen tregt/ dann er weiß das die statt von vnsern henden zerbrochen werden sol/ damit er aber nicht mit den Bürgern verderb/ wil er sich vñnd seine



seine junge erretten/ vnd treget die aus der statt in das gerösch. Desßhalben laßt vns manlich sein/ damit die stat allein nicht mög sagen/ das kein Statt hat sprechen döffen. Mit den worten er all sein heer begirig macht zu dem sturmb der Statt/ deshalben des andern tags sie die Stat mit ein grossen geleuff vnd vngestümi anliefen. Do nun die Bürger sahen/ das inen nach gewinnung der statt/ anders nichts dan der tod künfftig was/ wolten sie eh sterben in errettung ir vnd irer stat/ vnd stelten sich tröstlich zu der weer/ trieben auch die hunnos von dem eingang der statt ab. Als aber könig Athila sahe/ das er desselben tags nichts künde geschaffen/ erdacht er des andern tags ein andere geuerlichkeit wider die stat/ vnd gebot/ das alweg der vierdt sätel in seinem ganze heer zu der statmaur gebracht/ zu hauff getragen/ vnd alsdann angezündt würde. Als die nun pranten/ ward die statmaur daselbst aus gewaldt des feners fast geschwecht/ vnd viel gechling erinder. Do der könig solchs ersach/ ordnet er ein vnzalbar volcks zum sturmb/ die an die trübsal erschrocken statt fiellen. Als sich nun der streyt des sturmb in die harr vñ leng verzoch/ vñ der könig/ so oft seiner hauffen einer müd ward/ einen andern geröten an die statt stellet/ darumb den belegten/ so all arbeit müsten/ vnd den wechsel mit hetten/ kain rwe gegeben ward/ deshalb zu lezt die fräischlich menge der hunnorum vberhand gewann/ vñnd in die stat einfelen/ vnd alles das da lebet/ alts vñ jungs on alle vnterschied erschlugen/ allen ramb der grossen Stat namen/ vnd allein die frawen so ir schön sie von dem tod erlediget/ leben ließen. Nun was ein edle fraw in der Statt/ so von iren eltern her fast schön berümbt/ ein Christen vnd mit grosser Gots forcht vmbgeben/ die hett ein hauß an dem wasser so durch die statt fleusset/ als die nun höret/ das allein die schöne frawen von wegen irer schön von den feindten behalten würdē/ erseufft sie/ vnd setzet ir für eh zu sterben/ dan das sie iren leib mit der so greulichen nation beslecket/ vnd alsbald sie das geseuß derselben vernamē irem hauß nahende/ stige sie hinauff in alle höhe des hauß/ verwickelt ir haupt vnd augen/ vnd warff sich hinab in das wasser/ vnd endet also ir leben. Dieselbige zeyt sol die statt Venedig durch die landtfessen in Fryaul/ so die greulichkeit des tyrannen Athile fluchen/ fast erhebt vñ erpawen/ auch zu allem reichthumb kommen sein/ Dann die flüchtigen groß gut/ mit sampt iren weib vnd kinden dahin geflöcht/ die statt besestiget/ damit sie von den hunnis sich in solcher Insel enthalten vñnd sicher sein möchten.



## Das erst Buch

### Von eroberung der statt Rauenna. Cap. 9.

**D**ann die statt Aquilegia gewonnen/zerstört/vnnd in den grundt verbrent ward/was Athila nicht vergnügt/sonder verderbet auch darzu die vmbliegenden stett/vnd zerschlug alles das/was ime begegnet/wie ein pliz/vnd gewan von stund an Concordiam in der herrschafft Friaul gelegen/darnach Pictuam/so bey vnsern zeyten Padua genent wirdet/defgleichen Veronā/Vincenz/Brixiam/Cremam/Mantuam/Pergamum/vnd Ferrer/die mechtigsten stett/vnd vnterwarff im die. Darnach zoch er weiter in die Italiamisch gegend/vnd vnterwarff im auch dieselben stett wie die andern. Nach langer verherung aller ding/rucket er für Rauennam/vnd wolt die auch mit gewalt gewinnen. Nun was dieser zeyt in derselbige ein Erzpriester vnd Arrianer/genant Johannes/der selbig setzet zu widerdneß der Römischen kirchen/vnd dem heiligen Christlichen glaubē/zwölff Cardinel seiner Sect/vnd besamelt einen mechtigen scharz. Do nun kōig Athila zu der stat kam/gieng der selb Erzpriester mit aller seiner priesterschafft/mit weissen stolen angelegt/dem kōig entgegen/vñ bat in für die statt vnd Bürger/verhieß im auch/wo er seiner Sect anhengig seyn wölt/vnd die Christen veruolgen/so wölt er im versprechen/das er alles Italiam/darzu Rom vnd Affricam leichtlich vnter sich brecht/durch sein hilff vnd rath. Do der kōig die wort vernam/wart er bewegt/mer aus geittigkeit zu regiren/dann das er seiner Sect nachuolgen wolte/vñ saget zu im/Es ist gut/der vnterthonen verschonen/damit aber deine Bürger sich nit berümen mögē irer macht/damit sie nit zu widersteen inen fürgesetzt hetten/wöllē wir/das die rigell der statt porten dannen gethon/vns die statt geöffinet/vñ vnser heers pferden zuuertretten vntergelegt werden. Den von Rauenna gesiel die mairung des kōigs wol/rissen auch allenthalben die porten der statt auff/vnd ließen in mit allem heer ein. Also zoch das ganz her der Hunnoum on meniglichen belaidigung durch die statt/vnd der kōig wonet in der/nach seinem gefallen. Von dannen beweget er sein heer/vnd zoch in Liguriam. Belegert vnd gewann auch die stet Mailand vnd Licium/die namhaffsten stett/vñ ließ die plündern vnd Sackman darüber raffen. Do er nun zu letst menschliche blüts vñ raubs ersettiget was/legert er sich an dem end/do der fluß Mincius in den Padum fleußt/rathschlug teglich bey im selbs/ob er sich auch für Rom schlagen solt/so was ihm alweg vor augen das exempel des kōigs Gotthoum Alarici/welcher so bald



so bald er Rom gewonnen vnd plündert hett/ von stund an gestorben  
wer/ deshalben er dahin zu zihen verzoeh.

Von der zukunfft des Pabsts Leonis zu dem Kö-  
nig Athila. Cap. 10.



**N**un was der willen des Königs Athile erschollen in allen stet-  
ten Italie/ darüß ein groffe forcht in die Römer kam. Do sie  
nun lang rathschlugen was inen zu thun wer/ vnd sie betra-  
chteten/ wie sich Athila gegen dem Bischoue von Rauenna  
so tugentlich gehalten hette/ vermainten sie Leo der Pabst wurde inen  
auch solche genad erlangen mügen/ darumb sie zu im giengen/ vnd red-  
ten in an mit diesen worten: heiliger vatter/ die Götlich rath ist von we-  
gen vnser sünden nahend/ wir können auch nicht gedenden/ der anders  
zu entgeen/ dan durch dich/ darumb kum den deinen zu hilff/ vmb derē  
willen Christus sein plät vergossen hat/ vnd laß die erschrocken vñ vor  
forcht erzittrende statt mitsampt dem tod irer Bürger nit zu aschen wer-  
den/ Du allein magst vns gnad erwerben/ wo du von vnser wegen zu  
König Athila zu zihen nit ablegst/ Darumb zeuch hin heyliger vater/ vñ  
wo es anders nit gesein mag/ so mach vns dem angemen mit zins. Dar-  
zwischen schoß Athila ein grossen theil seines heers aus/ vnd setzet inen  
zu einem hauptman Toward/ vnd sandt den in Apuliam vnd in Cala-  
briam/ biß zu der region vnd statt Cathona/ so vor zeyten von dem phi-  
losopho Cathone/ nach gemeiner sag/ gepawen ward/ die zerstöten sie  
c iij vnd ka



## Das erst Buch

vnd kamen mit einem grossen raub wider zu dem kōnig. Darnach  
kam Leo der Pabst mit einer grossen menig der geistliche vñ mit grossen  
pracht der Kirchen/vnd vor im wurden getragen die kirchen phanen/  
zu Athila dem kōnig/dem der künig entgegen gieng. Do sie nun zu samē  
kamen/bewiß jme der künig zimlich er. Also hetten sie auff den pferden  
sitzend mit einander ir gesprech. Vñ wiewol des Pabsts werbung Athi  
le mißfiel/yedoch erlanget der Pabst von jme alles das er in bate/vnd  
pracht nit allein der statt Rom/sonder auch dem ganzen Italien hail.  
Do in nun der künig abfertiget/vnd sich die seinen großlich verwunder  
ten der ehren/so dem Pabst von Athila geschehen warn/vmnd das er  
in seiner bit so leichtlich gewert hett/vnd Athilam fragten/gab er inen  
zu antwort: Ich hab nit des person/sonder eines andern person geehret  
dann einer neben im in priesterlichen klaidern/einer ernsthaften gestalt  
vnd erbern alters steende/der in seiner hand ein bloß schwert hatt/vnd  
die zen wider mich auff einander piß/vmnd droet mir den tod von stund  
an zu zufügen/wo ich in des Pabsts werbung nicht verwilligte. Dar  
nach zerließ Athila das heer/vnd zoch wider gen Rauenna/vnd ließ all  
da/aus rath des Pabsts/den Erzbischoffou Ariamischer ketzerey ver  
sent marct golts geschertzt hett/ließ er darnach den Bischoff tödten:  
Nach dem zoch er mit aller menig seines heers/mit vnsegliche raub der  
Italorum beladen/wider in Pannoniam. Nun was er noch nit an der  
grenzen Pannonie vnd Hungern/do kam zu im der Kemerling honorie  
der Schwester des kaisers Valentiniani/welche derselbig kaiser bey sich  
verwaret hielt/Vnd was des Kemerlings werbung/das kōnig Athi  
la die von dem Kaiser zu einem gemahel begeren solte. Do er aber aus  
Italia komē was/endet er ein Legation zu dem Kaiser/vnd ließ durch  
dieselbig botschafft begern/das er im sein Schwester mitsampt dem hal  
ben Römischen reich/zueinem gemahel geb/oder er wölt sich wider  
vmb wenden/vmnd das Occidentisch reich noch einest verderbenn. Er  
het auch solchs gethon/wo er lenger gelebt hett.

Von einer neuen heyrat des Königs Athile/vnd  
von seinem end. Cap. 11.

**D**o Athila wider in Pannoniam came in die stat Sycambria  
vnd nun von arbeit vnd vnauff hōlichem kriegē müd was/  
vnd deshalben rwe begeret/nach dem er sein glori nun ge  
nug erhebt hatt/also das sein ruom in alle welt außgangen/  
vnd die



vnd die aufferisten regionen vnd lender erschütt vnd bewegt waren. Je doch begeret er aus grosser ehrgewiltigkeit noch grössere ding zu vollbringen / forcht sich auch nicht in schwer sachen einzulassen. Damit seine waffen in den landen Asie vnd Aphuce auch erkant würden / name er im für vnd gedacht vber meer zu ziehen / Egypten / Assyriam / vnd andre reich darumb ligend / seinem gewalt auch zu vnterwerffen. Aber die göttlich fürsichtigkeit hat es anders fürsehen. Dan nach dem er an der menige seiner weyber / deren zal nit genugsam bekant was / kein genügen het / hieß er im vermählen ein juncfrawen / welche vberaus schön was / ein tochter des Königs Bactrianorū / mit namen Mykolch. Do er nun ein mechtige hochzeyt gehalten / sich in der wirtschafft mit vbrigem wein beladen / auch in dem beyschlaffen zuwil mit dem werck der vnkeuscheit geübet het / nach dem er nun mit alter beschwert / vnd von dem werck müd was / entschlieff er / Vnd ward im also in dem schlaff die nasen blüten / Nach dē er aber dauon nicht auffgeweckt ward / sonder starck im schlaff was / sencket sich das blüt / so durch die naslöcher seinen außgang nit genugsam haben künde / in den halß / dermassen / das er in seine eygen blüt ersticket. Do aber sein fraw aus dem schlaff erwacht / vnd in vmbfahē wolt / empfand sie das sein leib ganz erstarrt vñ erkaltet was / als sie in hin vnd wider beweget / kein zeichen des lebens an im finden kont / erschrick sie vber die mas ser / vnd erweckt des Königs kernerling mit grossem heulen vnd geschrey / die mit liechten kamen / vnd iren herrn tod funden. O wee / wie bald zerget die glori der welt aus göttlicher schickung / dan dieser so vber die maß viler völker blüt vergossen hat / ersticket yetz in seynem eigen blüt. Als nun die mer laut wurden in Pannonia / ward die ganze statt Sycambria mit wainen vñ heulen erfüllt. Zu lezt ward König Athila bey der Seul zu Kewetadicha zu Bela vnd andern obgedachten hauptleuten mit grossem gepreng begraben. Man sagt / dz in der selben nacht als Athila gestorben ist / dem Kaiser Martiano zu Constantinopel im schlaff erschienen sey / wie der bogen Athile zerbrochē were / aus dem er seinen tod erkent hett. Summa. Zu der zeyt / als die Hunni der Teyssa zunehete / vnd sich erstlich dahin gelegert hettē / biß zu der schlacht zu Kasinauer / warn erschienen fünff jar. Von derselbē biß zu dem reich Athile ein jar. Vnd Athila regiet xliiij. jar. Er was fünff jar hertzog oder hauptman / vnd hat gelebt hundert vnd xxiij. jar. Vñ starb im lxxij. jar des einzugs der hunnorum in Pannoniam / vnd im vierhundert funffvndvierzigsten jar nach der geburt Christi.

Von dē



## Das erst Buch

Von dem krieg der sün Athile nach seine tod/vnd wie seiner  
sün einer/genant Chabe/wider in Scythiā zoch. Cap. 12.

**D**O nun der tod Athile an allen orten erhall/erschrockē alle na-  
tion/wußte nit/ob sie sich seins tods erfreuen oß bekümmern  
soltē. Dañ sie forchtē nach dē er ein fräischlich greulicher mañ  
gewesen were/vnd vil Sün verlassen hett/das nit etwo ei-  
ner in das Regiment nach im köme/der/wie sein vatter gesitt/oß noch  
grewlicher würde. Nun warn dazumal in Sycambria vil Teutscher  
Fürsten/so forcht halben Athile gen hoffe riten/vnter welchē Dietrich  
von Bern mit der wenigst was. Die weil nun vnter den Sünen Athile  
zwen warn/die im für die andern billich nachkömen solten/die in man-  
heit des gemüts vnd alters halben die andern vbertrossen/der ein Cha-  
ba/der ander Alladarius genant/so ime von frau Kremheilch eines ed-  
len hertzogen aus Teutschem land tochter geborn wurde. Diweil nun  
die Hunni vnd die auslendischē nationen/einer dem/der ander disem an-  
hiengen/vñ yeder sein theil fürziehen wolt. Vñ Dietrich auch andie Für-  
sten Germanie/mit guts willens gegen den Hungern warn/die hiengen  
mit etlichen wenig Hungern/Alladario als irem landfman an/vnd vn-  
terstanden sich ein zertrennung vnd zweyung zwischen inen zumachen.  
Es gewan auch solch ir fürnemē fürgang/dañ nach dem nun beid des  
königs Sün also in zwo tracht regirten/erhub sich durch anschmüdung  
Tetrici ein grosser krieg zwischen inen/vñnd tröstet sich yeder tail seiner  
parthey vnd macht/so sie hetten an völkern in der stat Sycambrie vñ  
sonst/also das sie zu schlagen kamen/Vnd es geschach ein grosse mann-  
schlacht. Doch ward zu letst der Chaba durch list Tetrici vberwundē/  
darumb er mit seinen jungen brüdern/so im anhengig waren/der man  
sagt sechzig gewesen sein/vnd mit fünffzehen tausent hunnis/so in der  
schlacht vberbliben warn/zu honorio dem Kriechischen kaiser seinem  
Zene floch/Welchen der alt kaiser mit grossen ehren empfieng. Vñnd  
wiervol er in einen inwoner Grece/auch seines reichs teilhafftig gema-  
cht haben wolt/so lag ihm doch des vatterlands süßigkeit dermassen  
im sün/das er nach dreyzehen jaren aus Grecia wider in Scythiā zoch/  
in welches er/ferre des wegs vnd schwachheit halbē/in einem jar kaum  
kamen mocht. Als nun Chaba in Scythiam kam/daselbst er ein weib/  
nicht aus Scythia/sonder von nahent da bey ligende nation der Co-  
rusmannorum/name/Von welcher frau er nachmals einen sün/mit  
namen Edemen/vñ einen seinen bader Ed genant/gebart. Aber als  
lang er lebet/gedacht er alwegen des fruchtbarn lands Pannonie.

Das ander



# Das ander Buch

## Der Vngerischen Chronicken.

Wie die Hunni oder Vngern zum andernmal wider  
in Pannoniam kommen/vñ von iren Hauptleu-  
ten vnd Königen/so nach einander regirt ha-  
ben. Cap. 13.



**E**S gebar Elend ein sun Vgeck genant/aus 8 tochter End-  
bili/in Scythia/den er von dem zufall Almus nennet. Dañ  
do sein muter sein schwanger was/sähe sie im schlaff einen  
vogel in gestalt eines habichs/zu ir kommen/vnd sein haupt  
in ir schoß legen/vnd dz von irem pauch ein milter pach schön vñ lauter  
gefloffen/von dannen in ein frembdes erdtrich gerummen/vñ groß wor-  
den were. Welches auch geschach/dañ nachmals von seinen kinden ein  
groß geschlecht/lobwürdige kōig geborn wurden/welche hernach in  
frembden landen/auch in Vngerland/vber ein vnmeßlich volck mit der  
höchsten glori geregirt haben. Weil aber der traum in Vngrischer spra-  
ch Alom genent wird/vnd diese geburt durch den traum vorgesagt/ist  
er deshalb Almus genant worden/wie hernach angezeygt wird. Al-  
mus gepar Arpad/darnach Arpad gebat Zoltan/Zoltan gebat Tori.  
Nach der geburt vnfers Herrn Jesu Christi/Sibenhundert vier vñdvi  
d erzigt



## Das ander Buch

ertzig jar/vnd nach dem tod Athile dreyhundert vnd ein jar/zugen widerumb ein in Pannonia die Magyar hunni oder hungari/zu der zeyt des kaisers Constantini des fünfften/vnd Zacharie des Pabsts. Als sie nun durch das reich der Bessorum/Alborum/Chumanorū oder Reussen/gen Sußdaham vnd zu der statt Xyo genant kamen/zugen sie darnach vber ein hohe albin vnd gepirg/do funden sie vnzelich vil adler od groß geyer/von der wegen sie nicht bleyben mochten/dann sie von den paumen flugen wie die fliegen/vnd die verzerten inen ir viech/desthalbē eylenden sie in Pannoniam oder hungern. Darnach zuhen sie vber die perg bey dreyen monaten/vnnd kamen zu letst an die grenz des Vngerlands/zu dem erdtrich yertz Erdel genant/wider den willen der bemelten völker vnd inwoner.

### Von den Siben Hauptleuten vnd Herrn der Hungern. Cap. 14.



**D** Nun diß obgemelt volck hinab kam in dasselbig erdtrich Erdel/besorgten sie das vber fallen der vmbligendē völker/vnd teilten also alle macht ires heers/so sie fürten/in Siben teil vnd heer/vnd setzē einem yeden teyl einen sondern hauptman/machten auch Centuriones/zehentner/Rotten vnd Rottmaister/nach gewonlicher weise. Es het ein yedes heer dreissig tausent/achthundert/siben vnd fünffzig streytbarer mann. Mit denselben siben hauptleuten vnd iren heern/verordenten sie/zu errettung weib vnd kind vnd irer



iter hab/Siben leger/vñ parwte in yedem ein schloß/ teber oder burg/  
In welchen legeru sie darnach lange zeyt bliben vñ wonung heten/ dar  
umb dasselbig tail des erdtrichs oder lantschafft noch auff heutige tag  
von den Teutschen Sibenburgern genent wird.

Von dem ersten Hauptman/ vnd von einem weissen  
pferd mit einẽ gulden sattel vñ zaumb. Cap. 15.



Er mechtigst vnd reichst vnter den Siben hauptleutē/  
was Arpad/ ein sun Almi/ des sons Eleud ein sun Vg-  
eck. Desselben vatter ward in seinem vaterland Erdelen  
erschlagen/ daß er mocht nit in Pannoniam komen/ dar-  
umb sie in Erdelen bliben/ ergetzten do it viech mit waie-  
den. Do sie aber hörten von den inwonern die fruchtbarkeit des erdt-  
richs/ vnd wie die Donaw gar ein edler fluß/ dardurch flüsse/ vnd das  
in der welt kein besser erdtrich wer/ Siengen sie zu rath/ sandtē einen bo-  
ten mit namen Kusid/ der in Pannoniam zug/ vñ das ganz land besich-  
tiget/ vnd das wesen der inwoner desselben erkennen lernet. Do nun Ku-  
sid mitten in Vngern kam/ vñ nach der Donaw abzoch/ sahe er ein  
fer fruchtvars erdtrich/ darinn einen guten preiten fluß/ das ime wol ge-  
fiel. Vnd kam zu dem hertzogen der prouinz/ mit namen Zwatapolug/  
so des geschlechts Athile gewesen/ vnd von seinem sun Aladarius her-  
komen/ vnd vber dasselbig landt herr was/ grüßet in/ vñ thet sein wer-  
bung/ saget warüß er komen were. Des sich der Fürst großlich erfrew-  
et/ dann er vermaint/ sie weren parwers leut/ vnd wurden im sein landt  
erpawen/ deshalben er den potten erberlich abschied. Also füillet der pot  
Kusid ein lagel vol Donaw wassers/ darzu kreuter in einem aymen/ vñ  
schwarzen sand/ vnd keret also wider zu den seimen. Als er in nun saget  
alles das er gesehen vñ gehört het/ auch die lagel mit dem wasser/ die  
kreuter/ vnd den sand antwortet/ gesiel es ihnen fast wol/ kosteten auch  
das wasser/ vnd besichteten die kreuter vnd den sand/ Vnd merckten dz  
dise stück/ das wasser/ kreuter vnd sand ein anzeigen geben eines guten  
erdtrichs. Es schöpffet auch der hauptman Arpad von erst des was-  
sers der Donaw/ vñ füillet damit sein horn/ vnd rüffet vor allen andern  
hungern die gulte Gottis vber das horn an/ vnd pat Gott/ das er inen  
diss erdtrich zu ewigen zeyt verleihen wölte. Auff welche wort die Vn-  
gern all zu schreyen anfiengen/ Deus/ Deus/ Deus/ zu dieyen malen. Da  
selbst kam auff der geprauch so auff heutigen tag noch bey den Vngern  
ist. Darnach sandten sie mit gemainem rathe den vouigen potten wi-



## Das ander Buch

der zu dem bemelten fürsten oder hertzogen zwatapolug / vnd schickten ihm ein weiß pferd mit einem vergulten sattel vnd zaumb von gute Ara bischem gold / von wege seines erdrichs / so er in verlihen het. Des sich der fürst abermals hoch erfreuet / vnd vermainet sie hetten ihm das von wegen des erdrichs / darin sie herbug haben wolten / geschickt. Al so begert der pott ein erdrich wasen vñ wasser von ihm / Des der fürst lachet / vnd saget / Sie solten derselben haben souil sie wolten. Mit den Worten schid der pott wider ab zu den seinen. Mittler zeyt was Arpad mit den Syben herrn vnd hauptleuten in Pannoniam eingezogen / nit als ein gast / sonder als ein erb des lands. Darnach santen sie ein andern potten zu dem fürsten / vnd beualhen ihm zu sagen: Arpad / der Vngern obuster hauptman / mit sampt den seinen / laßt dir sage / das du aus dem erdrich / darumb sie dir das Roß geben haben / vñnd für das gras den zaumb / vnd für das wasser den Sattel / von dir erkaufft haben / vñnd du inen solchs von armut vnd geyrigkeyt wegen verlihen hast / zihest / das rawmest / vnd nit lenger darin bleibest. Do nun die legation solchs dem fürsten fürgehalten hett / erschrack er des seer / vnd saget / Sie soltē das Roß mit einem hülzin hamer erschlagen / vñnd den zaumb in das wisinat werffen / vnd den vergulten Sattel in die Dunaw versencken. Darzu der pott redet / Was schadens werden die hunni deshalb haben / wo du das Roß vmbbringst / Wirstu du doch nur ire hund damit speisen. Wirstu den zaumb in das gras / so finden den ire mader. Versenckestu dann den Sattel in die Dunaw / so werden ire fischer den findē vnd heim tragen. Dann wo sie das Erdrich / Wasser vñnd Gras haben / so haben sie es gar. Do diß der hertzog hört / besamelt er bald ein heer / dan er die hunnos forcht / er erwarb auch von den vmbliegenden landen hilff / vnd kam den hungern entgegen. Nun waren sie dieweil zu der Dunaw kummen / vnd singen die schlacht an einem morgen früe an. Aber die hungern hetten vil volcks / vnd vmbzugen den hertzogē zwatapolug / vnd dungen in vnd die seinen mit größem gewalt zu der flucht / eylten inen biß an die Dunaw nach / vnd do der hertzog mit weyter kont / warff er sich vor forchten in die Donaw / vnd ertranck.

Wie die Vngern das landt eingenommen / vnd vñter sich getailt haben. Cap. 16.



Es aber zwatapolug der hertzog vmbkommen was / wie gemelt ist / zugen die hungern in Pannoniam / namen das landt ein / teilten das vñter sich / vnd vertriben all ander völkē dar aus /



aus/ Vnd ruheten sechs jar/ auff das sie ir roß vnd harnasch wider pefserten. Im sibenden jar zuhen sie in Merhern vnnnd Behem/ welche zu der zeyt der hertzog Dratislaus regirt/ beraubeten das gewulich. Nach solchem sig machten sie einen anstandt mit demselben hertzogē/ vnd rueten ein jar. Darnach zugen sie in Carinthiam für das schloß Leopach/ do begegnet inen der hertzog Morauie Gotfridus/ hertzog Eberhart von Kernten/ vnd Gregorius der patriarch von Aquilegia/ vnd es geschach ein herter streyt vnter inen. Vnd wiewol der Hungern dozumal vil ernider giengen/ vnd den streyt verloim/ so wurde doch bald hertzog erschlage. Als aber kaiser Conrad vernamē/ das die Hungern in sein imperium oder reich griffen/ vnd die zwen hertzogē erschlage hetten/ nam er im für/ einen zug in Vngern zu thun. Vñ als er aus Italiengen Augspurg in Schwaben kam/ das er alsdann von dannen in Vngern züg/ erhüb sich ein inhamischer krieg zwischen den Römern/ deshalbē er solchen zug in Vngern ansteen lassen vnd wider hinter sich zihen must. Also bliben die Hungern drey ganze iar in ruhe/ das sie nyndert hin zugen. Aber im vierden jar zugen sie wider aus in Bulgariam/ verwüsten all da die Stett vnd das ganz land. Darnach zugen sie durch Fryaul biß in die Lombardischen marck/ verwüsteten erstöten die stat Padua mit fexer vnd schwert. Von dannen zugen sie weyter/ auch andere stett vñ Clöster zu verderben/ erschlugē do den Bisschoff zu Viterb/ Linther genant/ ein rathgeb keyser Karls/ namen aus seiner kirchen ein mechtigen scharz/ zugen mit grossen rarb sighthast wider in Pannoniam/ vnd feyten darnach zehē jar. Im aillften jar durchzugen sie Sachsen/ Thurin gen/ Schwaben/ vnd die Orientschē Francken/ auch die Burgundier. Vñnd als sie auff die grenzen des Bayerlands/ an das ort enhalb des Schloß Abach der Dunaw kamen/ begegnet inen ein heer der Teutsch en am irem wider zug/ die die hungerischē mit guter ordnung in die flucht schlugen/ vñnd ir vil erwürgten/ auch die trefflichisten Vngerische hauptleut siengen. Vnd welche Vngern darvon kamen/ die zugen heim in Pannoniam/ vnd ruheten da sechzehen jar.

Von dem tod der Hungerischen hauptleut  
Leel vnd Bulchu. Cap. 17.



Im nachzehenden jar/ zu den zeyten der regirung Conradi des ersten/ zugen die Vngern aber aus/ vnd verherten ettlich teyl des Teutschen lands. Als sie gen Augspurg kamen/ bewegt

d iij sich



## Das ander Buch

sich der heylig Bisschoff Ulrich mitsampt den Fürsten des heiligen Reichs / denen kam Kaiser Conrad mit einem grossen volck zu hilff. Da wurden die Hungern aber eins teils geschlagen / vnd ire beste hauptleut Leel vnd Bulchu gefangen / vñ an den galgen gehenckt. Die andern Ungern zugen hernach mit dē gewaltigen vnd grōsten hauffen biß in die xl. tausent / als sie nun hörten / wie es den irn vor Augspurg ergangen was / zugen sie flüchtig ab mit vil rauben beladē. Den zoch eylend der heilig Bisschoff sant Ulrich mit vil Fürsten vnd herrn / vnd einē heer des Reichs nach / vñnd erlangt die bey Salgenaw zwomeil von der Newstat / da wurden sie abermals nicht ferr von dem schloß Engeßfelt vñnd Merckenstein geschlagen / der raub genomen / vnd die besten aus in gehenckt auch iren vil die orn abgeschnitten / vnd die augen aufgestochen / vñ da mit gen Ungern gejagt. Es ward auch den frommen Chustlichen rittern / so in der schlacht vmbkamen / daselbst ein kirchē zu irer begrebnus gepawt / so noch steht. Darnach rieten die Ungern mit lang / besamenelten vnd sterckte sich mit grosser macht / namen in entlich für / sich zu rechen / zugen wider aus / daß sie schmetzet der schad vnd spott / den sie vor Augspurg / Regenspurg vñ Engeßfeld gelitte hetten / zugen herauff vnd verprienten das Closter Fulda / welchem sie vil guts namen. Zugen darnach vbern Rhein / vnd verheerten das landt Lothoring mit waffen vnd prand / siengen auch den hertzogen von Lothring bey Straßpurg in einer schlacht / mitsampt einem herrn von Brabant / der ihm zu hilff komen was / den beide sie die köpff abschlugē. Oberzuge darnach Galliam / vnd wüteten wider die kirchen Gottis / verheerten auch der von Metz / von Trier / vnd Aachland. Veriagten im gepirg die Senonensischen völder / öffnieten in mit dem schwert einen weg hindurch / zerprachen die statt Segusam vnd Taurinam / vnd durchlöscherten die vorge melte gepirg. Do sie nun sahen die eben Lombardie / verheerte sie in einē straiß nahent die ganz prouintz / kerten darnach mit sig vnd raub wider in ir reich / vnd bliben anheim xx. jar / daß sie in vil stett im Reich synß bar vnd zu förchten pracht hetten.

Von belegerung der statt Constantinopel / auch wie Kaiser Heinrich den Ungern in Teutschen landen ein grossen abbruch gethon hat. Cap. 18. Im xxi.





**A**ltri. jar zugen die hungern aus in Bulgariam/vnnd kamen von dannen in Idropolim/vnd gewunne dem kaiser zu Constantinopel vil lands vn̄ nahent die gantz Bulgarey ab/schlugē sich mit dem kaiser vor Constantinopel. Als sie aber die statt nit gewinnen/noch sonst mit gewalt nichts da schaffen konten/prachen sie vor Constantinopel auff/vn̄ verheerten gantz Greciam/vn̄ brachtē daraus vil golds/edelgestein/vn̄ viech onzal. Do sie nu ir peud wol gewonnen hetten/zugen sie wider haim in Ungern. In diser zeyt zugen sie wider mit heres krafft vnnd einer grossen macht/in Saxon/Thüringē/Meyssen/vnd in andie umbligende land/eroberten der vil/Pranten/taubeten vnd verderbten die landt/Nachten in auch der ein grossen theil sinsspar. Denen zug kaiser heinrich mit den Saxon/Frankē/Rheinlendern/Schwaben/Payern/Osterreicher/Steyern/Kernter/auch mit vil andern entgegen/schlug die Ungern bey Nerssburg ob xl. tausent zu tod/verjagt die andern/vn̄ siget löblich. Des zu einer ewigen gedechtnus richtet der selb kaiser heinrich das edel vnd ehlich Ritterspil vnd zucht des Adels den Turnier mit den obbemelten vnd allem andern adel auff. Dis vnd dergleichen handleten die gemein der hungern mit iren hauptleuten/die sie regierten biß auff die zeyt des herzogē Torum/der ein sun/genant Geycha/gebar/welcher Gaycha der letst hauptman der hungern was. Welche hauptleut die hungern biß auff die geburt des heyligen künigs sant Steffans. cccxiiij. jar geregirt vnd wol erweytert haben. Es gebar auch Torum noch ein sun/genant Michel/von demselben wurden Colman/Lasla vnnd Vasil geborn/wie hernach volgen wird.

Wie König Steffan geborn/vnd zu dem heyligen Christen glauben gebrocht ist worden.

Cap. 19.



**A**ch der gepurt Christi/Neunhundert neunvndsechzig jar/gebar Geycha den heyligen künig sanct Steffan/aus Carolth der tochter Giula/der erstlich in seiner geburt Bela genant ward. Als aber der künig des Römischen Kaisers Schwester zu der ee begert/die fast schön vn̄ Geysula genent was/ward im die zu geben bewilligt/so fere er ein Christ werden/vnd sich tauffen lassen wolt. Des sich der künig bewillig/vnd mit den wercken volbrach/getaufft vn̄ Steffanus gehaissen/der erst Christlich künig der Ungern/vnd



## Das ander Buch

gern/vnd nach seinem tod vmb seiner andacht vnd frombkeit willen/in die zal der heyligen geschriben ward. Vnd der k nig Steffanus gebar vil s  n/deren einer hie  Emericus/Gott vnd der welt lieb vnnnd angen  /welchs gedechtnus ist in der benedeyung/welcher durch die vnerforschlichen gericht Gottis/von der welt genommen ward/die weil er noch jung was/damit die posshait sein vernunfft nit verf  ret/dauon wir yetz nit schreyben/da   wer das zu wissen begert/der lese des heiligen peychtigers legend. Da   wir allein das/so von andern aussen gelassen ist/kurtz lich vnd in einer summa schreiben w  llen.

### Von der schlacht des heiligen K nigs Steffan/wider Cupan den hertzogen Symrichensem. Cap. 20.



Es aber Steffanus der from k nig in allem seinem thun gerecht/f rsichtig/vnd in sonderheit Gotsforchtig was/auch niemand kaines vnrechten/wo im solchs f rkam/gestattet. Die armen/auch w  ben vnd waisen/v   sonderlich die Christen beschirmet er. Welches ettlichen Vngerischen herrn/so der rawberey gewonet hetten/ser mi   el/in deshalb   hasseten vnd geg   im heimliche feindschafft trugen/vnd in sonderhait einer/so ein mechtiger hertzog was/mit nam   Cupan/der vnterstund sich nach abgang Geychades vatters sant Steffans/nach der wittfrawen sant Steffans muter zu stellen/begert der zu einem weib/nach dem er reich was/v   den ganzen Sy



gen Symich/ auch sonst vil lands het/ damit er verhofft den k̄nig sant Steffan zuvertreyben. Das der from̄ k̄nig sant Steffan alles gewar vnd bericht ward/ deshalb er seine frome vnd getrewe landsleut ersordert/ in das anzeygt/ klagt/ vnd begert im zu rathen vnd zu helfen/ dar mit der vntrew hertzog gestrafft/ vnd der tyran̄ aus dem Vngerlande vertilget würde. Dann es den Vngern auffts höchsts mißfiel/ das dieser hertzog als ein gesippter des k̄nigs sich solchs vntersteen solt/ beschlussen darauff mit aller macht den hertzogen zu bekriegen/ vnd dem k̄nig zu helfen/ leib vnn̄d gut zu im setzen. Auff solch ir zusagen rieff er Gott den allmechtigen an/ das er im durch das fürbet des heyligen sant Mertens in solchem seinem fürnemen sein göttlich gnad mitteylet/ vnd in mitt verlassen wolt. Darnach besamelt er sein heer/ vnd als er mit demselbē gerüst was/ zoch er von stund an damit dem hertzogen zu/ vnn̄d ward bey dem fluß Goron von erst mit dem ritterlichen schwert begürt/ da selbst er im die zwen fürsten Hunith vñ Paznan zu hüttern seines leibs setzet/ vnd Wenzelinum den Teutschen/ ordnet er zum veldthauptman seines heers. Als nun die heer zu samen kamen/ ward von baiden teylen ein gute weil hertigklich gestritten/ daß sich hertzog Cupan auch starck beworben vnd gerüst hat. Aber nach dem Gott der allmechtig keinen menschen/ der in von ganzem hertzen in guter mainung anrufft/ in seinē nōtē nymmer verlassen wil/ verhenget das sich der sig auff k̄nig Steffans seyten neyget. Dann als der hertzog Cupan von Wenzellino dem veldthauptman erschlagen ward/ zerstreut sich sein heer/ vnd wolten sich keiner gegenweer mehr vnterstehn/ deshalben ir der merertheil erschlagen vnd gefangen wurden. Umb solches sigs vnd redlicher guter thaten willen/ ward derselb Wenzellinus von k̄nig Steffan von des erschlagen hertzogen gütern reichlich begabt. Aber den cörper des hertzogen Cupan hieß k̄nig Steffan in vier teil teylen/ vnd schicket der selben teyl eins gen Gran/ das ander gen Wesspruñ/ das drit gen Rab/ vnd das vierdt gen Erdel/ vnd beualh das man daselbst ein yedes vier tel des trewlosen vnd mainaidigen hertzogen vnter den thorn auffhencken/ vnd von allen gütern des hertzogen fürbaß der zehend dem Closter sant Mertens zu ewigen zeyten geben werden solt. Daselbst sol auch die heilig kron/ damit man yezund all k̄nig krōnet/ wunderbarlich sant Steffan von himel komen vnd pracht seyn.

Von Waida aus Sybenbürgen oder Transsil-  
uana. Cap. 21.

c Tausent



## Das ander Buch



Ausent vnd zwey jar / nach der geburt Christi / bekriegt der selig sant Steffan den Weyda in Sibenbürgen / so die selbig zeyt alle landtschafft enhalt des Walds inne hatt / sieng den mitsampt seinem weib vnd zweyen sinnen / ließ sie herauff in das ober reyck führen / aus ursachen das der selbig Weyda vber manigfeltig des kónigs vermanen / geschafft vnd beuelh / sein vnglauben nit lassen / vnd die Chriſten in seinem gebiet nicht wandern noch sichern wolt. Derselbig Weida was geheissen Gyula / vñ des kónigs gesippter freund.

### Von dem heer des heiligen sant Steffans / wider die Bulgaros vnd Schlaues Cap. 22.



Ardurch ward dem König widerspenig vnd vngheorsam der Weida aus der Bulgarey / auch der Weida aus dem Windischen land / dan sie trugen groß beschwerung / das sie sündlich leben vnd der rauberey abstehn solten: Die vberzoich der selig sant Steffan in eyl mit einem grossen heer / sieng sie beid / vñ ließ sie tödten / sand auch ein grossen schatz von Gold vñ Edlem gestein bey in / welches er trewlichen vnter sein ritter vnd knecht teylet / auch die kirchen zu Stälweissenburg damit reichliche begabet / welche er selbst gebawen hat.

### Von dem tod des heiligen Emerici / vnd von beraubung der augen Bazul. Cap. 23.



U nun der almechtig Gott sein barmhertzigkeit großlich erzaiget mit dem heyligen kónig Steffano / das er die feindt in die flucht von des kónigs angesicht keret / vnd die seinem gebiet vnterwarff. Vnd als er nun vil fürsten vnd potestaten der vmbbligende völkern vnd nationen vntersich gebracht hett / name er ihm endtlich für / alle ehr der welt mitsampt dem reich / vnter die füß zutreten / Dann er seinem sun Emerico / der mit gerechtigkeit / weysheit erparrung / gnedigkeit / gedult / vnd mit andern Chriſtlichen tugenden geziert vnd gewapnet was / das reich vbergeben wolte / vnd sich aller außern sorgen entschlahen / vnd ein himelisch beschawent leben an sich nemen / vnd allein Gott dienen. Als er nun die regierung seinem sun zu vbergeben willens was / starb der heylig Emericus / deshalb in der selig kónig Steffanus sein vatter / mitsampt dem ganzē Vngerland vñ auff hölich bewainten / dermassen / das er zu lest vor grossen schmerzē den er



den er vmb seinen tugentlichen sin hett/in grosse krankheyt viel/ daß er nachmals grossen wetagen in den füßen gewan/vñ von solchē wetagē vñ beküernus am leib fast geschwecht ward/vñ sonderlich vñ des willen/das er vnter aller seiner freundschaft keinen wesse/der nach seinem tod das reich in Christlichem glauben erhalten könnte oder möchte. Mit diesem er teglich vmbgieng/vnd dardurch an macht vnd krafft des leibs abname/also das er seins lebens besorget/Sandt er eylents einen pottē zu Buda dem sin Egruth/vnd beualh demselben Buda/das er im Vazul seines vatters bruders sin(den er von seiner leichtfertigkeit willen zu Neytra gefangen hett/auff das er sich besseret)eylends brecht/damit er den vor seinem tod zu künig machet. Do aber solchs die Könige des heiligen sant Steffans gemahel/vername/rathschlugē sie mit Buda einē Vngern/vnd schicket bald einen/mit namen Sebus den sin Bude/in den kercker/darin Vazul lag/welcher Sebus Bude seinem vattern sitz kam/Vazul die augen aufstach/vnd die orn mit pley verstopffet/darnach in Behem zoch. Als nun Buda nach des künigs gepott zu Vazul in den kercker kam/vnd in dermassen fand/siret er in zum künig. Do ihn aber der künig Steffanus so erdermlich verwundet sahe/sieng er an bitterlichen zu weinen. Kont aber die vbeltheter vmb solchs nit straffen/dann die krankheyt an im vberhand name. Damit aber die andern seine freundt nit auch also verderbt würden/erfordert er seines vattern Ladislai Calui sine/mit namen Andream/Belam/vñnd Leuentam/zu sammen/vnd riete inen/das sie/so eylends sie möchten/von dannen flühen/vnd ir leben erretteten. Welchem heilsamen rath des frommen künigs sie nachuolgtē/vnd in Behem zogen.

Von dem sterben des heiligen Königs Steffani/  
vnd von eruelung künig Peters an sein  
stat. Cap. 24.

**D**er selig Steffanus vol aller heyligkeit vnd gnaden/nach etlicher mainung/im dreyvñdvierzigsten/aber nach der warheit der kirchen histori im zu lob gemacht/starb im sibenvñd dreissigste jar seins Reichs/aber nach der gepurd vnser herren im tausent achtvñd dreissigsten jar/an vnser liebe frawen himelfart tag/ward zugefügt der gesellschaft der heyligen Engel/vñnd zu Stülweissenburg in vnser lieben frawen kirchen/die er selbs gepawen vñ gestift hat. Do ward zu handt alle freud des gangen Vngerlands im  
e ij. trawen



## Das ander Buch

trawren verkeret/dann alles volck des Reichs/Edel vnd vnedel/arm vnd reich/den tod ires Königs beklagten vnd bewainten/der der allernedigste König/vnd ein vatter der wittwen vnd waisen gewesen was. Es ward auch in dreyen jaren kein freudenspil oder tanz/weder von alten noch von jungen gesehē/ noch auch keinerley seytenpil gehört. Aber die Königin Geysula mit irem diener Buda/erwelen Petrum ein Allmanum vnd Teutschen/oder mehr einen Wahlen/einen bruder der Königin/der gestalt/darmit die Königin deſter baß nach irem willen vnd gefallen leben/vnd im Regiment bleiben/vnd zu den Emptern der Teutschen helffen möchte. Nun was Wilhelmus ein vater König Peters/vñ ein bruder Sigismundi des Königs der Burgundier. Aber nach dē Sigismundus vmbkam/ſüget er ſich zu dem Kaiſer/der ine gen Venedig ſezet/vnd ine ſein ſchwester mit namen Gertrude/vermehelet/von welcher er gepar die Königin Geysulam. Do aber Gertrudis geſtorbē was/nam Wilhelmus die ſchwester des heilige ſant Steffans/von welcher er gepar König Petrum/vnd denſelben dem heiligen König ſant Steffan als ſeinem vettern/den zu erziehen/die ſprach zu lernen/vnd die Vngeriſche monir zu vnternemen zugeſchickt/vnnd vom König erzogen ward/auch bey den Vngern wol verdient was/vnd ward durch die Königin vnd die/ſo irer parthey waren/dieſer Petrus als der geſchickteſt im ganzen reich den Vngern fürgehalten/vnd zu einem König anzunehmen mit höchſten fleiß angezeigt/geraten/vnd gebeten/das ſie damit dem heyligen Glauben bey dem wanckenden volck zu hilff komen wolte/mit dem vnd andern handlungen riethen vnd verſprochen ſie/auff das die Vngern darzu procht würden/das ſie den bemelten fürſten/herrn Petrum zu irem König erwelen/vñ in zu Stülweiſſenburg nach der Ordnung ſant Steffans krönten. Vnd als derſelbig König Peter wol vnd ordentlich regirt/er aber vil außlender am Hoff zu Rethen vnnd Amptleuten het/ward ſolchs die Vngern verdrieſſen. Darumb im dritten jar ſeiner regirung hielten die Vngern ein Refuſch/beklagten ſich da vnter einander/wie ſie bey dem König verſchmecht weren/zu Rethen vnd amptleuten nicht gebraucht/all ſachen allein durch die Teuſchen vnd außlender gehandelt würden. Nachten deſhalbē ein verpundnus mit einander den König mit allen Teuſchen zu vertreyben/vnnd ein andern König/der irs geplüts vnd lands were/zu erwelen. Vnnd als ſie ſich lang hin vnd wider bedachten/wen ſie zu einem König nemen vnd erwelen ſoltē/damit ſie König Peters vnd der Teuſchen abkemen/ſiel in ein zu nemen ein Graff/geheiſſen Alba/der mechtig/reich/vnd König Steffan etwas geſeyndt was. Den berufften vnd erforderten ſie zu einem König. Dem fiellen



fielen auch alle Vngern mit hauffen zu / fürte den gen Stülweiffenburg vnd krönten in da selbst. Vnd als kōig Peter / der solchs erstlich nit glauben / noch dauon zu reden nicht hörem wolt / auch lessig darzu thet / vnd sich etlicher Vngern / die in die sache aus dem sinn redten / tröstet / Biß so lang alle sachen / ort vnd endt / wider in bestelt / vñ die waffen geprauchet wurden. Deshalb kōig Peter / dem alle hilff enzogē was / mit grosser gefelicheyt mitsampt den seinen weichen vnd das landt reymen must / Dain die vngestümigkeit des pōfels in vnd die seinen mit grosser hitzigkeyt suchten / vnd was sie für Teutschen vnd andere außlander zusampt des kōigs Rethen funden / die wurden all gemartert vnd jemerlich erschlagen. Vnter den auch Buda / der erstlich mitsampt der Königin / kōig Peter zu erwelen geholffen / vnd Vasul zu Neytra in der gefengnis zu plenden verordnet hett / ergriffen / vñ zu stücken erhacket ward. Was auch kōig Peter guter ordnung gemacht / verschuben vñ zugesagt hett / was alles vernicht / auffgehaben / vnd abgethon. Kōig Peter aber zoch zu kaiser heinrich seinem vettern / vñnd beklagt sich der vnpilliche aufstreybung vber die Vngern / dem sagt der kaiser hilff zu. Als aber der kaiser mit andern sachen des Rōmischen Reichs beladen was / verzoch sich die hilff biß in das dritt jar / nach aufstreybung kōig Peters. Als sich aber der kaiser mit einem gewaltigen heer besamelt het / schicket kōig Alba (den etlich Iba nennen) von Vngern zum kaiser ein treffliche bottschafft / sich vnd die Vngern gegen dem kaiser zu entschuldigen / vnd die vngeschickligkeyt kōig Peters an zuzeygen / aber der kaiser wolt die nicht hören.

Von der Bottschafft des Königs von Vngern  
zum Kaiser. Cap. 25.

**D**rauff die potten wider ab zu kōig Alba zogen / der sich mitler zeit mit den seinen auch besamelt vñ an die greniz gelegt / als er die rüstung des kaisers vnd der Teutschen vernam / siel er vnuersehens in die Osterreichische marck / vnd strafft gar biß an das wasser die Traisen / gewann auch die statt Thuln. Verheert / verpant / verwüst / vñ lies auch zu tod schlagē alles das so er ankam. Als sich aber des kaisers heer die Teutschen wider ihn zu ziehen auffß höchst beflissen / do zoch kōig Alba wider hindersich / vnd besetzt die Vngerischen grenzen auff das sterckest / vñnd schicket ein volck auff die landt Steyr vnd Kernten / die zuuerheern. Denselbigen zoch Marg  
e in graff

## Das ander Buch

graff Otacker von Steyr/ mit den Steyrischen entgegen/ erlangt die Ungerischen/ so sich mit einem grossen raub beladen hettē/ bey der stat Petaw/ greiff die an/ erschlug die Ungern fast all/ vñ name in den raub vñ die gefangen wider. Darauff kōig Alba wider bewegt ward/ ein pottschafft zum Kaiser zu schicken/ daß er kunds wol mercken/ wo die Teutschen in hungern kemen/ das sie kōig Petern wider einsetzen/ vñ in gar vertreyben würden. Die selben potten hetten beuelch vmb ein anstandt zu handeln/ Erpotten sich auch alle gefangen ledig zu lassenn. Den gab der Kaiser antwort/ Im wölt nicht gepüren aufferthalb der belaidigten eynicherley fids oder anstands anzunemē. So er aber mit den seinen kem/ vñ sich legert an die Ungerischen grentz/ wo daß dem kōig der fid lieber als der krieg were/ möcht er wider zu im schicken. Darauff der Kaiser mit grosser macht für vñ für zoch/ vñ legert sich bey Odenburg/ vñ daselbst ab nach der Rab/ mit den seinen/ vñ hett im fürgenommen die landtwer an der Rabaw den andern tag anzugreifsen vñ zu erpechen. In dem selben kamen des kōigs pottē alle wider/ prachten dem Kaiser vñ den seinen vil schenckung/ vñ begerten in massen wiewor abermals ein anstandt/ erputen sich auch auff einen bestimmten tag die gefangen ledig zu lassen. Diervēil nun der Kaiser mit vil treflichen sachen in Lothring vñ an andern orten des Rōmischen Reichs zu thun hat/ auch die Ungerisch pottschafft vil grosse gaben vñ vñd verehung brachten/ vñ den vnwillen zum teyl damit gemiltet vñ abfert hetten/ ward dem Kaiser geraten/ den anstandt auff des kōigs erpieeten vñ bewilligung an zu nemen. Also ward dem Ungerischen kōig ein tag bestimbt/ auff den selben tag/ er die gefangen ledig lassen/ vñ mit den belaidigten vertragen solt. Das ward also von den Ungerischen an stat des kōigs geschworn/ darauff der Kaiser wider ab vñ heim gen Bisanz in hoch Burgundi zoch/ Anno domini. M. xliij.

Wie kōig Alba/ vmb sein ungehorsam/ von dem Kaiser gestrafft/ vñ sein volck in die flucht getriben/ er aber zu tod erschlagen ward.

Cap. 26.

Als





Als nun der Kaiser mit den seinen abzoch/vermainet sich Alba der Vngrisch König ganz sicher vnnnd von aller sorg erledigt sein/glaubt auch nit/das der Kaiser die andern krieg stillen/vnd weyter in zu bekriegen mehr in Vngern komen würde/ vergaß alles seines zusagens/ließ die gefangen nicht ledig/ bezalet auch nit den schaden/nach hielt den ayd/so er desßhalben geschworn het/nit/vñ ward den Vngern fast hert/hielt sie gar verechtlich/sonderlich den Adel. Deshalben ettlich Vngern ein pundtnus/in zu erschlagen/machten. Do aber der König Alba durch einen aus derselben pundtgenossen sollicher pundtnus gewar vnd innen ward/ließ er it gar vil fahen/hertigklich peinigen vnd tödten/Dann er auff einen tag fünffzig Edel leut in ein haus zusamen ersfordern vnd all darinn erschlahen ließ. Als nun der Kaiser solches alles durch die vertribe Vngern/auch von König Petern so im in Vngern zu zihen für vnd für anlagen/bericht wardt/besamelt der Kaiser ein heer von Schwaben/Payern/Neckawern/Behemen/Osterreichern/vnd andern vmbliegenden landen/vñ zoch damit in Vngern/anfengklich auff Sopron oder Odenburg/aldo er von den Vngern/so die weg vnd für vber das wasser Rab wusten/geführt ward/daselbst sich der Kaiser mit den seinen legert. Des andern tags zoch der König Alba mit grosser macht de Kaiser entgegen/vnd kamen beide heer nit weyt von Rab bey Mensaw zusamen/da von stundan getroffen vñ ritterlichen gestritten ward. Aber die Vngern konten den Teutschen vñ Behemen (wiewol it vil mehr waren) nit vorstehn/sonder sie wurden  
in die

## Das ander Buch

in die flucht/vnd aus in vil tausent zu tod geschlagen. König Alba floch mit etlich wenigen vber die Dunaw der Taissa zu/vnnd ward daselbst in einē dorff/von denen/den er vormals ir gut genomen vnd ir freunde tödten lassen het/erschlagen.

König Peter wird wider in das reich gesetzt.

Cap. 27.

**K**aifer Heinrich aber zoch darnach mit König Petern gen Stäl weissenburg/setzet in wider ein/vñ vereinet den mit den Ungern/vnd zoch der Kaifer mit trefflichem vil guts/so er vnd die seinen im streyt erobert hetten/wider aus Ungern/vnd zoch haim in sein statt Regenspurg.

Wie Bela in Poln kam/vñ jme der Herzog zu Poln sein eigne tochter zu der ee vermehelt/auch wie sein zwen brüder in Reussen gefangen wurden.

Cap. 28.

**I**n der zeyt als Dasul bey des heyligen König Steffans zeytē die augen in der gefengnis verlor/wie vor angezeigt ist/fluhē etlich desselben freundt/damit in von König Petern nicht auch also geschech/in Behem/vnter denselbe warn drey brüder/so sich der gesiptschafft vnd des stammen Königs Steffans berümeten/nemlich Andreas/Bela/vnd Leuenta. Aus welchen sich Bela zum Herzogen von Poln thet/daselbst sich ritterlichē hielt/vñ einen kampff in ansehen des Herzogen gewann/deshalben in die Polaken/vnd sonderlich der Herzog wol vnd in grossen ehren hielte/gab im auch sein eigne tochter/vnd souil lands/das er ein fürstlich ankumen hett. Bey der selbigen hett Bela zwen sün/der ein gehaissen Gaisa/der ander Ladislaus. Nun het er sein vorgenant zwen brüder Andreā vñ Leuenta auch bey im/die verdroß/das sie nit auch von dem Herzogē von Poln in solchen ehren/als ir brüder Bela/gehalten wurden/zugen deshalb von im/vnd kamen in Reussen/da sie gefangen/vnd für speher angenommen/vnd kaum bey dem leben/aus ertlicher fürbit so sie kanten/erhalten wurden.

Von



Von vnwillen der Hungern wider könig Petern / von  
wegen der Teutschen / auch von abfertigung ei-  
ner pottschafft in Reussen. Cap. 29.

**I**n solicher zeyt fielen die Hungern wider in haß gegen ihrem  
herrn könig Petern / allein darumb das er die Teutschen nit  
von sich thun vnd die begeben / vnd die Hungern nach irem  
willen herrschen / handeln / vnd thun lassen wolt. Dann der  
bemelt könig Peter hett seine pesten Empter vñ Schlösser mit den Teut-  
schen / darauff er mer herzes dann auff die Hungern hat / besetzt / Das  
verdroß sie vbel / gedachten hin vnd wider / wie sie den könig mitsampt  
den Teutschen aus dem landt piechten / vñ einen aus dem geschlecht kō-  
nig Steffans zu kōnig mechten. Zu lest fielen ihn zu / vñnd wurden ge-  
dencken der dreyer brüder Bele / Andree vnd Leuente / welche dieser zeyt  
8 ein in Poln / vñ die zwen in Reussen (wie vor angezeigt) warn / beschlus-  
sen darauff / ein haimliche botschafft nach den zwayen in Reussen zu schi-  
cke / vñ sie zum reych erfodern. Darauff die selbē poten abgefertiget / vñ  
endlich beuolhen ward / das sie die zwen / Andrean vnd Leuenta erfō-  
dern / vnd in anzeygen solten / das sie heim zihen / sie von der Tyranny  
des kōnigs vnd der Teutschen erledigen / vnd das reich einnemen soltē /  
daß das gantz Vngerlandt begeret ir / wolten in vnterthenig seyn vnd  
sie zu obern haben. Wiewol nun solchs kōnig Petern vnd den Teutsche  
genugsamlich angezeygt / vnd ertlich deshalb gefangen vñnd solichs  
gichtig wurden / so handelt doch der kōnig nichts ernstlichs solchem für  
zu kumen / vnd glaubt nit das sich Andreas vnd Leuenta in ein solchē ge-  
fentlichen zug pringen lassen würden. Als aber die Vngerisch pottschafft  
in Reussen zu Andrea vñ Leuenta kame / funden sie die nach hardnischer  
art die Abgottterey anbetten / vnd das die auch den waren Christlichen  
glauben verlassen hetten / nichts dest weniger wurden sie ir pottschafft /  
vnd begerten / das sie mit in zihen / vnd das Vngerisch reich einemē wol-  
ten / vnd wiewol sie sich des ansegglichen entsetzten / vñnd ein argwon  
hetten / solchs geschach in neid sie also zu versüen. Da aber ein pot nach  
dem andern kam / vnd in zusagt / vñ d vertröstet wurden / das alle Vn-  
gern wern geneigt vnd willig den Chustlichen glauben zuuerlassen / vñ  
den hardnischen / in zugefallen / an zu nemen. Mit der vnd ander vertrō-  
stung prachten sie die auff / vñ zugen eylend in Vngern. Als sie aber zum  
Nerwen Schloß / so der kōnig Aba gebawet hett / kamen / zugen all Vn-  
gern hauffen weiß zu / emfiengen die als ir recht Erbherrn. Erschlugen  
f all Bis

## Das dritt Buch

alle Bisschoff vnd geistliche / auch alle Teutschen vnd ander auslender /  
vnter welchen auch der heilig Bisschoff sant Gebhart gefangen vnd zu  
Pesth gemartert ward. Sie schryen auch vñ lieffen allenthalbē im Vn  
gerland ruffen / Wie diese außgetilget sind / also sol kōnig Peter vnd alle  
Teutschen / vnd der Chriftlich glaub außgereut vñ abgethon werden.

Wie kōnig Peter von den Hungern gefangen / seines ge  
sichts beraubt / vnd in gefengnis sein leben  
volendet. Cap. 30.

**D**un kōnig Peter der ankunfft der zweyer brüder / auch des  
mördens vnd todschlagens der Bisschoff vnd seiner fromen  
Teutschen erinnert ward / auch selbs hört vñd sahe / zoch er  
mit den seinen vber die Dunaw auß Stülweyssenburg / in  
willens darnach ferrer dē Osterreichischen land zu. Nun hetten die Vn  
gern des sorg / erwarteten in / vnd nöreten in auch wider hinderlich zu  
ziehen / vnd do alle die seinen bey im erschlagen / er gefangen / die augē auß  
gestochen / vnd also plündt gen Alba oder Stülweyssenburg in die gefen  
gnis gefürt wurde / aldo er sein leben mit grossen schmerzen endet. Al  
so ward er gen Fünffkirchen gefürt / vñ da selbst begraben / welche kir  
chē er selbst in der ehr sant Peters gepawt hat. Solchs geschach im drit  
ten jar / nach dem in der Kaiser wider eingesetzt hatt.

## Das dritt Buch

Von der eruelung vnd frōnung König Andreen. Vñ  
wie er auch von neuem Chriftliche ordnung zu  
halten gebott / auch von absterben seines  
bruders. Cap. 31.

Als man





**E**s nun k nig Peter gestorben vnd begrabe was/ erwel-  
ten die Hungern einhelgklich hertzog Andream zu Vnge-  
rischem k nig/ welcher auch im Tausent xlii. jar nach  
der menschwerdung Christi von dreyen Bisschoffen/ so  
in der durchachtung der Prieisterschafft in Vngern vber-  
piben warn/ zu St ilweissenburg gekr nt ward. Er lie  auch offent-  
lich den haidnischen glauben bey der peen des haupts widerri ssen/ v n  
gebot Christlichen glauben mit der wei  wie der heylig k nig sant Ste-  
ffan gethon hett/ wider zu halten. Parwet auch die zerprohen Gots heu-  
ser/ kl ster vnd kirchen wider/ so die Vngern/ die on vrsach vom rechten  
glauben gefallen warn/ zerst rt hetten. Es starb auch in denselben tag   
sein bunder Leuente nicht on argwon/ damit nit wider ein krieg/ weil sie  
paid erfordert warn/ im k nigreych erst nd. Es was auch sein tod nit  
zu klagen/ dan wo er lenger gelebt/ hett er das ganz Vngerland mit d   
haidnischen glauben vergiftet. Do nun Andreas gewaltiger k nig  
was/ bezwang er vil der vmblicgenden nation.

K nig Andreas eignet seinem bruder Bela/ das  
dritteil des reichs zu. Cap. 72.

**E**s nun k nig Andreas seine anrenner gestillt/ vnd sein reich zu  
frid pracht hett/ schicket er nach seinen bruder/ hertzog Bele/ so  
in Poln was (wie vor gemelt ist) mit dem theilt er das reich in  
drey teyl/ behielt jm als dem k nig die zwey teyl/ vnd gab her-  
f \* bog

## Das dritte Buch

zog Bela den dritten zu einem ewigen besitz. Aus welcher teylung nach mals dem land vnd den inwonern verderblicher schad erstund. König Andreas nam zu einer haußfrawen die tochter des Herzogen von Keusen/mit der hett er zwen sün/Salomon vnd Dauid/vnd mit einẽ lebßweib hat er auch ein sun/mit namen Jörg. Nun hett herzog Bela zwen sün in Poln vberkomen/nemlich Geissam vñ Ladislaß/vñ in Vngern ward im auch ein sun/genant Lampertus/vñ vil töchter geborn.

Wie Kaiser Heinrich mit grossen volck auff Vngern  
zoch/vñ sein tochter des Königs sun gab. Cap. 33.

**I**n derselbigẽ zeyt besamelt sich Kaiser Heinrich mit einem starken heer/zoch in Vngern/Künig Petern zu rechen/legt sich für Preßburg/als er diß gewann/rückt er mit seinẽ heer/der mainung die Vngern zu straffen/ferrer ins land. Nun hett der Kaiser sein prouant auff dem wasser der Dunaw/vnd den bisschoff Gebharten von Freysing seinen vettern zu Prouant maister verordnet/vnd im vil schiff zu geben. Der selbig bisschoff kündet noch west nichts darzu/het auch Rāth/die noch weniger wusten/vnd einer hin der ander her riethen/deñ sie sich auch hart forchten. Zu lest came er mit 8 prouant bey Rab an/daselbst er von den Vngern durch erdicht vnd falsch bueß/so sie auffrichten/betragen vnd gehalten ward/das er nicht weiter mit der prouant zoch. Des halben der Kaiser mit den seinen vnd dem ganzen heer in grosse not kam/vnd sich in ein taidung gab/vnd frid annehmen vnd bewilligẽ müß/wolt er anders nicht/das roß vnd leut hunders halben stürben. Vnd worden die sachen dermassen getedingt vñ gericht/das der Kaiser des Vngerischen Königs sun/mit namen Salomon/sein tochter genant Sophia/zu einem eelichen weib/vnd der König von Vngern prouant auff des Kaisers kriegsvolck geben solt. Also ward der frid gemacht vnd bestet. Wiewol etlich der Vngerischen geschicht schreyber setzen/als solt der Kaiser mit den Teutschen im Schiltberg ein grosse inderlag erlitten/vil volcks verlorn/vnd daselbst vil tartaren vnd schilt der Teutschen gefunden/deshalb dasselbig ort oder gent der Schiltberg darvon genennet worden sein.

Wie der König von Vngern sein bottschaft zum  
Kaiser schicket. Cap. 34





Es nun kaiser Heinrich abgezogen/ vnd in seiner statt Regens-  
burg was/ schicket k nig Andreas zu ihm ein treffliche pott-  
schafft/ vnd begert seinem sun Salomon des Kaisers tocht-  
ter zu der ee/ wie dan im fr d betaidingt vnd abgeredt was:  
Also ward in die jungkftaw geantwort/ vnd ein k ssliche hochzeyt ge-  
halten/ vnd was yederman zu friden.

Wie K nig Andreas von Ungern frant ward/ vnd  
wie er seinen sun Salomon kr net/ vnd der K -  
nig gefangen ward. Cap. 35.



Dem sel k nig Andreas in ein grosse frantcheyt/ also das  
man in in einer rospat f ren/ vnd in einem sessel trage m st.  
Vnd als er nun xij. jar geregirt hett/ lie  er seinen sun Salo-  
mon zu St lweissenburg kr nen/ vnd wiewol er seinen br -  
der hertzog Bela das reich zu vbergeben zugesagt hat/ so vberwandt  
shn doch die v terlich lieb gegen dem sun/ das er des zusagens verga .  
Darans ein verderblicher krieg dem ganzen landt erstund/ Dan do in    
kr nung gesungen ward/ Du solt sein ein herr deiner br der/ Warde sol-  
lichs hertzog Bela hart verdriesen/ vnd wurden von stundan auff pai-  
den seyten leut funden/ die partheyen machten/ vnd die sachen hin vnn-  
wider/ darnach yeder einem g nstig oder geneigt was/ disputierten. Als  
solchs an k nig Andre  gelanget/ erfordert er seinen br der Bel / in bey-  
sein ettlicher seiner Reth/ vnd was der rathschlag dermassen gestellt/ d   
die Kron auff ein ort/ vnd ein blo  schwert auff das ander ort gelegt/  
vnd so Bela hinein keme/ gefragt wurde/ ob er das Reich die Kron/ o   
das hertzogthumb vnd das schwert haben wolt/ Wurde er dann der  
Kron begern/ so solt er zu stund an mit dem schwerdt get dt werde. Wel-  
chen rathschlag der t rkh ter geh rt/ vnd im hinein geen mit kurtz  wor-  
ten das dem hertzogen Bela anzeygt het/ dan als bald er hinein kam/ hi-  
e  in der K nig sitzen/ vnd richtet sich in seinem bett auff/ vnn  sprach/  
hertzog ich hab meinen sun gekr net/ ans nichte anders/ dan das ich    
verderbung des Reichs st ckum/ Darumb hab dir frey die wahl/ wilt  
du haben das Reich/ so nimm die Kron/ wiltu aber haben das hertzog-  
thumb/ so nimm das schwert/ vnd la  der eins meinem Sun. hertzog  
Bela verstund die sachen wol/ vnd greiff nach dem schwert/ des was  
der K nig zu friden. Vnd damit nun hertzogen Bela mit ein gr ssere ge-  
serlichkeit vom k nig zu st nde/ zoch er mit seiner hauffswawen vnd kin-  
f iij den

## Das dritte Buch

den/ vnd vil Vngerischer Fürsten vnd herrn mit im wider in Poln zu  
seine schweher. Welches wegzihen König Andrean mit wenig erschreckt  
vnd viel in ein grosse fürcht. Deshalben er seinen sun Salomon/ damit  
er nit vmbbracht würde/ zum Kaiser seine schweher schicket. Aber her-  
zog Bela klaget das vnrecht/ das im sein bruder König Andreas gethon  
hett/ vnd bewarb sich allenthalbē mit vil volcks/ vnd zoch mit grosser  
macht vnd heres krafft in Vngern. Als solchs König Andrie innen ward  
zoch er mit vil volcks vber die Taissa im entgegen/ vnd ward von bai-  
den teylen manlich gestritten/ aber hertzog Bela mit den seinen erlangt  
den sig/ vnd behielt das feld. Nach der schlacht fiellen all Vngern zu Be-  
la/ vnd König Andrie ward gefangen/ vnd starb am weg als er gefangē  
gefurt ward/ vnd ward begraben ins kloster sant Anniani/ so er selbs  
gebarret hatt.

Wie Hertzog Bela zu Stulweissenburg zu König  
gefrönt ward. Cap. 36.



**D**arauff zoch hertzog Bela gen Stulweissenburg/ vnd da  
selbst er von den Bisschouen gesalbt vnd mit der heyligen  
Kron sant Steffans gefrönt ward. Er regiert fridlich/ vnd  
liebt gemainen nutz/ vnd ließ gar gute münz schlagen/ da  
bey sein in Vngern auff heutigen tag gedacht wird. Er ringert den di-  
enst der armen/ vnd handelt vil sachen der gedechtnis würdig/ Deshal-  
ben sich das land fast reichen vnd auffruemen thet. Ober alle dise guttha-  
ten



ten vnterstunden sich die Vngern wider vom glauben zu fallen/die geystlichen zu erschlagen/vnd die Gotsheuser zu plündern/deshalben er den hauptleuten solcher faction mit fleiß vnd heimlich nachstellen/vnd vil mit grosser peen vnd straff tödten ließ/damit er den haidnischen glauben gar ausreutet. Als nun der gnedig vnd fromm köning drey jar gereget/vnd im ein parv in seinem Palast zu thun fürgenomen hett/gieng der soler oder poden mit im ein/dauon er gedrückt vnd so hert erschreckt ward/das er in ein schwere tranckheit siell/darinn er starb/vnnd ward begraben ins Closter sant Saluator/das er selbs gepawen het. Er verließ drey sün/Geysam/Ladislau/vnd Lampertum.

Wie König Salomon vom Kaiser wider ein  
gesetzt ward. Cap. 37.

**D**ann Salomon ein sun köning Andree/der sich auff dise zeit bey dem Kaiser seinem schweher enthalten hett/vername/das Bela der köning tod was/bewegt er den Kaiser vnd vil Teutscher Fürsten vnd herrn mit grossen volck/vnnd zoch auff der Dunaw hinab. Als solche köning Geisa ein sun Bele vername/wolt er sich dem Kaiser vnd einer solchen macht zu widerstehn nicht annehmen/vnd zoch mitsampt seinen zweyen brüdern Ladislao vnd Lamperto/auch mit allen seines vaters verlassen schätzen in Poln/zu seinem Anherren/Deshalben köning Salomon mitsampt dem Kaiser alle Stet in Vngern on alle schwertschleg einname/zoch mitsampt de Kaiser vñ allen Fürsten vnd herrn/so im zu hilff zogen warn/gen Stülweyssen burg/Do er von allem volck gar ehlichen empfangen/vnd für iren rechten herrn vnd köning erkandt ward. Dann der Kaiser vereinet in alenthalben mit den Vngern/vnd wurden all mit im gericht/darauff in der Kaiser in Vngern verließ/vnd zoch widerumb heym.


Wie der König vnd der Herzog vertragen vnd  
geeint wurden. Cap. 38.

**N**ach dem aber Herzog Geisa ein gescheider/weiser vnd straidiger man was/het köning Salomon grosse sorg auff in vnd sein practicken/vñ damit er nit etwo vbering von im vberzogen würde/hielt er hoff auff dem schloß Presspurg. Nichts desterminder übeten sich die Bisschoff vnd ander herrn zwischen dem köning vnd herzogem vmb ein vertrag vnd richtung/der ward also gemacht/


## Das dritt Buch

macht/ Das k<sup>n</sup>ig Salomon das Reich/ vnd hertzog Bela das hertzogthumb/ so sein vater vormals ingehabt het/ mitsampt seinen brüder<sup>n</sup> behalten/ vnd das einer dem andern hilff vnd beystandt thun solt. Den vertrag namen paid teil mit gutem willen an/ vñ begiengen die Ostern mit grossen freuden zu fünff kirchen mit einander/ do gedachter k<sup>n</sup>ig Salomon am heiligen Ostertag durch die hendt hertzog Geise zum andernmal mit grosser frolockung alles Vngerischen volcks gekr<sup>o</sup>nt/ vnd der frid zwischen in offentlich publicirt ward.


### Vom k<sup>n</sup>ig in Dalmacien/ wie in die Kernter beschwerten. Cap. 39.

 V der selbigen zeyt schicket Zolamerus der k<sup>n</sup>ig von Dalmacien sein Botschafft zum k<sup>n</sup>ig von Vngern/ auch zu hertzog Geise/ beklagt sich vber die Kernter/ dz sie im die Windisch marg mit gewalt abgedungen hetten. Dieweil nun der selbig k<sup>n</sup>ig/ hertzogs Geise Schwester hatt/ schickten sie im ein groß volck mit dem sie die Kernter zu ruck trieben/ vnd die Windisch Marg wider gewonnen.

### Wie Trentschin von den Behemen gewonnen ward. Cap. 40.

 ls nun bey xiiij. jaren guter frid vnd einigkeit zwischen k<sup>n</sup>ig Salomon vnd hertzog Geysa was/ vñnd k<sup>n</sup>ig Salomon noch sein brüder Dauid nicht kinder hettē/ wurden alle ding mit guter freundschaft auff peiden teylen gehandelt. In der selben zeyt siellen die Behemen in Vngern/ vnd gewunne die stat Trentschin/ plünderten die/ vnd zugen mit einem grossen raub von dannen. Darauff sich k<sup>n</sup>ig Salomon vnd hertzog Geisa zu stundan auffmachten/ zugen mit einem gewaltigen heer in Behemen. Do in aber die Behemen kein schlacht lifern wolten/ verheerten sie alle ding mit dem schwert vnd prant/ vnd zogen wider in Vngern mit einer grossen perwt.

### Von der schlacht vnd niderlag der Tattern. Cap. 41.

 n tausent lxxvj. jar nach der geburt Christi/ zugen die Cum Reussen oder Tattern als ettlich wöllen/ in Vngern/ denselben zoch k<sup>n</sup>ig Salomon vnd hertzog Geisa/ vñ sein brüder der selig



der selig Ladislaus mit grosser macht biß in die statt Debugka entgegen. Nach dem sich die Haiden mit dem raub hinder sich zu ziehen erhebt/ vnd als sie den raub von sich gethon vnd gelegt hatten/zugen sie her wider/Den begegnet könig Salomon/herzog Geysa/vnd sein bruder Ladislaus/vnd griffen die vordern manlich an. Als sie aber den manliche angriff nicht erleyden konten/sich auch der Ungern so starck nit verfehē hatte/ruckten die Cumi oder Reussen hinder sich auff ein hohes joch des gepirgs/den zugen die Ungern stracks nach/eroberten das mit gewalt/schlugen sie herab/vnd prochtē alle ir hauffen in die flucht. hertzog Geise vnd sein pruder eylten den stracks nach/vnd erschlugen der on zal vil. Zu letst sahe der selig Ladislaus/das ein heid hinter im gar ein schöne juncfraw sihet/die er im Ungerland geraubt het/an den setz er mit gewalt/vnd schue der juncfrawen zu/das sie den haidē mit sampt ir vom roß züch/das thet sie kecklich/deshalben der haiden von dem seligē Ladislao umbbracht/vnd die juncfraw erlöst ward. Also behielt der könig vnd die hertzogen den sig/vnd eroberten vil guts/so sie den Tattern genommen hetten. Zugen mit sig vnd freuden wider in Ungern. Vnd in dem dritten jar darnach/als die Tattern erlegt vnd geschlagen wurde/zugen die Albanenses vnd Pisoni durch die Bulgarey/vnd kamen vber die Saw/vnd namen daselbst ein grossen raub von menschen/viech/vnd andern dingen/vnd zugen damit wider in ir land.

Wie der könig vnd der hertzog Kriechischweissenburg erobern. Cap. 42.

**D**eshalben der könig vnd der hertzog die Bulgaros/Kriechen vnd Albanos hoch beschuldigten/das sie die Tattern durch ir landtschafft passirn vnd ziehen lassen hetten/Darumb eylend sie ein heer besamelten/sie darumb zu straffen/vnd kamen zu samten bey Saba/vier meil ob Kriechischweissenburg gelegen/daselbst sie beschlussen/das sie Kriechischweissenburg als ein helfferin des obgemelten einzugs/belegern/Dñ als sie vber die Saw schiffen wolten/kamen die Bulgari vnd Kriechen/vmnd verprienten in die Schiff. Aber die Ungern setzten manlich an sie/vnd hatten sich mit vil schiffen gerüst/dermassen/das die Kriechen die flucht geben mußten. Als nun der könig vnd die hertzogen vber die Saw kamen/belegte sie die statt. Die Kriechen begerten hilff/vnd schickten etlich zu den Bulgaros vnd Bissenos/das sie in wider den könig vnd die hertzogen zu hilff

## Das dritte Buch

kemen/ Das sie auch theten/ vnd mit irer macht das Vngerisch heer angriffen/ aber sie wurden den merern theyl erschlagen vnd gefangen/ die andern gaben die flucht.

Wie die Statt gewonnen/ der König vnd die Herzogen vneins wurden. Cap. 43.

**H**ierauff König Salomon vnd die Herzogen die stat an allen orten/ mit mancherley streitzzeug vmbgaben/ vnnnd die mawren zerbrechen lieffen. Vnnnd als sie biß ins dritt monat danor lagen/ ward die stat durch fewr vñ mit dem sturmb gewonnen/ da alle mensche vñ sonderlich die Kriechē vñ vnglaubigē erschlagē wurden/ vnd warn ir gar wenig so vberbliben/ die fliehen mit dem herzogen Nitota in das Schloß. Als nun die Statt gewonnen/ vnd das fewr den mererntheil gelescht was/ funden die Vngern vil schetz von silber vnd gold/ vnd andere kleintoten/ so die haiden vnd Kriechen vergraben hetten/ Diß alles in ein offne peut kame/ in welcher peut der König vnd die Herzogen vneins vnd zwispaltig würdē. Dañ die im Schloß ergaben sich dermassen/ das man sie mit irer hab solt ziehen lassen/ das ward in zugesagt. Darauff hertzog Nitota ein kostliche Tafel vnser frauen bildnus/ dem hertzog Geisa am heraus zihen schencket/ Vnd ergab sich im als ein guten Christlichen Fürsten/ mit sampt den andern so bey im in dem Schloß gewesen warn. Das ward dē König verdriessen/ die weil er merckt/ das alle Vnger ein merer auffsehen auff hertzog Geisa vnd seinen bunder Ladislaum/ dann auff in hetten. Dergleichen wurden sie in der teylüg der klemod/ die sie zu Kriechischweissenburg in dem Schloß funden/ auch stritig/ dann der König wolt das meist behalten. Darzu stewarten ettlich seiner Reth/ die vnter andern sich hören lieffen/ Das es selten gut gefunden were/ wo zwey schwerd in einer scheyd sein würden. Vnd bewegten mit den vnd andere der gleichen worten/ das im der König die Herzogen zuuertreyben endlichen fürname. Als nun hertzog Geisa vnd der selig Ladislaus solichs gnugsam vtund vñ wissen hetten/ do zoch Ladislaus in Reussen/ da selbst hilff vnnnd ein volck auff zu pringen/ vnd sich des Königs fürnemen zu erwerben. Vñ wiewol von dem Bischoff von Grau/ auch von andern geyslichen vnd weltlichen heern vil zwischen dem König vnd hertzog Geisa trefflichen getat dingt vnd vil versucht ward/ so wolt doch solichs bey dem König nit angenommen werden/ Deshalben hertzog Geisa wider heim zoch/ vnnnd

versach



versach sich ganz des vberzugs vom k nig/ vnd schicket seinen bruder Lampertum zum hertzogen von Poln auch vmb hilff. Di  wardt dem k nig nicht verhalten/ vnd zoch auff den hertzogen vber die Taissa/ den in abwesen seiner bruder zuwertreyben. hett auch dem hertzogen ettlich seiner Reth abgericht vnd corruptirt/ das sie dem k nig iren herrn den hertzogen vber geben wolten. Das ward der hertzog durch den Abt Wilhelm gewarnt/ deshalb dem hertzogen kaum souil weyl sich zu versehen geben ward/ da  im sein beste leut vbring angegriffen vnd er legt wurden/ Vnd er wich vber die Taissa/ in ein gegent heyst vngerisch Thokay/ vnd schicket eilends seinen Caplan zu seinen brudern/ das sie im zu hilff k men. Vnd hertzog Geisa zoch mit dem volck so im vberbliben was/ seinen brudern entgegen. Also begegnet im sein bruder hertzog Ladislaus vnd der hertzog von Poln mit einer grossen macht in Vatican: Als nun hertzog Geisa seinen bruder ansach/ hub er gar bitterlichen an zu wainen/ vnnnd klaget im sein vnfal/ auch den verlust seiner getrewen leut/ vnnnd sonderlich das der k nig so vntrewlich/ mit vergeffung aller vertrag gegen im aus anschickung ettlich seiner Reth handelt. Der selig Ladislaus tr stet seinen bruder/ vnd het all sein vertrauen vnnnd hoffnung zu Gott.

Von dem streyt / so der K nig vnd die Hertzogen  
mit einander theten. Cap. 44.



Als nun k nig Salomon durch sein k ntschaffter erfur/ das peid hertzogen/ auch hertzog Otth von Behem mit irer macht wern zusamen k nnen/ vnnnd an den orten Vatican mit irem volck legen. Daselbst gar ein heiliger Einsidel / genant Vazwas/ der die vneingkeyt gern vertragen hett/ aber der k nig wolt nit. Vnd als sich die schlacht vnd der streyt nehet/ vnd peid theil zusamen wolten/ gelobt hertzog Geisa/ wo im Got den sig verlihe/ so wolt er da selbst ein Kirchen in der ehr vnser lieben frauwen barwen. Nach dem bewegten sie ir heer/ vn zugen hinab in die gegent/ so gehaiffen wirdet zin gota/ vnd was zwischen des k nigs vnd beider hertzogen heer nur der berg Memorad/ als sie nun zu beider seyten zum streyt geordnet waren/ fiel der selig Ladislaus auff seine knie/ vnd rufft Gott mit grossem ernst an/ versprach auch an diesem ort/ wo in Gott den sig verlihe/ in der ehr sant Martin ein kirchen zu parwen. Do nun zu peiden teylen ritterlich getroffen ward/ vnd der streyt ein weil weret/ wurden die Vngern auff des k nigs teyl fast m d/ vnd lieffen nach. Da  der hertzog Geisa/ auch

### Das dritte Buch

der selig Ladislaus groß manlich thaten theten/deshalben die Ungern weichen vnd fliehen wurden/vnd wurden ir vil erschlagen. Der kōnig Salomon kam vber die Dunaw/vnd hort nicht auff zu fliehen biß er gen Preßburg kam/do er sein haußfrawen vnd sein muter hett. Die hertzogen ließen die todten ehrlich begraben/Verrichten auch hertzog Otten von Behem/so in zu hilff komen was/gar reichlich ab.

#### Geysa der erst krönt Kōnig in Hungern. Cap. 45.

**N**ach der schlacht zoch hertzog Geysa mitsamt seinem buuder stracks gen Stülweissenburg/Do er von den Ungern zu kōnig erwelt/vnd von ettlichen Bisschoffen krönt ward/Dar nach pawet er die Kirchen/so er vor dem streyt gelobt hett/begabte dieselben vnd andere gar reichlich/vnd hielt sich/das er von meniglich geliebt ward.

#### Kōnig Salomon sucht hilff/beide/bey dem Marggra uen zu Osterreich/vnd auch bey seinem schweher dem Kaiser/wird jm aber abgeschlagen. Cap. 46.

**K**ōnig Salomon sucht allenthalben/vnnd sonderlich beim Marggrauen Heinrich zu Osterreich/hilff/aber ihm ward die versagt. Diewel sich nun der kōnig Salomon bey meniglich verhasset sach/name er sein haußfraw vñ müter/auch das best so er hett/vnd zoch auff die Steyrmarg/aldo er sein weib vñ muter zu Admund im frawenCloster ließ/vñ zoch er zu kaiser Heinrich hinauff in das reich/vnd bewegt den kaiser mit grosser bit/auch vil versprechungen/das der kaiser ein heer versamelt/vñ auff der Dunaw hin ab biß an die Ungerischen grenzen zoch. Als solchs kōnig Geysa vernam/lies er mit ettlich vertrawten mit dem Patriarchen von Aglern/der dem kaiser aller gehaimest was/auch mit den andern Rethen in der still handeln/die den kaiser ettlicher vsach halbē sich wider in Teutsch landt zu wenden/vnd mit dem krieg ein auffschub zu machen beredten. Nicht on argwoon/als hetten sie großgaben von kōnig Geysa darumb eingenomen. Es wöllē auch ettlich/der kaiser sey derselbigen handlung mit vnwissend gewesen/vnd on schaden abgezogen. Deshalben kōnig Salomon ganz verlässner vnd trawriger wider gen Preßburg zoch/vnnd daselbst mit den seinen/gar ein schwachen hoffhielt/vnd wartet ob jm etwo ein glück zu stünde/dz er wider in das reich genomen würde.



Wie k nig Geysa begert mittel des frides mit k nig Salomone zu machen / vnd von seinem absterben.

Cap. 47.



Als der vorgemelten ursach ward der k nig Geysa gr sslich gesterckt / v n ward im der nam eins grossen K nigs von m glich gegeben. Vnd als er den tag seiner geburt begieng im zugzart / vnd der Bisschoff Desiderius das g ttlich ampt volbracht / vnd darnach ein treffliche Predig von einigkeit vnd frid vor dem k nig Geysa thet / schuff der k nig alle mennschen aus der kirchen / da n all ein die Bisschoff vnd Prelaten behielt er bey im / vnd bat sie / zwischen sein vnd k nig Salomon ein mittel vnd frid zu mach  / damit der krieg vnd das verderben landt vnd leut vermiten blib / Was auch willich k nig Salomon den dritten teil des Reichs zu vbergeben / allem das er die Cron vnd das Regiment behielt. Vnd wiewol deshalb vil hin vnd wider geschickt / so ward doch nichts endtlich beschlossen. Da n da zwischen   fiel k nig Geysa in ein krankheit / vnd starb im dritten jar seiner regierung. Er verlies  zwen s n / Colmannum den eltern vnd Aluimum den j ngern / v n ward begraben zu Wagn / in vnser frawen kirchen / so er selbst gepawet vnd gestiftt hett.

Wie der selig Ladislaus zu K nig erwelt vnd gefr nt ward.

Cap. 48.



g iij Nach

### Das dritt Buch



Nach dem tod des grossen königs Geysa/ besamelt sich alles volck in Vngern/ vnd erwelten einhelliglich den seligen Ladislau/ ein bruder könig Geysen/ im jar nach d geburt Christi M. lxxvj. Vnd wiewol er sich des lang widert/ vnd nit annehmen wolt/ die sün seiner brüder fürhielt/ vnd den schweren last der regierung anzeyget/ so wolten in die Vngern des nicht begeben/ dan meniglich hat in lieb/ vnd weest sein tugend vnd fromkeyt. Er was Gotsforchtig/ vnd in allen seinen handlungen gerecht: Meret auch das Vngerrisch reich grösslich/ Dan do der könig von Dalmacien mit tod abgieng der sein leibliche schwester zu einem ee weib gehabt/ vnd kainen erbē gelassen hatt/ bracht er Dalmacien vnd Crabacien zu dem Vngerlandt. Nun was könig Salomon die selbige zeit zu Preßburg/ vnd ward vil zwischen könig Ladislau vnd könig Salomon von den trefflichsten Bischenouen von frid vnd einigkeit wegen gehandelt/ Vnd zu lest wurden sie im vierdten jar seines reichs mit einander vertragen dermassen/ das er im alle notturfst vnd königliche vnterhaltung gab/ Dann die Landschaft in Vngern wolt nicht bewilligen/ das das Reich vnd Regiment in zwey teyl geteylt wurde. Vnd wiewol könig Salomon solchs annahme/ so thet ers doch vmb nicht anders/ dann das er ein gelegne zeit den seligen könig Ladislaum zu hinterkomen damit erwarten möcht. Vnd als er seinen pösen neyd/ vnd die heimliche anschleg/ damit er dem heiligen könig Lasla nachstellet/ mit verbergen kont/ vnd die ganz offenbar wurden/ ward er durch sant Lasla gefenclich angenommen/ vnd auff die Plintenburg gesetzet vnd daselbst verwardt. Als aber der selig könig Ladislaus in vbung was den heiligen könig sant Steffan vnd seinen sün Emericum zu erheben/ vnd in die zal der heiligen zu schreyben/ do ward könig Salomon aufgelassen/ vñ bald darnach floch er zu den hertzogen Cunorum oder Reussen/ vnd versprach demselbigen hertzogen/ wo er im hülff wider den künig Ladislaum/ so wolt er im Sibenbürgen vñ alle landschafft enhalb des walts für ein ewigs eygenthum einantworten/ vnd darzu sein tochter zu einem weib geben wolt. Der hertzog was genant Kutesch/ nam sich der sachen an/ vnd besamelt ein groß heer/ vnd zoch damit auff das Vngerlandt. Als könig Ladislaus solchs innen ward/ saumbt er sich nit/ vnd zoch in stracks entgegen/ griff sie mannlich an/ vnd schlug der vil tausent zu tod/ vnd könig Salomon vñ hertzog Kutesch mit sampt den vberblibē entrannen kaum/ das sie nicht gefangen wurden. Darnach griff könig Salomon an mit seinem vberbliben heer die Bulgarey/ da ward er aber auff das höchst erlegt. Also kam er vber die Dunaw/ die gestom was/ vnd stal sich von den



den seinen in einen grossen wald/warff die königlich zier/weer vnd wasfen von im/hub an sein vnfal zu bedencken/vñ erkennet dabey die straff Gottis vmb sein böß regiment/gab sich in ein büßfertig leben. Dann er die zeyt seines lebens hernach in Pilgrims weiß verzeret/vnd ward nachmals nit mehr als einest in Ungern gesehē/aber sich do von stund an wider verbarg. Vnd starb in Osterreich/vñ ward in der statt Polo begraben. Sein hauffraw vñ sein muter rwend zu Admund im kloster.

Von den Cumi oder Reussen. Cap. 49.

**N**ach zugen die Cumi abermals zweymal nach ein ander in Ungern/sürten weib vnd kind hinweg/ Den eylet der selig kōig Ladislaus mit den seinen nach/dañ er in anfang nit an heimisch/sonder im Windischen land gewesen was/Schlug er ir heersfürer vnd die meisten zu tod/die andern gaben sich gefangen/die ließ er tauffen/Vnd teylt den raub vnter die schadhafftē/Lobet Got vnd parot an den orten zu gedechtnus ein kirchen.

Von dem zug kōig Ladislai vnd belegerung der statt Krackaw. Cap. 50.

**N**ach dem nun die Cumi durch Reussen auff Ungern gezogen vnd von den Reussen durch gelassen wurden/zoeh der selig Ladislaus in Reussen/dieselben vmb ir vntrew zu straffen/die ergaben sich zu stund an. Darnach belegert er die statt Krackaw in Poln/die ergab sich auch. So fñrt er vil gefangē aus Behem/Vnd als er allenthalben glück vnd sig hett/barwet er das Closter zu Wardeyn in der ehr vnser lieben frawen.

Kōig Ladislaus wirt erwelt/zu ein obersten hauptman/das gelobt land zu gewinnen. Cap. 51.

**N**ach ward er von allen stenden der Chriſtenheit zu einem obisten hauptman das gelobt vnd heylig land vnd die stat Iherusalem wider zu gewinnen/angemüt vnd gebeten/dar ein er auch bewilligt. Vnd begert an hertzog Conraden von Behem/das er mit im züg/der im auch solches zusaget. Aber er ward mit einem inwendigen krieg dermassen angesucht/das im der heilig Ladislaus helfen muß.

Vnd

## Das vierdt Buch

Vom absterben vñ begrebnus Ladislai. Cap. 52.



Ad als sich nun kōnig Ladislaus mitt grossen volckh/auch mit vil trefflicher Fürsten vnd herren besamelte/vnnd sich trefflichen zurüstet/in demselben stieß in ein fieber an/vnnd legt sich nider vnd starb seliglichen/im xix. jar seines Regiments/vnd ward begraben gen Wardeyn in das Closter so er gepawen vnd gestiftt hett. Anno Domini. M. xcvi. am iij. kalend. Augusti. An welchen orten mit vil wunderzeichen er nach seinem tod geleuchtet hat.

## Das vierdt Buch.

Anzeigung wie Colmannus König ward.

Cap. 53.



Ad wiewol der heylig sant Ladislaus in seinem Testament verordnet hat/das Almus seines bruders sun/den er geschickter / dan Colmannū den eltern auch seines bruders sun/achtet/nach im regirn solt. So wolt doch Almus/die weil sein buuder der erstgeporn vnd elter dann er was/damit zwischen in kein krieg vnd auffrur im reich erstünd/das Regiment nit annemen. Also ward gedachter sein buuder Colman in ob gemeltem jar zu kōnig fürgenomen/vnd im solichs verkundet/Dan er dieselbige zeyt in Poln was. Als nun die potten des Reichs Ungern zu im kamen/zoche er von stund an mit in/vnd gab seinem buuder Almo dz herzogthumb. Vnd er regirt nit mit solchen sitten vnd geschicklichkeit als sein vatter vnd vetter/dann es geschach in Ungern vil vbel. Nicht bestweniger ward er von den trefflichsten Fürsten vnd herren/so sich Iherusalem vnd das gelobt landt wider zugewinnen verpuncten hettē/zu einem Obusten hauptman/wie sich dann vormals sein vetter der selig Ladislaus bewilligt hat/auch pitlich angesucht/vnd vor ihn allen darzu begert. Das schlug er nicht allein ab/sonder verbot in auch den durchzug durch das landt zu Ungern/vnd verordnet volck auff die greniz/die in die paß vnd weg verhalten/vnd nicht passiren lassen soltē. Aber die Christlichen Ritter wolten in das nit weeren lassen/schlügen die Ungern hinweg/vnd namen den weg/wie sie beschlossen hatten/mit gewalt durch das Ungerlandt.

Wie



Wie König Colman verachtet angebotnen frid /  
vñ wird von den Reussen geschlagē. Cap. 54



**I**t lang darnach zoch König Colman in Reussen mit heeres  
krafft das zuerwisten/dem zuhē die Reussen entgegen/ vñ  
begerten frid/ aber der König veracht die potten/ vñ wolt die  
nicht hören. Darauß sich die Reussen starck besamelten/ vñd  
vber fielen den König in alle frue/ erlegten im alle seine heer/ vñd erschlu-  
gen die besten dermassen/ das der König mit wenig der seinen kaum dar-  
von kam. Nicht lang darnach wurden König Colman vñd Herzog Al-  
mus gegen einander durch beider theyl Reth mit vnwillen engiind/ also  
das König Colman seines bruders leib nachstellet/ deshalb Almus zu  
dem Römischen Kaiser Heinrich dem fünfften floch/ vñd begert hilff vñ  
beystand wider seinen bruder König Colman.

Wie König Colman seinen bruder/ vñd sonst noch  
vil vom Adel ließ plenden/ auch wie er gestor-  
ben sey. Cap. 55.

**D**arauff zoch der Kaiser/ im M. Cxiij. jar nach 8 geburt Chri-  
sti/ mit vil Fürsten vñ Herren an die greniz des Vngerlands  
Daselbst ward durch den Kaiser ein frid vñd vertrag zwis-  
schen König Colman vñd seinem bruder Herzog Almo gema-  
h chet/

## Das vierde Buch

chet / vnd ward der Kaiser mit vil gaben vnd schenckung vom k̄nig zu Ungern begabt / der zuch damit wider in Teutsch land. Darauß der k̄nig seinen bruder im schein des frids vnd zu bestetigen desselben mit im füret. Vnd als yederman dafür hielt / es were alle sach gericht vñ schlecht / do lies der k̄nig vber den frid vñnd vertrag seinen bruder Almus vnd desselben sun Belam / so noch ein kind was / sehen / vñnd die augen ausstechen / Gepot auch das kind zuerschneyden. Aber dem solches beuolhen was / hat ein scheuhen ob der greulichkeit / vñnd verschmidt ein hündlein dafür / vnd procht das dem k̄nig. Er lies auch sonst vil Edel leut des reichs Ungern plenden vnd tödten / vnd handelt in allweg böß sachen. Almus der Herzog ließ sich in sein Closter Temes / so er selbst gepawet vñ gestift hat / führen. Colman der Ungerisch k̄nig nach vil vbel thaten mit vergießung des vnschuldige blüts / ward krank / vnd als er nun in solcher krankheit lag / vnd die seucht von tag zu tag größer ward / beualh er den Ungern / das sie seinen Eltern sun / genant Steffan / zu k̄nig machen soltē / vñ beualh auch / damit im von dem plinten Herzogen seinem bruder / vnd desselben sun Bela / mit etwo krieg oder irung zustünde / das man dieselbigen tödten solt. Aber solichs ward nitt volzogen / dann ehe Almus vnd sein sun Bela getödt wurden / do starb k̄nig Colman / im xx. jar seines Regiments / vnd ward gen Stülweis / senburg begraben. Anno Domini. M. cxvj.

Wie Steffan ein sun Colmanni gekrönt ward / vnd  
von seinem krieg vnd andern vñngen / auch  
von herzog Almus tod. Cap. 56.

**I**n obgemeltem jar ward Steffan ein sun k̄nig Colmanni / von etlichen mechtigen des reichs Ungern / in seiner jugent zu k̄nig gekrönt. Er bekriegt Poln / Behem vñnd Dalmacien / vñ was ein vñuerdrossen man / zu allen dinge geschickt / Wolt sich auch nit verehlichen / sonder begnügt sich allein mit den ledigen weibern. Des hetten die Ungern ein groß entsetzen der erbschafft halben. Zu letst vberredten in doch die Ungerischen herten / das er die tochter k̄nig Roberti von Apulia name / aber er hett kein kind mit jr. Er füret vil krieg / vnd sonderlich mit dem kaiser von Constantinopel / der in auß das höchst erlegt / vnd vil Ungern zu tod schlug. Welcher kaiser auch den plinten Herzogen Almus in grossen ehyn bey sich hielt / der die wütereij seines vaters / auch sein zufliehen geursacht hett. So ward sein sun Bela



Bela also plündt in Vngern heimlich von etlichen erzogen. Als nun der König wenig glücks/im auch die Vngern fast widerwertig gemacht het was er in grosser bekümmernus das er keinen erben hett. Zu lest wart im angezeygt/wie Bela der plündt/ein sun Almi/noch lebet/vñ in der Sireney were/also schickt er nach im/vnd was seiner zukunfft gar fro/gab im des Großgrauen tochter zu der ee. Von derselben ward das ander jar geporn ein sun genant Geysa/Des sich König Steffan/dieweil noch rechten erben des lande vorhanden wern/hoch erfreuet. Herzog Almus starb im Kriechen land/vñ sein leib ward durch den Bisschoff hiltbertumgen Stülweissenburg geführt.

Wie König Steffan tödlich frant lag/vñ Graff Bors seinen sun in das Königreich wolt bringen. Cap. 57.

**I**n der selbigen zeyt fiel König Steffan zu Agrein in ein tödliche frantcheyt/also das das geschrey allenthalb außgieng/als wer der König gestorben. Deshalb sich ein Graff mit namen Bors/vnterstund/Juan den sun seiner schwester König zu machen/vnd Belam zuuertreiben. Als aber König Steffan aus dem willen Gottis wider gesündt ward/lies er den Grauen Bors/vnd alles sein geschlecht vnd nachkomen/des königlichen hoffs ewiglich verweyssen/vnd Juan das haupt abschlahen. Bald darnach ward der König widerumb frant/vnd als er empfant/das er sterben würd/legt er ein Münchs kutten an/vnd starb darin/im xix. jar seiner Regierung/vñ ward begraben zu Wardein/Anno Domini. M. cxxv.

Bela der blind empficht die kron nach dem tod Steffani. Cap. 58.

**N**ach im regirt sein vetter Bela der blind/ein sun Herzog Almi des plinten/der fluhe das böß vñ thet das gut/setzet auch alle sein hoffnung zu Gott. Er hett vier sün/Geysam/Ladislauum/Stephanum vnd Almum. Auff ein zeyt als der König mit seinen Fürsten vnd Herren in gutem frid vnd einigkeit saß/nam die künigin so genant was helena/ir vier sün/nemlich Geysam/Stephanum/Ladislauum/vnd Almum/an die hendt/trat personlich für den König vnd seine Fürsten vnd herrn hinein/vnd hub an vñ sprach/ Ir Edlen/Lieben/Getrewen/die weil der allmechtig ewig vñnd barmherzig Gott/vnser yedem sein gesicht geben vñ durch die natur verordnet hat/h ij so bit

## Das vierdt Buch

so bitt ich euch alle zu behertzigen vnd zu erforschen/aus was vrsachen/  
rath vnd that vnser aller König vnd herr/hie bey sitzend vmb sein ge-  
sicht kommen sey/vnd deshalben souerr euch der König vnd diese sein  
erben lieb sein/denselbigen gebürlich vnd rechtlich strafft thun wöller.  
Als die Künigin die red mit vergießung der zehern verpracht/ward nit  
lenger gebeyt/sonder von stundan zu den selbē vrsachern mit gewalt ge-  
griffen/bey den lxviij. getödt/vnd dero weib vñ kind aus dem land ge-  
sprochen/vnd ire Lehen den hauptkirchen aus geteylt. Die weil aber no-  
ch ettlich mehr in Vngern warn/die sich der straff würdig achteten/vñ  
sich ser forchten/die bewegten durch schreiben/Borich/so ein pasthart  
König Colmans/vnd diser zeyt in Poln geflohen was/das er kem/vnd  
sein vetterlichs reych einneme/sie wölten ihm mit aller macht helffenn.  
Der seumpt sich nit lang/kame mit einem grossen heer Polaken vñ Reu-  
ssen an die grenz des Vngerlands. Als solichs König Bela bericht war-  
de/besamelt er auch ein heer/vnd legt sich damit an die Taissa. Aber ee  
er sich schlug/da schickt er sein pottschaft zum Herzogen von Poln/vñ  
zu dem von Reussen/beschwert sich ires vberzugs/vnd sonderlich des  
vnrechten/das sie dem vnlichen vnd pancarten/wider in den elichen  
vnd rechten erben/darein auch König Colman selbs bey seinem lebē/vñ  
das Vngerland nach seinem tod bewilligt/vnd einhelligich erwelt vnd  
krönt hetten/hilff vnd beystandt thun wolten. Aus welcher pottschaft  
der Herzog von Poln vnd auch der Reussen also bewegt wurden/das  
sie mit den iren abzogen/vnd Borich allein bey den seinen verliessen/ Die  
wurden als dann auch von den Vngern geschlagen/vnd Bouch floch  
wider in Poln.

Wie König Bela starb/vnd sein sun Geysa die  
tron empfieng. Cap. 59.



Als nun Bela der plindt viij. jar vnd xi. monat geregirt hett/  
ward er krank vnd starb/vnd ward zu Stülweissenburg be-  
graben/im iar nach der geburt Christi. M. Cxlv. jar. Nach  
abgang König Bela des plindten/ward zu König gekrönt sein  
Sun Geysa am tag Cecilie der heyiligen juncfrawen in obgemelte jar.  
Der was manlich/streytbar/beschirmer des Vngerlands. Vnd als in  
ein Osterreichischer herr/genant Kapolt/das Schloß Preßburg ab-  
stig/auch die Vngerischen grenzen offft von den Teutschen angegriffen  
vnd geplündert wurden/besamelt er ein heer/solichs wider zugewinnē  
vñ den einfal in Vngern zu wern. Nun regirt dierweil die Osterreichisch  
marg



marg Marggraff Heinrich/der hett bey im Saren vnd Bayern/dann er derselbigen land ein Inhab vnd verwalter hertzogs heinrichen/dem die land zugehörtten/was/der hett sich mit grosser macht derselben vnd auch anderer Teutschen versehen. Als sich aber die Teutschen weit von einander gelegert hettten/vnd nit alle bey ein einander warn/wurde die aus rath eins königlichen hauptmans/genant Gunzel/so beid sprach wol kunt/vrbung von den Ungern angegriffen/vñ bey der nacht vber fallen/vnd ir bey sibentaufent erschlagen/auch das Schloß Preßburg wider gewonnen.

Wie ein herrlicher zug von Kaiser Conrad/dem könig aus Franchreich/vnd andern Fürsten wider die vnglaubigen fürgenommen vnd volhogen ward. Cap. 60.

**I**n den selben jarn zoch kaiser Conrad/der könig aus Franchreich/vnd andere Fürsten vnd Herrn durch Ungern/das heylig gelobt land zu gewinnen. Den thet könig Geysa grofse eht/vnd hielt sie wol. Es müsten auch alle kirchen im ganzen Ungerlandt ir gelt vnd schetz zum zug wider die Vnglaubigen dem kaiser aus verwilligung des Ungerischen königs/geben. Nun wardt könig Geysa zu Ungern gewar/wie Borch der pasthart vnter dem gesind des königs von Franchreich were/darauff er ein pottschafft zum könig schicket/vnd Borch seinen feind begern lies. Aber der könig von Franchreich wolt im den mit vberantworten/vnd saget/Das hauß des königs sol sein wie der altar. Damit schiden die potten ab. Borch kam auch darvon vnd entrann aus dem heer. Als nun Geysa 11. jar. iij. monat. xv. tag geregiert hett/starb er/vnd ward begraben gen Stülweissenburg/ Im M. Clxx. jar Christi.

Steffanus empfecht die fron des reichs nach absterben seines vaters/doch dringt sich auch Ladislaus in das reich/vnd nach im auch Steffan sein bruder. Cap. 61.

**N**ach abgang könig Geysa do ward sein sun Steffanus erwelt vnd krönt/der regiert 11. jar. viij. monat. In desselben regiment drang sich Ladislaus ein sun könig Bele des plinten/der regiert ein halbs jar/vnd starb/vñ ward begraben gen h iij Stül

## Das vierdt buch

Stülweissenburg/ Im jar Chusti. M. Cxxvj. Nach dem abgang Ladislai vnterwand sich der kron vnd des Regiments sein bruder Stefanus/ auch ein sun kōnig Bele des plinten. Er regirt nicht lang/ vnnnd ward von Ungern außgetriben/ vnd starb im Schloß Zemlem/ vnnnd ward gen Stülweissenburg begrabē/ Im jar Chusti. M. Cxxvj. So vermainen ettlich/ er lig zu Gran begraben.

### Von König Bela. Cap. 62.

**N**ach dem regirt Bela sein bruder/ der machet gute frid in Ungern/ vnd reuttet aus die rawber/ dieb vnd mörder/ vñ strofset die selben mit grosser peen. Deshalb bey seyner zeyt außwendig vnd daheim alle ding still warn/ vnd nichts sonderlichs der gedechtnus würdig von den Ungern gehandelt ward. Er starb im xxiij. jar seines Regiments/ vnd ward begrabē gen Stülweissenburg/ Im jar Chusti. M. Cxxviij.

### Von König Emerico. Cap. 63.

**V**nd nach kōnig Bela kam zum Königreich sein sun Emericus/ der regiert viij. jar/ vnd starb/ ward begrabē zu Stülweissenburg Im M. CCxij. jar Chusti. Er lies ein hauß/ frauwen/ genant Constantia/ die was ein tochter des kōnigs von Arragon/ die ward nachmals kaiser Fridrichen dem ersten durch rath vnd anstiftung des Pabsts verheyrat.

### Von König Ladislao. Cap. 64.

**N**ach dem absterben kōnig Emerich/ do ward sein sun Ladislaus zu künig gekrōnet/ der regirt vj. monat. v. tag/ vnnnd starb in obbeltem jar/ vnnnd ligt begraben zu Stülweissenburg.

### Von König Andre/ ein vatter der heyiligen frauwen sant Elisabeth/ Landtgräfin in Thuringen. Cap. 65.

**N**ach dem abgang kōnig Ladislai/ ward erwelt vnnnd krōnet Andreas ein sun kōnig Bele des dritten/ des gemahel was ein Teutscher/ genant frau Gertraud/ bey der selbē het kōnig Andre drey sūn/



sin/Belam/Colmannum vnd Andrean/vñ ein tochter die heylig sant Elisabeth/die ward verheyrat dem mechtige Landtgrauen zu Thüringen vnd Hessen/genat Ludwig/Der mit dem Creutz bezeichnet ward/vnd zoch mit andern Fürsten vnd Herren vber Meer/zugewinnen das gelobt landt vñ das heilig grab. Vñ nach dē die Königin bezigen ward/wie sie der haußfrawen Bantlani/der fast mechtig in Ungern wz/solt darzu geholffen vnd irem bruder gestatt haben/das er dieselbig frawen mißbraucht hett/Darumb dann der bemelt Bantlanus zu der rach entzündt/vñnd die Königin erschlug/daraus groſſe klag vnd vil vbels im landt erstund. Er zoch zum heyligen grab/vnd halff selbst mit gewaltiger handt den Soldan mit aller seiner macht zu erlegen/Darüb er mit vil heylthumbs reichlich begabt ward/das er mit grosser andacht gen Ungern füret/Vnd was sonst sighafft/vñ in seinem Regiment tapffer. Erstarb im xxxj. iar seines Regiments/vnd ward begraben ins Closter zu Etlach/Im iar Christi.M.CC.xxviij.

Von Bela dem vierdten diß namens/könig in Ungern/vñ wie er bekriegt ist worden. Cap. 66.

**N**ach dem als König Andre gestorben was/ward Bela sein sun nach im in obbemeltem iar zu König bestattet mit grosser solemnitet vnd frolocken alles volcks zu Stülweissenburg in sant Peters Münster krönt/vñnd sein bruder Colman hielt im in der weihung vnd krönung das schwert. König Bela vermainet auch zuspruch vnd gerechtigteyt zu haben zum landt Steyr/deshalbē zwischen sein vnd dem hertzogē von Osterreich ein grosser krieg erstund/aber als peid teil zu feldt zugen/ward der krieg gericht/also das dem König von Ungern das land Steyr von Semering biß gen Admünd nach dem wasser strich Ens bleiben solt/vñnd das vberig mitsampt Osterreich solt dem hertzogen bleiben. Der vertrag ward aber nicht gehalten/dañ künig Bela macht sich auff mit grosser macht/vnd hatt bey im seinen sun Steffanum/vnd wolt im Osterreich vnd die umbligende lender vnterwerffen. Als er nun vber die March zoch/begegnet ihm der hertzog von Osterreich/vnd griffe die Ungern vnd des künigs her an bey Kressenbrunn/da ward lang gestritten/zu lest gaben die Ungern die flucht/der vil erschlagen vnd gefangen wurden. Es floch auch Bela mit seinem sun/vnd es ertranck vil volcks in der March. Es wurden auch von den Teutschen vil guter leut erschlagen/sonderlich Otth vnd Conrad die Grauen von Hardeck. Als nun der hertzog gesigt/nam er  
den

## Das vierde Buch

den teyl in der Steyrmag/so Bela zu geteylet was/wider ein. Als nun die menschlichen ding so wenig bey den grossen herren als bey den armen vnd nidrigen bestendig sein/siel der vorgemelt künig in vngunst vñ haß der seinigen/vñ mehr vmb seiner fromkeyt vnd gnedigkeit/dañ aus possheytt oder hertigkeyt willen/Dañ ir vil hetten ein entseze/das er den frommen geneygt vnd den bösen feind was. Sie hetten auch gewond vormals vnter ettlüche künigen frey vnd on sorg oder straff zu leben/das vermaint in der kōig nit zu statten. In solcher zwitteracht im xxi. jar seines regiments/kam dem künig ware kuntschafft/das die Tattern mit fünffmal hundert tausent mann auff das Vngerlandt zügen/Welcher pottschafft der künig hert erschrack/lies darauff ettluch herrn zu im fordern/vnd menigklich auff zu sein gepieten. Als nun solchs auffpieten geschach/lachten des die Vngern/vñ trieben den spott darauß/sagte auch man hett oft von den Tattern gesagt/sie hette aber noch keinen gesche. So ließen sich auch ettluch hören/es were nichts/die Bisschoff hetten das geschrey auffspracht/damit sie nit zu dē Concilio gen Rom/so die selbig zeit gehaltē/vnd sie dahin gefordert warn/zihen dößffen/vñnd ires aussenbleybens ein vsach hetten. Nichts weniger schicket der künig den Großgrauen mit einem heer den Tattern entgegen/damit er die grenze des Vngerlands besetzen/vnd den Tattern den einzug weeren solt. Vñ der künig zoch in der Fasten gen Buda/so yzund Ofen genent wirdet/vnd kamen vil herrn zu im/vnd ratschlugen des kriegshalben. Zu mitterfasten in obbemeltē jar/kam ein Post vom Großgrauen/wie die Tattern mit werhaffter handt die porten Ruscie eingenommen vnd zerprochen hetten/vnd er könt mit dem volck so er hett/einer solchen grossen macht der Tattern nicht widersteen. Nun thet der künig auch lessig darzu/vnd glaubet nicht das die sach so ernstlich were.

Wie die Thattern die Vngern in die flucht treiben/vñ  
inen ein eingang in das land machte. Cap. 67.



Am vierdten tag nach der Post/kam der Großgrauē selbst/vnd hett tag vnd nacht postirt/vnd zeyget dem künig an/dz er am xij. tag Marci mit den Tattern geschlagen/vñnd den meisten theyl seines volcks verlorn hatt. Welches der künig hart erschrack/vnd schicket eylend die Künigin mit dem Bisschoff von Wagen/vnd des Reichs scherz vñ kleinod an die Osterreichisch grenitz. Vnd der kōig siur mit dem volck das er hett/vber die Donaw/vnd legert sich damit bey Pesti gegen Ofen vber. Als nun die Tattern die Vngern



gern zum theyl erlegt/ den einzug vnd alle paß gewaltig innhetten/ ruckt er obister hauptman/ genant Bathus/ mit dem leger weyter/ vnd kam am Sonntag Judica in der Fasten nur ein halbe tagreyß von des königs leger.

Wie Herzog Fridreich von Osterreich dem König zu Hungern zu hilffe kam. Cap. 68

**I**n der selben zeit kam der hertzog von Osterreich/ der was genant hertzog Fridreich der lerst des geschlechts sant Leopolds/ auch zum künig/ dem gesiel der Ungern vneingkeyt ganz vbel/ Ruckt dennoch mit den seinen hinaus vñ erschlugte der Tattern etlich. Do er aber mercket/ das die Ungern mit lust zum fechten hetten/ vñnd dem künig vbel redten/ nam er vñlaub vom künig/ vnd reyt wider gen Osterreich/ vnd bewaret dasselbig sein landt/ das kein Thatter vber die grenz komen dorfft. Als nun der hertzog wegzug do lag der bisschoff von Calitschon dem künig hert an/ dz er sich neher zum feindt thun/ vnd mit den Tattern schlagen solt. Vnd als der künig von Pesth mit seinem heer auszoch gegen den Tattern/ do stelte sich die Tattern als wolten sie fliehen/ vnd legerten sich mit aller macht nit weit von Erlach. Die Ungern trieben den spot daraus/ trösteten sich irer menig/ vñ verachteten alle gute reth/ Es was auch kein ordnung noch gehorsam im ganz heer. Wiewol sie 8 künig warnet/ vñ auff das höchst ermanet/ auch etlichen die streit phanen gab. In dem selben suchten die Tattern bey der nacht ein firt vber das wasser bey Erlach/ vnd vmbgingten mit aller macht des künigs leger/ vnd schussen so fast/ das man aus dem leger nicht kont/ noch ordnung machen/ das weret von morgē feñ an biß nach mittag. Vñnd als sich der künig den andern tag mit den Tattern mit aller macht schlagen wolt/ do hatt er bey der nacht die grofsen herrn vnd meisten Ungern den merertheyl aus dem heer verlorn/ die sich heimlich aus dem leger von dem künig gethon hetten. Deshalb der künig von den seinen auch genödt ward/ die weil er von den Ungern verlassen war/ das er sein leben auch mit der flucht erredten vñ sich aus dē leger thun solt. Das er auch mit wenig der seinen thet. Da nun des künigs vnd der mechtigsten flucht offenbar ward/ kam es zu einer ganzē flucht. Also fielen die Thattern in das leger/ vnd erwürgten alle die/ so in begegneten. Vñnd wurden also an der flucht erschlagen der Erzbischoff von Gran/ der bisschoff von Calitschon/ der bisschoff von Rab/ der bisschoff von Sibenburgen/ vnd sonst vil trefflicher menner/ also

## Das vierdt buch

das der gantz weg fast biß gen Pesth mit todten Cörpern lag/ vnd dar-  
zu Pesth von den Thattern gewonnen/ vnd alle die so sie darin funden/  
zu tod geschlagen wurden.

Von den Thattern / vnd irem sig vnd mutwillen  
in Vngern.

Cap. 69.



**N**ach disem sig peuten die Thattern die güter aus/ vnd hette  
vil grosser köstlicher klemod in 8 wagenpurg vñ von den er  
schlagnen gefunden/ vnter welche auch was des königs Si-  
gel/ das sie bey dem Secretari erlangten/ dem sie das haupt  
abschlugen. Also nach dieser peutung raisten die Thattern on alle sorg  
im land vmb/ raubten/ prienneten/ vnd verherten was sie ankamen/ lief-  
sen auch gar wenig leben/ vnd sonderlich was sie vom Adel erlangten/  
es wer weib oder kind/ das mußt sterben. Der köning zoch mit etlich we-  
nigen dem Polnischen land tag vnd nacht zu/ von dem zoch er weyter 8  
köningin seinem gemahel zu/ so sich auff der Osterreichischen grenitz mit  
dem Bisschoff von Warzen vnd des königs scherzen enthielt. Als aber 8  
herzog von Osterreich des gewar ward/ dan vor kurzer zeyt der köning  
in vberzogen/ das landt Osterreich zum teyl beschedigt/ auch vmb ein  
summa gelts gepriantschert hett/ nam er zu sich sein Ritterschafft/ empfi-  
eng den köning ehrlich. Vnd als er von im wider abscheiden wolt/ vnd  
vermercket das sich der köning auff das Welisch land thun wolt/ hielt er  
dem köning für den schaden/ den er im vor kurzen jarn mitt verderbung  
an der



an der prandtſchazung des landts Oſterreich gethon hett/ vnd begert  
des ein widerlegung. Der k nig von Vngern ſah wol das er ſchuldig  
v n ins hertzogen gewalt was/handelt ſouil das er dem hertzogen die  
drey Graffſchafften/ſo an Oſterreich reichen/vnd ander flecken/darzu  
vil trefflicher kleimod gab/vnd den hertzogen damit ſillet. Darauff ge  
dachter hertzog von Oſterreich dieſelben flecken Stett v n Schlo  ein  
name/vnd mit den redlichen Teuſchen dermaſſen beſetzt vnd inhielt/  
das die Tattern/ſo yez nahend alles Vngerland inhet /nicht vber die  
Oſterreichiſch grenzen doiffen/noch einicherley ſchaden in Oſterreich  
theten.

Wie die Thattern wider aus Hungern heim zihen/  
v n K nig Bela das land widerumb auff bauet.

Cap. 70.

**D**arnach verzerten/erſ teten v n verpanten die Thattern alle  
flecken/Stett/Schl  ſſer/Biſthumb/Cl  ſter/vnd in ſon  
derhait Ward n vnd Gran/darinn ſie vil vom Adel ſraw  
en vnd mann erw rgt /jemerlich zu tod ſchlugen/vnd nie  
mands weder jungen noch alten ſchoneten. Vnd als ſie ſich mit raub  
vnd gro em gut wol verſehen hetten/in auch das land weyter darinn  
zu pleyben nit lieben wolt/zugen ſie mit vollem raub davon/lie en das  
Vngerland    vnd verw   t/da  ſie es drey jar lang v n  tlich monat in  
gehabt vnd alles verheert hetten. Darnach kam der k nig Bela wider/  
vom meerſtram/vnd ſtra t  tlich der vngehoſamen Vngern/v n lie   
das land/vnd ſonderlich die ſtatt Gran/ſo die ſelbig zeyt die hauptſtatt  
im obern reich war/wider parwen.

Wie k nig Bela die Behem bekriegt/v n von ſeine  
tod vnd begrebnus. Cap. 71.

**A**u ent zweyhundert vnd ſechzig jar nach der menſchwer  
dung Chriſti/do zoch k nig Bela mit heres krafft in Behem  
vnd ſchlug ſich mit k nig Otackher/vnd erlegt den/vnd pra  
cht in die flucht. Bela regiert  lvj. jar/ward kranck v nd  
ſtarb in der Inſel vnter Ofen. Sein leib ward gef rt gen Gran/v n in  
das Barf   er kloſter/ſo er ſelbs in der e t vn er ſrawen gepawet hett/  
beſtettet/Im M.CC.lxxv. jar Chriſti. Welcher ſein leib von einem bi  
ſchoff von Gran aus dem Cloſter vber ein g te zeyt hernach genomen/  
i ij vnd

## Das vierdt buch

vñ in die Thumbkirchē gelegt. Des sich die münch im kloster beschwer-  
ten/den bisschoff gen Rom citirten/vnd mit recht erlangten/das er den  
kōnig wider in sein begrebnus in das Closter antworten must. Allda er  
auff heutigen tag mit seinem sun/auch seiner haußfrawen des Kaisers  
von Constantinopel tochter/begraben ligt.

Wie kōnig Bele sun/genant Steffan/Kōnig  
ward. Cap. 72.



Nach im ward sein sun Steffan kōnig/vnd regirt das landt.  
Als im aber im jar des herrn. M. CC. lxxvj. der kōnig von  
Behem mit einem heer Behem vñ Teutsche volck in dz land  
zoch/schlug er den gewaltigklich daraus. Er gewann auch  
die haubtstatt in der Bulgarey/vnd regirt zwey jar/starb/vñ ward be-  
graben in der Insel bey Ofen/in der sein vater auch starb/Im M. CC.  
lxxvij. jar nach der geburt Christi.

Von Ladislao dem vierdten diß namens. Cap. 73.



Nach im ward gekrōnt sein sun Ladislaus in obbemeltē jar/  
welcher Ladislaus dem Rōmische kōnig Rudolffen mit Un-  
gerischem volck zu hilff zoch/vnd kōnig Otackhern von Be-  
hem zu erlegen vnd tod zu schlagen halff in Osterreich. Dar-  
nach im M. CC. lxxvij. jar/zoch in das Vngerland Oldamur/der her-  
zog Cumanorum/vnd wolt das landt einnehmen vnd verderbē/den be-  
gegnet kōnig Ladislaus bey dem see/hord genant/vnd schlug sie in die  
flucht/vnd siget loblichen. Darnach vber drey jar zugen die Tattern  
zum andern mal in Vngern/verherten das land herauff biß gen Pesth/  
vnd als sie vil raubs erobert hetten/zugen sie wider ab. Dieser kōnig hi-  
eng den heydmischen sitten in vil dingē an. Sein haußfraw was des kō-  
nigs von Apulia tochter/aber der kōnig achtet ir wenig/vnd hett vil zu  
weiber/deshalben er durch einen Legaten von Rom aus befehl des Pa-  
psts darumb gestrafft/vñnd die haidnischen gewonheiten hinweg zu  
thun befolhen vñ auffgelegt ward. Aber er achtet diß klein/dañ er sich  
zum vnrechten naiget/vil leuten das ir name/auch rauben vnd piennen  
gestattet/dadurch das Vnger landt in abnehmen vñnd verderben kam.  
Darumb in Gott straffet/dañ er am montag vor Margarethe/im M.  
CC. xc. jar Christi/vñ im xiiij. jar seiner regirung von den Cumis/deren  
sitten im alweg geliebt hettē/jemerlich bey dē Schloß Bresseg/erschla-  
gen ward.

Von



Von Andreen / der von einer Venediger geborn / vnd  
König zu Hungern ward. Cap. 74.

**N**ach des obgenanten König Ladislai tod / wie vor gemelt ist /  
ward Andreas König gekrönet. Derselbig was ein enickel Kö-  
nig Andre des andern / welcher ein sun verließ / vnd der doirft  
sich bey König Bela leben in Ungern nicht melden / Der selb  
kam gen Rauenna / da ward er ein hauptman / dem gab vmb seiner red-  
lichen that vñ handlung willen ein reicher Edelman zu Venedig sein to-  
chter / daß er wol west das er eins königlichen geschlechts von Ungern  
was. Bey der selben hett er disen Andrean / der noch beym leben König  
Ladislai in Ungern geführt / vnd als König Lasla erschlagen / ward er  
von der wider parthey zu König angenommen / Der vberzoch mit heres  
krafft im andern jar seines regiments das landt Osterreich. Er war nit  
wol bey den Ungern angienem / deshalben ir vil der mechtigen sich zu-  
samen theten / in verachteten / Vnd von dem Pabst begerten / das er in  
Carolum den juncgē / so von der tochter König Steffans / welche gehaiß-  
sen Maria / vnd König Carolo von Sicilia verheyrat was / her kam vñ  
gebom ward. Als nun der Pabst die vnstetigkeit der Ungern erkennet /  
wolt er in den jungen König / zumal die weil König Andre lebt / nicht schi-  
cken / Lies aber nichts destminder durch trefflich Legaten mit König An-  
die handeln / ob er dem jungen weiche / vnd das Reich alles dem nechste  
erben zustehn lassen wolt. Die Legaten konten aber nichts schaffen. Da  
zwischen ward König Andre krank / vnd starb zu Ofen / wardt daselbst  
in sant Johans des Euangelisten kirchen der Minder brüder kloster be-  
graben / Im jar Christi. M. CCCj. Seiner regirung im xj. jar.

Wie König Wenzel aus Behem in Ungern gefordert /  
vñ von Ungern Ladislaus genent ist worden.

Cap. 75.

**N**un König Andre gestorben was / partheyten sich die Un-  
gerischen herrn / geystlich vnd weltlich / daß ein teyl wolten  
Carolum vñ Sicilia / so des geplüts König Steffans was /  
Der ander teyl wolt König Wenzeln von Behem haben / der  
aus der tochter König Bela gebom was. Aber der König Wenzel wolt  
das reich in solcher zwittracht nicht annemen. Zu letst prachte sie den Kö-  
nig darzu / das er in seinen sun / so im von der tochter des Römischen  
i iij Königs

## Das vierdt buch

königs Rudolffs geborn was / in Merhern bey dem dorff oder flecken Godin / zu einem künig vberantwortet. Dargegen sich die Vngern auff das höchst / das sie in für ein künig haben vñ nicht von im abtrettē wolten / verschreiben musten / Den fürte sie gen Stulweissenburg / vñ krōnten in mit grosser Solennitet der Bisschoff von Calitschon vnd anderer Bisschoff daselbst. Die Vngern nemeten in nicht Wenzel / sonder nur Ladislaum / welches namen sie gewont warn. Er hielt hoff zu Ofen / vnd praucht sich des künigreichs mer mit dem namen dan mit dem gewalt / Dan im kein Schloß geöffnet noch eingeben ward. Ertlich hießen Ladislaum ein kōnig / die andern wolten Carolum haben. Da nun künig Wenzel in Behem vermerckt die vntrew der Vngern / zoch er mit einem grossen her ins Vngerland / vnd lag ein zeytlang mit dem volck bey der Donaw neben Pessih / zu letst name er seinen Sun / mit dē zoch der hoffsichter von Ofen / vnd fürte sein Sun mitsamt der kron gen Behem. Das geschach im jar Christi M. CCC. iij.

Wie Otho hertzog von Bayern das Königreich Hungern besaß / vñ wider daraus vertribē ward. Cap. 76.

**N**ach dem hinweg zug künig Ladislai in Behem / begerten die Vngern durch ir pottschaft hertzog Othen von Bayern zu einem künig / der ließ sich vberreden / vnd kam gen Vngern / begert allda der krōnung. Do aber die kron nit im landt / sonder zu Behem was / handelt er durch sein pottschaft so vil mit künig Wenzeln / das er im die kron antwurtet / mit der ward er durch den Bisschoff Westpern vnd andere gekrōnt. Vnd als er hernach vber ein zeyt wolt zihen in die landschaft Erdelen / daselbst in Ladislaus Weynoda in Sybenbürgē sieng / vñ vil tag in seinem Schloß gefangen hielt. Zu letst ward er ausgelassen / vñ elendigklich aus dē Vngerland getriben.

Wie die Hungern von einē Cardinal in den bann gethon / Wie sie auch Carolū zu kōnig erwelten. Cap. 77.

**I**n jar Christi M. ccc. viij. do kam ein Cardinal vom Pabst mit volmechtigem gewalt in Vngern / der begert das sie Carolum krōnen vnd für iren rechten herrn halten vnd gehorsam seyn solten. Da er sie aber nicht vergleichen noch die sachen erlangē mocht / thet er die Vngerischen herrn / auch reich vnd arm alle in bann / vnd in sonderheyt bannet er den Weyda aus Sybenbürgen /



gen/der die heylig kron hertzog Otthen von Bayrn in der gefengtnus genommen/vnd nit wider geben vult/Vnd das er auch sein tochter dē König in der Sirney geben hett/der vnglaubig/ auch ein abgeschnittē glid der Chrustenheyt was. Darumb die Psaffen kein Mess noch sonst Gotis dienst volbringen/nach in die freidhöff oder karchöff die todte be graben wolten lassen. Deshalben ein Ketusch oder Landstag zu Pessih gehalten/vnd ward der vorgenant Carolus zu einem künig angenom men/krönten den zu Stülweissenburg/ Im jar Christi. M. ccc. x.

Wie König Carl das Schloß Sarub beleget. Cap. 78.

**I**M jar Christi M. ccc. xij. legt sich künig Carl für dz schloß Sarub/welches Demetrius vō wege des herrn von Trent schin inne hat/darauff schicket Mattheus d herr von Trent schin einen treffliche hauptman mit tausent vñ sibē hundert pferden/der des künigs volck abtreiben solt. Als nun der künig durch sein kuntschaffter der zukunfft gewar ward/vnd sorg auff die Vngern eins pösen anschlags halben het/weich er mit den seinen vom Schloß Zeps/do lihen im die Casthawer/als die frommen vnd getrewen vnterthan des künigs/ein gut teyl volcks zu roß vnd füß/mit den griff er die feindt an/welche sich die statt Casthaw zu gewinnen von wege des Großgrauen/den die Teutschen daselbst zu erschlagen vnterstanden hetten/die verliessen die belegerung der statt Casthaw/vnd zugen dem künig zu. Also eylten die von Casthaw denselben für/vnd namen den vortheil vor ein. Der künig lag mit den seinen in einem dorff bey Hårdnäd/da ward am Freytag an sant Veits tag mit grossen ernst auff beiden seytē gestritten/vnd vil trefflicher leut erschlagen. Vnd wiewol der künig auff den tag der seinen vil verlor/so behielt er doch mit hilff der Casthawer vnd Zipser das veldt vnd den sig aus der schüzung Gottis.

Wie Maria des Königs erste hauffraw gestorben/dar nach wie vñ zu wem er wid gehenret hab. Cap. 79.

**V**er wenig jar darnach/nemlich im M. ccc. xv. jar Christi/do starb künig Carls/den sie auch Ladislaum nanten/sein erste hauffraw/so hertzog Casimir von Poln tochter gewesen was/zu Temeswer/vnd ward begraben gen Stülweissenburg. Darnach im dritten jar/nam er des Romische künigs tochter Beatrix/die starb desselben jars/vnd ward begraben gen Wardein. Dar nach

## Das vierdt Buch

nach im xx. jar nam er des künigs von Poln tochter/die gepar ihm zu der Plintenburg ein sun/ der ward genant Ladislaus/ Anno Domini M. ccc. xxij. Darnach vber zwey jar ward im aber ein Sun geborn/ den nant er Ludwig. Im xxvj. jar ward im abermals ein sun geborn/ den er Andrean nennet. Desselben jars verpriam vnser frawen kirch en zu Stülweissenburg/wiewol sie mit pley gedeckt was.

Von einem Ritter / der den König mißsampt der Künigin vñ kindern wolt vmbbringen. Cap. 80.

**D**arnach im MCCC. xxix. jar starb dem künig sein erster sun Ladislaus/ des sich der künig hoch betrübt. Vnnd als nun lange zejt guter frid in Vngern was/ erstund dem künig ein new gesetlichkeit/ Dañ einer genant Felicianus/ des geschlechts Zaach/ den der Großgraff zu Trentschin erzogen vnd vil gebrauchet hett/ der auch bey dem künig ein steten zugang het/ Der gieng zu der Plintenburg/ nach dem der künig daselbst mit weib vnd kind hoffs hielt an dem Ostertag/ dieweil der künig vnd die künigin sampt zweyen sönen samentlich zu tisch sassen/ vnd zuekt also sein schwert/ das er vor dat zu bereyt hett/ vnd wolt den künig auch die künigin vnd die zwen sün zu tod geschlagen haben/ verwundet den künig/ vñnd schlug zwen finger der künigin auß der hand ab/ im selben fiellen die trugessen vnd des künigs tisch diener in in/ vnd er zu der erd geworffen/ mit einē Credentzmesser durchstoichen/ für die thür herauß gezogen/ vñnd zu stücken erbacket ward/ vnd sein weib vnd kinder auch all sein freundschaft wurden zu einem exempel menigklich mit grosser peen gelödt. Das geschach im jar nach der menschwerdung Christi M. ccc. xxx.

Wie der künig wider Bazarad Wenuode ein schedlichen frieg fürname. Cap. 81.

**N**ach solcher geschicht leid der künig vil vnfalls/ daß er zoch zu bekriegen den Weyda enhalb den Alben/ der doch ein fromman/ vnd dem künig nicht widerwertig was/ auch sein tribut jerlich geraicht het. Es warn aber ettlich des künigs gewaltig/ die sein gut gern gehabt hetten/ dieselben versagten in/ vnd legten vor dem künig alles sein thun zum argsten aus/ Des halben der künig ein heer besamelt/ vñ auff den Weyda durch das land Zeurin zoch/ gewan das Schloß Zeurin/ vnd gab das der Keth einem/ der den künig



nig zu zug beredt. Bazarad der Weyda schicket ein pottschafft zu künig/  
erpot sich im gehorsam zu sein/den zins raichen/auch den schaden oder  
vnkosten des heers zu bezalen/vnd vber das alles einen seiner sün im zu  
hoff mit etlichen pferten auff sein eygen koften lassen reytten. Denselben  
potten gab der künig ein böse antwort/nemlich/sagt ewerm herren Ba-  
zarad/Er sey ein halter meiner schaff/ich wil sie bey iren barten aus den  
hölz zihen. Vnd wie wol etlich seiner frommen Reth ab diser antwort  
ein mißfallen hetten/vnd solches dem künig widerriethen/so wurde sie  
doch von den vnweyssen geltstichtigen vberschryen/das ir rath nicht an-  
genommen ward. Sonder der künig ruckt mit den seinen fürbaß. Als im  
aber speyß vnd ander notturfft abgieng/vñ der wege vnkundig was/  
fielen die Wallachen zu peyden seyten in des künigs heer/die in einem tal  
vnd tieffen weg hielten/vnd nyndert kein heyl westen/dañ das sie sich  
da mit der handt weeren musten/vñ weret dise schlacht biß an den drit-  
ten tag/alda gar vil trefflicher Vngern fielen/vnd tod geschlagen wur-  
den/vnd der künig kam mit wenig leuten vnd mit grosser mühe kaum  
daruon. Kam erstlich gen Temeswar/darnach gen Wisegrad od Plin-  
tenburg. Dise schlacht geschach an ein Freytag an sant Martins tag in  
obbemeltem jar.

Wie des künigs sün Andreas zum künig in Si-  
cilia erwelet ward. Cap. 82.

**D**arnach an sanct Steffans tag im xxxij. jar ward dem künig  
aber ein sün geborn/den nennet er Steffanum/dar-  
nach vnd im selben jar ließ der künig seinen sün Andre/aus  
anmüthen vnd willen des Pabst krönen mit der kron Sicilie/  
Dann künig Robertus/so dasselbig reich regirt/solichs haben wolt/  
den füret auch der künig selbs dahin/vnd vberantwortet seinen sechs je-  
rigen sün seinem vetteren künig Roberto.

Von einigkeit vñ verpündnus der dreier künig/Hun-  
gern/Behem vnd Poln/auch vom Herkog aus  
Reussen. Cap. 83.

**I**n m. ccc. xxxv. jar darnach vmb sant Mertens tag/kam  
zu der Plintenburg künig Johan von Behem mit seinem  
sün Carolo/auch der künig von Poln/die empfieng vñ hielt  
künig Carl von Hungern wol/vnd ward daselbs zwischen  
k den

## Das vierdt buch

den bemelten künigen ein pündtnus vnd ein ewiger frid beschlossen. Als sie aber nun wider heim zugen/schencket ihn der künig von Vngern vil kleynod/vnd hielt sie allenthalb in seinelandt kostfrey. Anno M.ccc. xxxvij. vmb Petri vnd Pauli/ do kam hertzog Rochto aus Reussen gen Wissegrad oder Plinteburg mit einem schönen volck/ vnd saget künig Carl alle freundschaft zu laisten.

Wie Ludowico des künigs sun von Hungern das Königreich in Poln vbergeben ward/vñ vom sterbē künig Karls. Cap. 84.

**E**tlich jar darnach/do man M.ccc.xl. zoch künig Casimirus von Poln mit den trefflichsten seines Reichs zum künig vñ Vngern gen der Plintenburg/vnd vbergab do selbst sein kōnigreich Poln/Ludwigen/seiner schwester vñ künig Carls von Vngern Sun/dan kōnig Carls fraw was Casimiri schwester/der hett sonst kainen erben. Solchs ward verpriest vnd gnugsam Instrument deshalb auffgericht. Darnach als künig Carl von Vngern seine sachen mit gutem vleiß wider zu rue vnd frid gestellt/vñ nyndert kein krieg hett/do ward er krank vnd starb/im M.ccc.xliij. jar Christi/am xvj. tag Augusti/ Der mit grosser klag von der Plintenburg auff der Donaw gen Ofen/vnd von dannen gen Stülweissenburg gefürt/vñ nach kōniglichen wurden vnd aller kōstligkeit daselbst neben sant Steffan begraben ward. Er starb im xxxij. jar seiner regirung.

Von der frōnung Ludowici des suns Caroli. Cap. 85.





**A**ls nun k nig Carl der lobwirdig zu Alba beſetzt was/ kr neten die Vngern von ſtundan ſeine Sun Ludwigen in obgemeltem jar/vnd in xvj jar ſeines alters/der ſeinem vatter in allen tugenden vnd ritterlichen wercken nachkam/vnd nicht vngleich was. Sein erſte heertart was wider ettlich gegent/enhalb Sibenburgen/die in verachteten/vn den zyns nit geben wolten/die zwang vnd n tten er mit gewalt zu der gehorſam. Es kamen auch ettlich zu jm/ſo bey ſeynes vatters zeiten vmb geſchlagen hetten/die ergaben ſich/vnd patten vmb gnad. Vnd ward jm vill k ſſlicheyt geſchenckt.

Wie k nig Carls verlaſne witib in Apuliam zu iren ſun zoch. Cap. 86.

**I**n M. ccc. xliij. jar/zoch k nigin Eliſabeth k nig Carls verlaſne witfraw auß Vngern/in mainung irem Sun k nig Andre in Apulia zu ſehen/vn darnach die heilige Stat Rom heim zuſuche. Der kam ir ſun k nig Andre mit ſampt ſeiner hauſfrawen Johanna mit groſſer k ſſlicheyt entgegen vnd empfieng ſein m ter mit groſſen freuden/vn f ret ſy mit jm in das ſchloſ Neapolis gar erſamlich an des heylig  ſant Jacobs tag. Als aber nun die k nigin v  Vngern ein zeyt lang zu Neapols gewonet/auff die kr nung ires ſuns k nig Andre gewartet/vnd ein miſſfallen an ſeiner hauſfraw  het/die faſt hochfertig was/vn iren gemahel vn hauſwirt verachtet/darumb ſie wider in Vngern feret/Vnd berichtet aldo ire ſun k nig Ludwigen vn hertzog Steffan aller ſach  vn ſonderlich des vnwilllichen auffchubs/ſo der Babſt mit der kr nung k nig Andreen thet.

Wie k nig Ludwigs kriegs volck d  Thattern in ir land zuge/vn iren F rſten erſchlug . Cap. 87.

**A**ls nun in ſolcher zeyt die Thattern ſtettigs groſſen ſchaden an den grenzen in Vngern thetten/vnd vil leut beſch digten/do verordnet k nig Ludwig ein groſ  heer/vnd lie  auff die Thattern ziehen/bi  in ir land hinein. Den zugen die Thattern mit irem F rſten entgegen/der was genannt Athlamos. Also wurden die Thattern erlegt/vnd ir F rſt gefangen/vnd jm das haupt abgeſchlag . Darnach zoch der k nig in eygner perſon mit einem groſſen heer wider die Kracſaten/Dalmacien/vn Winden/die vmbgefallen/vn ſich der gehorſam

## Das vierdt Buch

der heyligen kron gewidert hettē / die bezwang der kōnig den merern theyl mit gewalt / strasset die schuldigen vnd pracht die wider zū gehorsam des Vngerischen reichs.

### Von kōnig Andre zū Sicilien / vnd wie er vmb sein leben kam. Cap. 88.

**D**erweil nun nichts bestendigs in diser welt ist / vnterstunden sich ettlich im reich Sicilie vnd Neapolis / aus anshickung der kōnigin Johanna / die irem gemahel kōnig Andreen / als einem außlander / nichts vergüt hett / ein pündnuß wider den kōnig zū machen / vñ erschlagen in / do er sich des am aller wenigsten versach. Die kōnigin Johanna name von stund einen andern man / genant Ludwig von Tarent / der vormals mit der kōnigin in grossen gschrey / auch des mords an dem fromen kōnig begangen / nicht vñ wissent was. Als kōnig Ludwigen in Vngern nun die leydigen mehr zukamen / vnd im seines bruders todt verkündet ward / betrübte er sich des vber die maß. Vñd name im ernstlich für / seines bruders todt zū rechen / vñ die schuldigen zū straffen. Rüst sich / vñ zoch mit ainem grossen volck auff wasser vñ land auff Neapolis. Do warn im allenthalb die paß offen / vñ menigklich zū fürdern willig war. Als er nun zū Neapols vnd im ganzen kōnigreich vil strasset / vñ ettlich mit sich herauf zū führen bestellt hett / floch die kōnigin Johanna mit ihrem haushwirt in ein Insel vber meer. Der kōnig besetzt alle stettchen mit Vngern vnd außlendern / vñ zoch wider mit einem theil seines heers in Vngern / fürte auch vil grosser Herrn vnd Edelleut gefangen mit im.

### Kōnig Ludwig zeucht zū andernmal in Neapolum wider Ludovicum Tarentinum. Cap. 89.

**L**udovicus Tarentinus als er sach das kōnig Ludwig wiß in Vngern was gezogen / sterckt er sich vast / vnd wurde die so der kōnig in Neapols gelassen hett / hart von im vñ seiner haushfrawē kōnigin Johanna durch verreterey vñ andern kriegs sachen hart angefochten / vñ vil part heyen gemacht. Deshalben die Teutschen haubtleut / so Neapolis vnd das lanndt inn hettē / dem kōnig solchs verkündten / vnd begerten hilff. Darauff sich der kōnig zum andernmal starck auffmacht / vnd wider in Neapolis zoch / vñ im selben land vil Stett vnd Schlößer mit gewalt gewann / vñ im aller ding



ding vnterthenig machet. Vnd als er ein zeyt lang daselbst wonet/ do kam das gnadereich oder Jubel jar/ das ist do man zelet/ M. ccc. l. Do gedacht im der könig von andacht wegen dasselb heimzusuchē/ besetzt das land mit den besten Ungerischen vnd Teutschen haubtleuten/ vñ füret mit sich vil Edler menner vom land vnd allen Stetten/ vñ zoch erstlich gen Rhom/ do er von dem Potesstat vñnd ertlichen Cardinelen köstlich empfangen vnd einbeleytet ward. Nach dem der Babst selbs mit da/sonder zū Auinion in Franckreich was. Als er nun die heyligen statt haimgesucht sein opffer gethan/ vnd den Ablass erlangt hett/ zoch er den nechsten weg durch Wellisch land wider in Ungern.

Wie der Babst den König von Ungern mit lystigkeit aus dem reich Neapolis vertribe. Cap. 90.



U nun Ludwig von Tarent vñnd die künigin/ die Ungerischen mit irer macht vnd gewalt nicht aus dem reich Neapols vertriben noch bringen mochten/ vñnderstundten sie sich mit dem Babst/ dem die lehen desselben Königreichs zugehören solten/ zū practiciren/ Dieweil daß d Babst sonst nit wol mit den Ungern zū friden/ vñ in vil sachē widerwertig erzeygt/ was im gar leicht zū helfen. Des halbē er treffliche potschafft zū künig Ludwig in Ungern schickt/ ließ im sein gerechtigkeit anzeygē/ das im das künigreich Neapolis als sein lehē also lenger zūuerderbē/ zū zusehen nit gebüren wolt/ Darumb er künig Ludwig bitten ließ/ das er sich als ein gehorsamer Sun der Christenlichen kirchen halten/ vñnd vom künigreich Neapolis abtreten/ vñ dem Babst nicht vrsach geben/ das er in als ein kirchenprüchigen mit dem Bann darzū bringen vñnd nötten müß. Vñnd wiewol diß den künig von Ungern sehr verdros/ so ward er doch durch sein Bischoff vñnd Geistlichen darzū beredt/ das er dem Babst gehorsam sein/ vñ von dem bemelten Königreich abtreten/ vñ im vberantworten solt. Das thett der künig also/ vñ vbergab solichs durch den Bischoff von Wesprinn. Also ward derselb krieg mit mehrern nutz des Babsts vñnd seyner parthey/ dann des Königs/ gericht.

Wie der künig von Ungern mit den Venediger krieget. Cap. 91.

¶ iij Nach

## Das vierdt Buch

**N**achdem die Venediger etlich Stet am Meer gelegē/so dē  
kōnigreich Dalmacien zugehörte/ inhetten. Darauß kōnig  
Ludwig ein treffliche potschafft gen Venedig schicket/vñ  
ließ 8 Herschafft daselbst anzeygen. Nach dem dieselben  
Stet mit sambt dē kōnigreich Dalmacie/ dem reich Vngern zugehörte  
das sie von denselben Stetten abtreten/ vñ jm nicht zū krieg vsach ge-  
ben wolten. Aber die Venediger schlugen solichs ab/ wolten der nit ab-  
stehn/vñ schickte sich zū der wehr. Darauß der kōnig mit einem heer in  
Wellisch landt zoch/ name ein Spernal/ Konglon/ Asula/ vñd annder  
fleckhen mer. Er belegert auch dz Schloß Kastelfranck/ aber er zoch  
daruon ab/ dan es fest vñ wol versehē was. Er thet vil kleiner schlacht  
mit den Venediger/ vñ gesiget löblichē. Er gewan auch die hauptstatt  
Dalmacie Jadora genant. Darnach ward ein friß zwischē den Vene-  
diger vñd dem kōnig gemacht/ also das die Venediger dem kōnig all  
fleckhen/ so zū Dalmacie gehörten/ vñ widerumb der kōnig die flecken/  
so er dē Venedigern abgewonnen het/ zū beyder seytē abtreten solten.

Wie der Vngerisch kōnig in die Lithaw zoch. Cap. 92.

**D**ie aus der Lithaw als sie das land Keißen/ so kōnig Lud-  
wig zugehörte/ mit vil beschädigung verwüsten/ besamelt er  
ein heer/ zoch in die Lithaw/ schlug sich mit jm/ vñ fieng jren  
herzogē. Als jm derselbig schwur/ auch gehorsam mit den  
seinen zū sein/ vñ solichs mit bürgen vergewisset/ ließ jm der  
kōnig wider in sein land/ das selbig zū regieren/ ziehen.

Wie kōnig Ludwig dem Babst wider den  
hertzen von Meyland beystand thet. Cap. 93.

**N**ach dem als 8 herzog von Meyland/ genant Barna-  
bas Galeatus/ die Stat Bononiam/ so dē Babst zugehörte  
belegert het/ schicket er dem Babst ein treffliche hilff/ so die  
Meylander abtriben/ vñ dem Babst die Stat wid einant-  
wurtent. Der gemelt kōnig Ludwig het stetigs krieg/ vñd  
was 8 kron Vngern entzogē was/ bracht er alles herwid/ vñ seyret nit.  
Er thet auch ein zug in die Bulgarey/ darjn er die Stat Bodan mit ge-  
walt gewunn. Er bekriegt auch den Rōmischen kaiser/ genant Caro-  
lus/ der ein kōnig aus Behem was. Dieselbig handlung ward durch  
den herzogē von Iglitz/ dieweil der kōnig zū Trentschin lag/ vertragē/  
vñd



vnd nicht lang darnach wurden sie zum Behemischen Brod wider spal-  
tig/darumb der kōnig mit seinem volck in Nierhern fiell/ vnn̄d grossen  
schaden thet.

Wie kōnig Ludwīg zu kōnig in Poln erwelt ward/vñ von  
dē zuch den er in die Walachey fürname. Cap. 94.

**I**n Poln starb der kōnig genant Casimirus/ alsdan erwelten  
die Polaken kōnig Ludwigen als den nechste erben. Darauß  
er in Poln mit einem treffliche volck zoch. Darnach zoch der  
kōnig mit einē grossen heer in die Walachey/so ein böß volck  
vnd enhalb den Alben gefessen ist. Er name aber aus verachtung dessel-  
ben volcks/an vil guten leuten ein grossen schaden. Do er sich aber be-  
sorget/vnd sie mit ordnung angriffe/wurden erstlich ir schützen vñ na-  
chmals der gang hauff in die flucht getriben/vnd sie namen Zeurinum  
ein. Dargegen pawet der kōnig ein starck Schloß/vñ nant das Zeurin  
oder Kōnch/besetzt es auch mit gutem kriegßvolck/vnd sonderlich mit  
Engellendischen schützen/die den Walachen vil zu leyd theten.

Von den Juden aus Ungern vertriben. Cap. 95.

**N**ach dem kōnig Ludwīg ein fast Chriſtenlicher vñ ein Gots  
forchtiger herr was/begert er an die Juden/das sie sich tauf-  
fen/vnd iren irthumb verlassen solten. Als sie aber das mit  
thun wolte/schuff er sie bey grosser peen aus allē seinē land.

Was kōnig Ludwīg für Clōster vnd Gotsheuser ge-  
bawet hat/vnd von seinem absterben. Cap. 96.

**D**Er bemelt kōnig Ludwīg pawet zwoy Clōster auch zwo Ca-  
pellen/die ein Capellē zu Aich/die ander zu vnser frawen zel/  
begabt die reichlichen mit gulden Kelch/Messgewand/vnd  
anderen schönen zierten. Als nun kōnig Ludwīg das Unge-  
risch reych größlich gemeret hett/ward er beladen mitt einer schweren  
kranckheit/vnd starb am xj. tag Septembriß/Anno. M. ccc. lxxij. Er  
ward begrabē zu Weyßenburg in der Capellen/so er selb gebawet het.  
Er regirt xl. jar/ein monat/xxij. tag. Er verschid on manliche erbē/vñ  
verließ zwo tōchter/die elter hieß Maria/die ward in ir kindheit durch  
kōnig Ludwīg irē vater dem Marggraue Sigmond von Nierhern/8  
hernach

## Das vierdt buch

hernach Römischer Kaiser ward/ auch in seiner kindheyt versprochen/  
vñ derselbig Marggraff Sigmond ward am hoff künig Ludwigs er-  
zogen. Die ander hieß Adinga/ die ward nach abgang ires vatters küni-  
gin zu Poln.

Wie Maria des gestorben königs tochter/ von den Un-  
gern einhellig/ das reich zu regiren/ erwelet ward/  
vñ von dem vñwillē der Ungern/ so bald nach  
der wahl erstanden. Cap. 97.



Nach abgang künig Ludwigs/ wie vor angezeygt/ wurde die  
Ungern ingedenck der guten vnd veterlichen regirung künig  
Ludwigs/ darumb alles volck/ junktfraw Mariam küni-  
gin nanten/ setzten auch die in den küniglichen Thron ires vat-  
ters/ vnd krönten die mit der heyligen kron/ mit grosser einhelligkeit. Zu  
was ir muter/ fraw Elisabeth ein weyse vñ vernunfftige fraw/ die ver-  
trat die tochter mit sampt etlichen trefflichen Rethen im Regiment/ vñ  
was dieselbig zeyt Nicolaus von Gera Großgraff in Ungern mechtig  
vnd reich an gütern/ auch an gold vñnd silber/ welcher beiden künigin  
aus den wolthatē/ die im künig Ludwig thon hett/ fast anhieng/ brocht  
es auch durch sein geschicklichkeit darzu/ das er nahent allen gewalt het/  
vnd die künigin nichts on seinen rath handelt. Dieweil er dan ye zu zey-  
ten nach gonst oder neyd wider etlich Landsherrn zu handeln rieh/  
vnd in nach zusolgen an der künigin vermocht. Das ward etlich Un-  
gerisch herrn/ als sie solichs merckten/ hart verduessen/ sonderlich do er  
vil sachen wider die Freyhaiten des lands zu seinem eigen nutz handelt.  
Daraus ein grosse zerruttung vñnd zerteylung im land erstundt/ Vñnd  
wurden etlich sagen/ Wie sind wir so vnbesind/ oder was thun wir/  
wie lang wollen wir das Weibisch Regiment leyden? vnd den eigenmu-  
tigen gewalt des Großgrauen vnd seines anhangs dulden? Sonder-  
lich dieweil sie die thut vor vns/ die wir doch in sturm vnd streyten das  
plüt von vnser frommen künigs wegen vergossen haben/ zusperet/ vnd  
von in vngütlich angesehen/ auch vnser alt dienst nicht bedacht werde.  
Es ist niemand gut bey in/ dan allein der Großgrauē/ vnd sein anhang  
Darumb laßt vns suchen mittel/ damit das weiblich Regiment voller  
grims/ vnser blüt vñ leben/ zusampt vnsern gütern mit neme/ noch dz/ so  
mit vnserm blüt vnd schweiß gesucht vñ erobert/ in iren raub fert wer-  
de. Zu diser parthey siel der Bisschoff von Agran/ vnd ander vil mech-  
tig herrn/ geistlich vnd weltlich/ vnd beschlussen/ das sie die tochter vñ  
mutter



miter des Regiments entsetzen/vnd nach König Carl von Sicilia schie-  
 ken wolten/welcher des Vngerischen geplüts/von König Andrie König  
 Ludwigs bruder geboren was. Deshalben zu solcher pottschaft der Bi-  
 schoff von Agran fingenomen ward/vnd ließ sich der selbig Bischoff  
 gegen beiden künigin mercken/als wolt er von andacht wegen zu sanct  
 Peter vnd Pauls gen Rom zihen/damit er seinen anschlag zu verpergē  
 mainet. Als nun der bemelt Bischoff in Neapolis kam/ward er für den  
 künig daselbst gar ehrlich geführt/aldo er sein werbung nicht von einer  
 parthey/sonder des ganzen Vngerischen reichs halben thet/auch dar-  
 neben sein Credenzbriue dem künig antwortet. Sagt der Bischoff vn-  
 erschrocken: Herr/nach dem wir wissen/das du des geplüts der künig  
 von Vngern bist/vnd das Zepter desselben lands/als dem maulichen  
 stamme/niemand als dir pillicher gepürt/Daß das Weiblich/beweg-  
 lich geschlecht vermag nicht zu regiren noch erhaltē die vngesempte me-  
 nig. Daß das Vngerland/so du vorzeyten mit gemeiner fruchtbarkeit  
 hast sehen grünen/ist yez durch krieg jemerlich vnd gewolich zu rissen/  
 erschütt mit heßlichen flammen/die schönen gebew in kolen verkert/die  
 zeygen an erbarmliche fußstapffen/die erschlagen herrn feuchten mit  
 irem plät den vnfruchtbarn acker/Der pöfel in böß partheyen getheylt  
 wüthet mit allen krefftē in die ingeweyd des Reichs/Vnd alle des rei-  
 chs inwoner zerpeissen sich mit inwendiger wütere. Was soll ich sa-  
 gen/Das reich ist verderbt mit den aller grösten verderblichkeyten. Dar-  
 umb bitten vnd erfordern wir dich/das du wöllest das zerproche Reich  
 wider zu samen setzen/die zwitrechtigen einigmachen/vnd die inwoner  
 des Reichs mit dem loblichen frid ersüwen. Darüß bitten wir/du wöl-  
 lest nicht außschlahen vnser herr vnd König zu sein/Dann wir vnter-  
 werffen vns dir mit dem joch ewiger trew vnd pflicht/Damit du die/  
 so deine Eltern haben lieb gehabt/auch lieb habest. Wo dir aber solchs  
 von wegen deiner Mueimen/die wir vnbedacht krönt/vnd in ires vat-  
 ters thron gesetzt haben/beschwerlich zu thun gesehen wurde/so wiß  
 das das weyblich gemüt einen solchen last des Vngerischē volcks zu re-  
 giren/welchs volck von anfangt an mit iren feindē/auch selbs mit steter  
 wütere vntereinander angefochtē wirdet/gesetzt ist/mit vorstehn kan.  
 vñ 8 gleichē mit merwortē 10. Darauff jm der künig ein bedacht name/  
 vñ den Bischoff in sein herbug beleyten ließ. Als sich nun der künig lang  
 hin vnd wider bedacht/ward er zu lest vberwunden von der Ehrgey-  
 tigkeyt des Vngerischen Keychs. Gieng zu der künigin seiner hauffraw  
 en/öffnet vnd saget ir der Vngern begern/wie er zu einem König in Vn-  
 gern erfordert were/vnd wie jm/irem begern nach/gen Vngern zu zie-  
 hen

## Das vierdt Buch

hen/das reich anzunemen fürgenommen hett/der gestalt/das er seinen Sun mit sich führen/vnd die Vngerisch kron erlangen vnnnd auffsetzen wolt/Erzelet ir auch ettlich vsachen/nemlich den neid des Pabsts/die gefeulichet/besorget den vberzug des Franzosen/vnnnd andere gepreßten des künigreichs Neapolis/Begeret darauff der künigin rath vnnnd gutduncken.Welches des kónigs fürhalten die künigin erschrackt/vñ ein weil vor wainen nicht reden kont. Als sie sich aber wider erholet/vñ sie der kónig tröstet/sprach sie: O Kónig/verlaß das zerrissenn zwitteretig vnnnd arglistig Vngerisch reich/Dañ ich argwoone/das auch die/so dich erfordern/dir ettlich feind sein. Wir kennen doch wol die vntrew dieses volcks. Vnd ich bit dich auff das höchst/du wöllest dich mit vnterwerffen demselben volck/so keinen glauben helt. Der almechtig Got wird alle vnser widerwertigkeyt abwenden/der vnser feindt/so mechtig an volck vnd gut warn/von vns kert hat/er wirt vns nit verlassen/sonder sich vnser erbarmen. Der künig kert sich an die redt der künigin nicht/dañ er prañ in hiez der ehgeyrtigkeyt/vnd thet all ir vñ andere warnung verachten/vñ name im gen Vngern zu zihen endtlichen für.

### Wie der Kónig zu Neapolis den Bischoff von Agran abfertiget. Cap. 98.



Es nun der kónig im gen Vngern zu zihen fürgenommen hett/erfordert er den Bischoff vnd die Vngerische pottschafft/saget in solichs zu/vnd ließ zu stund an alle ding zum wegzug zu richten/vnd die schiff laden. Do nun die künigin mercket/das ir trewer rath nicht halff/das auch ir einiger Sun mitziehen solt/schrey sie laut/vnd schlug die hendt ob dem kopff zusamen in pitterkeyt ires hertzen/vnd sagt zu dem künig: Künig O du aller greulichster vatter/warumb fñrestu mit dir deinen Sun zu dem gewissen tod/wo du den/so doch alle menschen fürchten/nit besorgest/vñ dich dein selbst nit wilt erbarmen/erparn dich doch mein/vnd laß der verweisen diesen trost. Ich wil mit zu rauffstem har vñ zu rissenn antlitz hinab in die Stet lauffen/mit hevolen vñ geschrey anrüssen das volck/das sie mir meinen Sun von dir/als aus dem schlund der hellen erledigē. Der künig wart bekümmert von dem geschrey der künigin/strafft sie gütlichen/vñ bat sie des geschreys abzustehn. Do sie aber nicht wolt auffhōin/ward der künig zornig/schuff die weg zu führen/vnd troet sie zu tödtē. Aber es halff nichts/vnd galt ir zu leben oder zu sterben gleich. Zu lest ward künig Carl bewegt/vnd trug sorg/das ir solichs nit ettwo ein künffrugs vbel anzeyget



anzeiget/auch aus erkantter lieb gab er zu/das ir peder Sun bleiben/vñ sie in seinem abwesen trösten solt. Vnd wiewol sie nun iren Sun erhalten het/so war sie doch von des Königs wegen nit minder betrübt/vnd thet teglich nichts anders dan weinen vnd klagen. Do nun all sachen zu gericht vnd bereyt waren/gieng Carolus der König zu seiner trawrigem haußfrawen in die kamern/vrlaub von ir zu nemen/vnd sie zu trösten. Vnd als er sie eins teils gestilt het/vnd im die Königin das geleyt zu den schiffen gab/vnd wie er von ir vrlaub name/sagt sie zu im: Ich hab nie kein menschen gesehen so vnerpittlich vnd so willig zum tod lauffen/als dich/vñ nym war/ich wird mich nach deinem abschid in witwen klaid für elend anthun/vnd alle tag warten/waß ein pott kome mit erschrocklicher pottschafft/mit verkündung deins tods thue/vnd dein Stett mit trawrigen meten erfülle. mit den Worten erseufft sie gar tieff vñ schid also ab. Der König stieg in das schiff/für von land dem Dalmatischen gestad zu/trath zu zeng in der statt Dalmacie ab dem schiff/ Aldo sein die Ungerin/so nach im geschickt hetten/in grosser versamlung warteten/von den er auch wie ein König von Ungern empfangē ward. Vñ als er etlich tag/nach der schiffung geruhet hett/zoch er vber das gepirg/vnd kam gen Agran/aldo er mit seine volck zu bleyben fürnam/als lang biß sein ankunfft in Ungern meniglich verkünd wurde/schicket auch an alle ort/den gunst des Weibischen Regiments abzuwendē/dann welche er mit guten Worten nicht auff sein seyten mocht bringen/die vnterstund er mit verhaßung vnd gelt seiner parthey zu machen.


Wie König Carl gen Ofen geführt/vnd von beyden  
Königin empfangen ward. Cap. 99.

**D**Je weil die sache König Carl also handelt/gedacht im Marggraff Sigmond mit dem glauben vnd bey ligen der ee/sein sach zu bestetten/dan er kündt die Ungerisch sprach wol/vñ hielt hochzeyt mit seinen anhangern vnd getrewen. Vnd da mit er nit wurde von den widersachern vbereylt/fluhe er in sein vatterland/vnd verließ sein gemahel. König Carl von Sicilia erschrack der hochzeyt hart/vnd gedacht/der Kaiser wird seinen Sun nicht verlassen. Dan sein ankunfft nun meniglich wissent was. Darumb peid Königin zu im schickten/als wern sie der sachen vnwissend/vnd ließen in freygen/ob er als ein gast/oder als ein feind kommen wer. Nun wolt er sein listig fürnemen mit der pildnus der gnedigkeyt verpergen/vnd gab den porten die antwort: Er were ingedenck/das König Ludwig mit gewal

## Das vierde buch

tiger hand seines vaters tod gerochen/ auch der brüderlichen lieb/ so er trüeg/ seiner schwestern dasselbig ir bekümmert vnd zerrissen reich/ wider aufzurichten/ derselben vnd keiner andern vrsach halben were er kommen. Vnd wiewol nun die künigin der gedachten antwort des Königs nit glaubte/ auch all sein anschleg wol wiste/ so stellte sie sich doch der massen nicht/ dan sie sahen/ dz er so mit grosser menig der vntrewen Vngern des reichs vmbgeben was/ deshalben sie im als einen feind nit widerstehn möchten/ Vnd was in nützer/ sie liessen sich keins vnrwillens oß bösens verdencken/ Darumb sie im beid entgegen zugen/ vnd fütten in mit sich gen Ofen. Vnd wiewol er von paiden künigin gepetten ward/ mit in in die Burg zu zihē/ so wolt er doch solchs nit thun/ damit er sein fürnemen desterbaß dempffet. Vnd als sie mit einander zu red kamen/ redt die alt künigin mit kōnig Carolo dise meynung: Aller liebster Sun dein freundschaft/ mit grosser danckbarkeit der gnad/ ist mir gang lieblich/ der du die wolthaten vnser lieben gemahels kōnig Ludwigs also hast zu hertzen genommen/ vnd nit hast vergessen deines geplüts/ Dein Reich/ weib/ vnd kind verlassen/ die Vngerische zwitracht zu stillen/ vñ vns vnser arbeit zu ringern. Wir sind auch nit gnugsam dir solichs mit lob vnd danck zuuergelten/ Gott sol darumb dein beloner sein. Nach disem folgten heimlich seuffzen. Er antwort ir mit rechter bescheidenheyt/ vnd enzoch sein angesicht von irem angesicht: Mein aller liebste muter/ so lang vnser leben werd/ sollē die gut thaten kōnig Ludwigs nit aus vnserm hertzen kōmen. Darnach namen die künigin vrlaub vom kōnig/ vnd giengen in die Burg/ vnd erwarteten daselbst was Carolus newer ding wurde fürnemen oder ansahen.

### Wie kōnig Carl von den Vngern gelobt/ vñ der Künigin Regiment geschmecht wird. Cap. 100.



Es sich nun der kōnig Carl sahe mit den grossen herrn des lands/ auch mit dem wanckeden vnstetten pöfel vmbgebē/ die die Künigin vñ ir Regiment nicht heimlich/ sonder öffentlich schmechten/ vnd pößlich nachredtē/ vnterstunde er sich als ein gubernator in die Burg zu zihen. Vnd die zurichter vñ anschmider diser sachen/ bewegten mit iren Worten das gemein volck/ die lobten den kōnig/ vnd zeygten an sein geschlecht/ liessen sich auch daneben hōren wie spötlisch vnd verderblich das were/ wo die weyber regirtē. Nit solchen Worten sie alle menig zu irem fürnemen begerten. Solch red warden den Künigin nit verhalten/ erschrocken des hardt/ vñ forchten sich dermas-



dermassen/das sie nicht allein des reichs sonder auch ihres lebens müßte beraubt werden.

König Carl begert/die weiber sollen das Regiment gang lassen fallen/vñ was ime darauff geantwort ist worden. Cap. 101.

**D**O nun künig Carl in der Burg/vnd fast begirig des Vngerischen reichs was/erfordert er all landleut geistlich vnd weltlich/in die Burg/vnd besetzt die thor mit Walhen/vnd vnterspielt von seiner Parthey/die andern all/vñ welche schon gern der künigin parthey gewesen wern/müßten mithellen/vnd dorffte nichts reden. Also schickt der künig etlich aus den Vngern zu peyde künigin/vnd lies in sagen/wie daß die Vngern seiner parthey mit ihm beschlossen hatten/dise mainung: Sie solten sich nun genügen lassen an dem Regiment/so sie bißher gebraucht hetten/vnd fürhin mit frid vnd gutem willen des Reichs abstehn/vnd der kron weichen/vñ sich des genzlich verzeyhen/daß die Vngern möchte nit lenger leyden/das ein fraw vber sie herrschen solt/die weil in auch das reich nicht gebüret/so wer auch ir weyßheit zu schwach einem solchen Regiment vor zu stehn/Es gehöret solche regierung einem Man vnd nit eine Weib zu/zumal in solchen ansechtungen des Reichs/Das were des gantzen lands will vnd mainung. Die vnd der gleichen wort sagten die gesanten. Do nun die künigin ped diß horten/erschrocken sie hart/vñ warn schir in anmacht hingefallen. Do aber die alt fraw schwige/erlecket die jung ein wenig/vñ sagt: Ich wil mein veterlich kron/so mir rechtlich gebürt/niemants geben/was aber ir fürgenomen habt/in dem verfert/Daß einer solchē macht zu widersprechen/ist weiblichem geschlecht vnmüglich. Ich bitt euch anders nichts/daß das ir wöllet bedencken vñnd ansehen die wolthaten meines vatters/vnd mir vnd meiner frawmutter das leben fristen/vnd mich zu mein vertriben man komen lassen. So sagt auch die muter zu den potten oder gesanten. Liebe sün/saget den/so euch gesant haben/dierviel ir euch newer sachen praucht/sey vns als den weyben/so eylend antwort zu geben nicht müglich/Aber Carolo dem künig wöl len wir selbs personlich antwurten. Do nun die potten weg giengen/be trübten siß die muter vnd die tochter fast. Es wainete auch mit in alle frawen vnd juncfrawen in irem zimer/vnd nach langem wainen sagt die muter: O du mein aller liebste tochter/der vngenedig rauber besitzt yetz genzlich dein reych/erhebt die kron/vñnd troet vnser vnschuldigs

## Das vierdt buch

blüt zuvergießen. Damit nun der beweglich pöfel/aus bewegung des neuen herrn mit vber vns einfal/vnnd wir mit vnserm blüt bespiengt/des Reichs vnd leben beraubt werden/so sollen wir dem gegenwertigē vbel weichen. Dañ die vngestim̃ des vngerischen pöfels wäiten vber trifft den scheymenden perñ. Dañ sich nichts gerechts noch billichs bey jm zu erhoffen ist/dañ wils Gott/mit erobern etwo mit der zeit diß ver lorn reich wider. Darauff gab ir die tochter mit heysser stim̃ antwort: O du mein allerliebste muter/die weil ich bin von künigliche stam̃en kōmen/vñ mit disem reich von meinē vater versehen/ist mir vil leichter zu sterben/dañ das zu verlassen. Darauff sagt die alt künigin mit grossen seuffzen: Die reichs gewalt vnd reichthum kōmen keinē nach seinē gefal le/sonder allein wem das glück die vergönt. Aber dz elend gefengtnus/armut/trawren/klagen/vñ mancherley gestalt des tods/sind gabē des menschlichen lebens/Was vns Got zuschickt/das sollē wir mit gedult tragen/biß sich das glück wider zu vns keret/des ich gute zu versicht zu Got habe. Nach den Worten trucknet sie ire augen/vñ gieng zu kōnig Carolo/vnnd redt mit jm also: Das hochfertig volck der Vngern kan kein weib regirn/darum̃ empfach das reich deiner eltern/Dir gehōrt zu diß zepter/darüb so gebrauch deiner gūter wie dich gelüst. Diese der künigin red ward bald in der statt lautbrechtig/wie die tochter des reichs williglich abgetretet were. Carolus der kōnig was der künigin red fro/gab von stundan ordnung gen Stülweissenburg zu zihen/damit er die kron empfieng. Zoch gen Weissenburg vñ hirt die zwo künigin mit jm/Also ward er von den Bisschoffen gekrōnet vnd gesalbet nach gewonheit des lands/nicht mit solcher frelockung als die andern kōnig/dañ ye derman erschrocken was/vnd het ein mitleydē mit der künigin. Es vol gten auch pöse vnd widerwertige anzeygung eins künfftigē vbel. Dañ als er mit hauffen der Edlen/nach volbringūg des ampts/aus der kirchē gieng/vñ auff sein roß sitzen wolt/ward jm der phanen des heilige kōnigs sant Steffans vor getragen/wie dañ die gewonheit von alters herkommen was/der selbig phan ward an dem vopaw der kirchen ange stossen/das er aller zerprach/vnd dem kōnig die trümmer eins teils auff sein haupt fiellen.

Von etlichē zeychen / so den tod Caroli anzeigtē. Ca. 102.



Nach im Herbst kamen so groß plazregen/das kein mēsch so alt was/der des gleichen wetter so mit grossen sturmwindē/die groß peum aufrissen/gedechte. Es kam auch/kurtz lich vor seinem sal/ein solcher hauffen raben auff das tach sei



ner wouung/die niemandt erzelen kont/vnd fluchen in vñ vmb die purg mit grossem geschrey/vnd kerten zu letst die schnebel in sich selbs/zerrissen vnd zerpissen sich an ein ander/das die federn auff den techern lagē/vnd netzten mit irem blüt das tach ob des kōnigs schlaffkammer/vñ verinreinten das. Vnd wiewol er mercket/das sie jm etwas geuerlichs anzeygten/so stellt er sich doch als verständig er solichs nicht.

Wie die Künigin mit den iren rathschluge/wie sie widerumb in das reich möcht komen. Cap. 105.

**K**önig Carl meinet nun nit anders/er seß mit guter rue/vund het alle gefeulicheit/aus vertroöstung der Vngern/vberwunden/Dieweil seyret der Großgraff Garenfis mit/dann vnter allen Vngern keiner was/der mer mitleyden mit der künigin het/als er/der oft vnd vil mit der künigin redet/wie vñ in was gestalt sie das reich vnd die regirung wider erlangen möcht. Sie konten aber keinen andern weg zum reich als mit dem tod des kōnigs finden. Nun was bey dē Großgrauen ein Edelman/genant Blasi Fargach/freidig vnd starck von laib/mit dem handelt der großgraff/das er den kōnig zu erwurgen vnterstunde/benant jm etlich güter deshalben zugeben. Dieser edelman bewilligt in die sach/doch das jm/waß er solchs volbunge solt/zeyt vnd gelegenheyt angezeigt würde. Darumb der großgraff ein solchen anschlag machet/vnd gab für/wie er sein tochter verheiraten/vnd sich der selbigen zu erten klaiden vnd rüsten wolt/vnd name zu sich vil die seiner parthey waren/vnd an dem kōnig ein verdruß hetten. Als sich nun 8 Großgraff vñ die andern also bey einander fundē/vnterwise der Großgraff die künigin/das sie an kōnig Carl zu ir zu kommen in ir frauwen zymer/etlicher visach halben/begern solt. Nun was es zu winterzeyt/im M. ccc. lxxxv. jar/Vnd vmb der Sonnen nidergang lies die künigin dem künig verkünden/wie ir ettlich brieff von irem Aidem Marggraff Sigmonden bracht wern/von derselben brieff halben sie etwas heimlichs mit jm zu handeln hett. Kōnig Carl/als 8 sich nichts args versahē/wolt der künigin begern nit abschlagen/vñ gieng aus seinem zymer mit ettlichen seinen Walhen/in der künigin frauwen zymer. Als solchs der Großgraff vernam/gieng er mit einem grossen hauffen seiner parthey auch in die Burg/vnd hett nun ettlichen der seinen beuolhen/das sie sich bey den thorn enthielten/vnd ir auffsehen auff in hettē. Vnd er gieng mit ettlichen in der künigin Pallast/als wölt er morgē auff die hochzeyt seiner tochter reytē/vnd vilaub vom kōnig vnd der künigin

## Das vierdt buch

gin nemen. Als nun der kōnig zwischen der künigin vnd dem Großgrauen saß/ giengen die Wallen vngehauffen selb aus de Sal/ damit sie nit zu hören. Als nun den Großgrauen zeyt daucht/ sach er Blasium faugach schälichs an/ als 8 dz zeichen sach/ trat er hinzu/ zuckt sein schwert/ vñ schlug dem kōnig nahent sein haupt von ein ander. Bald ein geschrey vñ zulauffen ward/ er aber macht im ein weg mit dem schwert vñ zū hauffen des großgrauen party. Der kōnig ward in sein schlaffkammer geführt. Der Großgraff besetzt die Burg. Die Wallen fliehen/ einer vnten der ander oben aus/ vnd niemand war der des kōnigs tod rechen wolt. Dieselbe nacht fielen die Vngern in des kōnigs zymmer/ stießen die thür vber den verwundten vnd halb todten kōnig auff/ namen vñ legten in darzu in einen tieffen thurn. Also sicht man/ wie vnbeständig das glück ist in menschlichen dingen. Der thurn helt yetz gefangen den kōnig/ auff dem er newlich sein wacht vñ hüt hett. Darumb du der do stehst in glückseligkeit/ warumb schawestu an den ersten anblick der dingene Was frewestu dich in den selben/ vñ stolockest in eins andern widerwertigkeit? dieweil sie so vngewiß sind/ vnd mit bösem endt beschlossen werden. ic. Dieselbige nacht ward der künigin volck eingelassen/ die riten durch alle gassen so bald es tag ward/ vñ schrien: Die Künigin Maria regirt. Vnd stießen die heuser auff/ vnd aufspeuteten die güter der Wallen/ vñ vergussten frauschlich das blüt der vnschuldige. Darnach ward der kōnig Carl also wund geführt auff die Plintenburg/ do er sein leben kurzlich endet/ vnd ward ins Closter zu sant Andrie vnter dem Schloß begrabē. Welches menschlicher armseligkeit ein groß spectakel/ vñ den nachkomenden kōnigen ein ler/ warnung vñ gar ein groß ebenbild ist.

## Von der Künigin vnd Marggraff Sigmonden.

Cap.

104.



Es nun der kōnig Carl schendlich vmbkomen vnd tod was/ forchten sich die/ so seiner parthey gewesen warn/ seer/ vñ suchten end vnd stett/ darin sie sicher warn/ vnd gedachten nichts dester minder sich zu rechen. Do nun die künigin vñ der Großgraff alle widerwertigkeit vermeinten gestillt vnd vberwunden haben/ erhuben sie sich/ vnd zugen in der zeyt des schinds/ vnd wolten das vnter oder Windisch reich besehen/ vnd hielten bey der Stat Diakon im veldt/ vnd hettē kainerley sorg/ das in etwas gefelichs zustehen solt. In dem hett sich Johannes Harbathi mit einem grossen volck besamelt/ vnd vberfiel beyd künigin/ auch den Großgrauen/ vñ das hofs-  
gesind



gesind mit grosser vngestimmigkeyt/vnd da geschach ein herter streyt. Aber der Künigin volck kont vor der macht/deren so sie ansprengte/vñ sich darauff geschickt hetten/mit besteen/vnd wurden der künigin volck vil erschlagen. Vnd Blasi Fargach ward gefangen vñ vor der künigin enthaupt. Der Großgraue aber do er sach/das es nicht anders mocht sein dan das er sterben must/do sprang er von seinem roß/vnd lieff zu 8 künigin wagen/weret vñ beschirmet sich vñ die künigin so best er kont/aber er vermocht einer solchē macht vñ souil pfeylen/so auff in geschossen wurde/nit lang vorstehn. Zu lest schluff einer durch der künigin wagen/der schusse in in die füß das er fiel/vnd ward im vor der künigin vñ allem frawen zymmer das haupt auch abgeschlagen. Do er nun tod/vnd der merertheyl der künigin hoffgesind erschlagen vñnd geflohen was/wurffen die Krabaten den wagen vmb/zugen die künigin vnd ir dienerin herauß/fürten die gefangen für den Ban/on alles ansehē weiblicher eren/Da sie mit schelt worden vbel gehandelt wurden. Die alt künigin fi el dem Ban zu fuß/vnd begert genad/aber er gieng von ir. Deshalben die Krabaten die alt künigin namen/vnd extrenckte sie in ein wasser nahent dabey. Man sagt auch/das sie die jungfrawen dieselbe nacht mißpraucht haben. Vnd als es nun tag ward/zugen sie in schneller eyl wider in Krabaten/vnd fürten die jung künigin also gefangen mit.

Wie die jung Künigin in Krabaten geführt/vnd wider erlediget ist worden. Cap. 105.

**I**n diser zeit was Marggraff Sigmond mit einer grossen anhal volcks gen Ofen komen/der auch allenthalb eingelassen ward. Als er nun diser sach bericht ward/erschrack er des hart. Nun ward die jung künigin geführt auff ein Schloß genant Kruppa. Als solchs Ban Johannes Horbathij innen wardt/das Marggraue Sigmond zu Ofen was/vnd das im die Ungerischē herren anhengig wern/forcht er sich ser. Darumb er zu der jungen künigin redt: Mich rent alles das/so ich wiß dein muter vñ dich gehandelt hab wiewol sie das verdient hat. Ich het mir auch fürgenomen/dir dermassen wie deiner muter zu thun. Dan ich weiß wol/wo ich dich leben laß/das ich etwo darumb sterben muß. Damit aber mein hend nit werden vermailigt mit dem plüt meines woltheters/hab ich willē dich ledig zu lassen/also das du mir schwerest/das mich solches nimer gerewen werde. Wo du aber das nit thust/so hab ich ganz im willen/mein fürgenommen sachen zu vollenden. Mit disen Worten gieng er von ir. Die jung künigin

## Das vierdt buch

nigin hub an bitterlich zu wainen. Vnd nach vergießung der zeher/fordert sie den Ban wider zu ir/vnd sagt zu im/wan sie besorgt irs lebens/Weil er ir das leben gestift hett/wölt sie im nit allein schwern/das lebē zu fristē/sonder in ir lebenlang für iren vater haltē. Also ward gebracht ein Euangeli buch/darauff schwur im die künigin nach allem seinem begern. Vnd wurden ir wegen bestellt/vnd sie ward gen Ofen geführt/vñ als von einem schiff buch erledigt. Dise ding alle haben sich in dreyen jaren verlossen.

Marggraff Sigmond wirt aus anreden der jungē künigin/zu König gekrönt. Cap. 106.



Es nun die Vngern des kriegs vnd der gefelichen handlungen müd warn/erwelten in die Vngern den frid für den krieg/vñ zugen all auff begern der künigin/gen Weissenburg/die schlug in für Marggraff Sigmonden/vnd pad sie mit einer langen red/das sie den nach dem willen vnd gefallen ihres vatters zu einem Vngerischen kōnig annehmen vñd krönen wolten. Des warn die Vngern willig/vnd krōnten Marggraff Sigmonden im xx. jar seines alters/am heyligen Pfingstag/Im M.ccc.lxxxvi. jar nach Christi geburt/mit grosser solennitet vnd frolocken des volcks.

Wie Johan Horbath vmb sein begangen vbelthat/von kōnig Sigmond gestrafft ist worden. Cap. 107.



Vnd do nun kōnig Sigmond gekrōnt/vñ als ein kōnig in Vngern aller sachen gewaltig ward/lag im die künigin fast ob zu rechen die handlung/so Johan Horbath/vnderward seiner ern/mit vergessung seiner pflicht vnd aller gnaden vnd wolthat/so im kōnig Ludwig gethan/an ir mütter vnd ir begangē hett. Nun was dieselbig zeyt Johan Horbath auff dē feste Schloß Posegawar/Darū er sich vor kōnig Sigmonden sicher zu sein verhoffet. Dar auff sich kōnig Sigmond rüstet/vnd ein volck zusammen pracht/in meinung als wölt er in Bulgariam zihen. Als er aber nun sein gelegenheit ersach/wendet er sein heer/vnd zoch für das Schloß Posegawar. Als er nun das mit allem zeug vmbgeben/vnd in kurtzer zeit zugewinnē verhofft/do siell Johan Horbath in einer finstern nacht aus dem Schloß/vñ kam vber die Saw/vñ ist nit wol wissend/ob er vbergeschwemmt oder ein schiffli gehabt hab/vñ kam auff das Schloß Dobor/so in dē künigreich



königreich Bosßen ligt/daselbst er Paulum den bisschoff von Agran/vnd seiner gesellen vil fand/die seiner zukunfft fast fro warn. Dañ Bosßen/Krabaten vnd Dalmacien/aus der faction Johannis Horbati/vñ ander groß herren/sich von der gehorsam des Vngerischen Reichs entzogen hetten. Aus disen vsachen allen stercket kōig Sigmond sein heer mit volck vñ aller noturfft/vñ zoch wider die vngehorsamē des Reichs mit grosser macht. Do Johannes Horbath/der Ban/vñ ander sein mit helffer das durch ir kuntschaffter bericht wurden/erschrocken sie fast ob des kōigs fürnemen/vnd setzten von stund an mer hoffnung auff die flucht/dañ auff die wehr. Vñ als die in der flucht warn/ließ in kōig Sigmond fürkomen vnd halt legen. Aldo Johannes Horbathi mit etlichen seinen verwandten in die halt fiellen/vnd wurden gefangen/vnd für den kōig bracht. Welchen Horbath der kōig darnach zu fünf kirchen richten lies/in einem roß an den schwanz pinten/durch die Statt schlauffen/mit gluenden zangen zerreißen/vnd darnach vierteyle. Sein gesellen wurden auch alle getödt. Allein der Bisschoff von Agran ward des Bisthumbs entsetzt. Er gewan auch das Schloß Dobor/vnd lies es zerprechen. Vnd pracht Bosßen/Dalmaciam vnd Krabathen wider zu gehorsam des Reichs.

Wie kōig Sigmond den Weyda in der Moldaw vber  
zoch/vnd in zum gehorsam pracht. Cap. 108.

**D**arnach im vierten jar der regirung kōig Sigmonds/zoch er mit heres krafft wider Steffan Weyda in der Moldaw/der vom reich Vngern wider sein pflicht abgetreten was. Der selb Weyda begegnet dem kōig mit den Walachen auf den Alben/die griffen des kōigs volck mit grosser freischlicheit an/vnd theten grossen schaden/sonderlich den rossen/mit irem geschosß/deshalben die kōigischen von den rossen abstehn/vnd zu fuß streiten musten. Also wurden die Walachen vber den perg ab in die flucht geschlagen/vnd fast vil erwürgt. Als nun dem Weyda sein macht gesprochen/vnd kōig Sigmond in des Weyda wonung komen was/do kam der selb Steffan Weyda mit den besten aus der Walachey/siel dem kōig zu fuß/vñ sagt: O du loblicher Fürst/dein kōiglich güte wöl gnad beweisen den bittenden/vnd vnser verschuldigung vnd vngehorsam vns nitt zu messen/dañ es deiner kōiglichen würde gebüret/zu verschonen die sich dir ergeben vnd vnterwerffen/Wir sind ein staub deiner fuß/vnd du bist vnser kōig/Wiewol vnser mißhandlung die gnad nit verdient

m ij hat/

### Das vierdt buch

hat/so wil es doch gezymen deiner königlichen miltigkeit. Der kōnig antwortet: Wiewol vnser belaidigung der straff vnd rach würdig wer/da mit aber der name vnser glori nit werde vertunckelt mit dē laster der her tigkeyt/wōllen wir euch verzeihen vnd in vnser gnad auffnehmen/ doch das ir fūrohin nit mer verprechen. Also legten sie sich dem kōnig für die füß vñ kusten den saum seines gewands/ verhiessen vñ schwurn im auch fürbaß gehorsam zu sein/vñ den jericliche zins zu rechter zeit zu reichē. Vnd darnach zoch der kōnig mit sig wider haim.

Wie kōnig Sigmond in der Bulgaren vil Türcken vñ Kriechen zu tod schlug/vñ wie etlich seins regiments des ein beschwerd trugen. Cap. 109.



In sechsten jar seines reichs /zoch der kōnig mit grosser macht in Bulgariā/erschlug aldo vil Türcken vñ Kriechen/ so sich gesamelt hetten. Gewan auch dz Schloß Nicopolim/ vnd erobert vil lands. Vnd dieweil er im krieg was/ starb die künigin fraw Maria/des er sich/do er haim kam/ser bekümmert/dañ 8 kōnig von Poln trachtet wie er sich in dz reich Ungern dringē möchte/ dieweil er der gestorbenen künigin schwester/vnd kōnig Ludwigs tochter zu einem weib hett. In der zeyt hetten sich etlich vom Adel hören lassen/wie sie an der regirung kōnig Sigmonds kein gefallē hettē/im auch nit mer gehorsam leysten wolten/vnd machet vnter in ein pundnus/da ein sie ander auch brachten/vnd wider den kōnig raitzen vñ bewegten. Deshalb kōnig Sigmond in angstē was/vñ fürsorg trug/ damit sie in nicht vom reich triben/ließ in nachstellen/ vnd begreiff der xxij. die er all zu Ofen auff sant Jorgen platz enthaupten ließ/daraus vil vntad vnd widerwillen dem kōnig darnach erstund.

Wie kōnig Sigmond mit seinē heer von den Türcken esgeschlagen: vñ darnach von den Ungern gefangen ward. Cap. 110.



Es nun die Türcken zu der zeyt kōnig Ludwigs in Thraciam vber mer geschiffet/vnd gantz Macedoniā/Thessaliā/Boeti am vnd ander landtschafften daselbst eingenomen vñ vnter iren gewalt gebracht hettē/vnterstunden sie sich auch Nisiā oder Bulgariā anzugreifen. Das mocht kōnig Ludwig nit leiden/schicket deshalb ein portschafft zum Türcken/ vnd lies im sagen/das er die Nisos



Misos oder Bulgaros / so im zugehörten / vnangegriffen ließ. Aber der  
 Türckisch kaiser hielt die potten on antwort ein lange zeit auff / biß er sich  
 aller sachen gerüst west / vñ ganz Bulgariā erobert vñ bezwungē het /  
 als dan erfordert er die Vngerischen potten / vñ fertiget die mit spotwor-  
 ten ab. Die sache bewegt kōig Sigmonden fast / darumb er im M. ccc.  
 lxxvi. jar ein groß heer von seinē kōigreich vñ andern landen samelt  
 darunter vil fūrsten vnd herrn / vnd sonderlich der hertzog von Bur-  
 gund was / Mit solcher grossen macht zoch kōig Sigmond vber die  
 Donaw durch das land Rascie / vnd kam in Bulgariā / vnd gewan etli-  
 che besetzūg der Türcken / vñ legt sich zu felt für Nicopolis vmb sant Mi-  
 chels tag / welches wol besetzt was / daraus auch die Türcken grossen  
 schaden mit teglichem auslauffen theten. Vnd mitler zeyt sich der Tür-  
 ckisch kaiser Bazantes (wiewol etlich schreiben / es sey Calpinus gewe-  
 sen) mit grosser macht rüstet / vnd sich mit kōig Sigmondē schlug / vñ  
 den streyt gewan. Allda vil trefflicher herrn tod geschlagen vnd gefan-  
 gen wurde / vnter den der hertzog von Burgund auch gefangē vñ dem  
 Türckischē kaiser bracht ward. Die vrsach vñ verlust des streyts war /  
 das on ein rechte ordnūg getroffen ward / dan die Vngern den Teutsche  
 den vorzug vnd die ehr nit lassen / vñ kein rechte ordnung haltē noch vol-  
 gen wolten. Der künig kam dauon / den er im ein schiff bestelt het / darin  
 er vber die Donaw vñ darnach in Dalmaciā kam. Aus diser niederlag  
 ward kōig Sigmond von meniglich gehast / dann gar vil trefflicher  
 leut / Vngern / Teutschen vnd Franzosen erschlagen vnd gefangē wur-  
 den. Vnd wiewol der kōig sich durch sein parthey ser bey den Vnger-  
 schē herrn mit vil vrsachē entschuldiget / so wolt doch solchs nichts helf-  
 fen / dan vil der Vngerischen herrn beschlussen / den kōig zu entsetzē vñ  
 im die regirung zu nemen / oder gar zuuertreiben. Schickte deshalb ein  
 potschafft zu kōig Ladislao in Apuliā / des vater newlich das Vnger-  
 land geregirt hat / vnd von Vngern vnschuldiglich erschlagen ward / li-  
 essen den bitten / das er gen Vngern komen / vñ ir kōig sein wolt. Aber  
 kōig Ladislaus was ingedenck der vntrew / so sie seinē vater gethon he-  
 tten / wolt die regirung nit annehmen / vnd schlug ir begern ganz ab. Die  
 potten aber ließen nit nach / sonder brachten den kōig darzu / das er in  
 gewalt vnd brieflich vnkundt gab / das sie all sachen von seinet wegen  
 vnd in seinem namen handeln vnd thun möchten. Kōig Sigmonden  
 ward solchs der Vngern fürnemen nit verhalten / er lies sichs aber nicht  
 mercken / dorfft auch solchs von wegen des grossen verlusts vnd nider-  
 lags aus verwarlosung des streyts zu Nicopolis / auch das er die xxij.  
 meiner hett enthaupten lassen / nit straffen. Deshalben teglich wider in  
 m iij practi

## Das vierdt buch

practicirt vnd seiner entsetzung halbe von den Ungern geratschlagt war  
de/welche sein verhandlung von den grossen herrn/so im widerwertig  
warn/dem gemeinen man für vnd für eingebildet ward. Als sich aber  
darnach zutrug im M. cccc. j. jar/ an sant Vitalis tag/ besamelten sich  
des k̄nig widerwertigen alle/ vnd giengen hinein gen hoff/ erforderten  
den k̄nig/ vnd hielten im am ersten für alle sein mißhandlung vnd ver-  
warlosung der schlacht/ schalten vnd handleten in vbel/ vnd siengē in.  
Do er allein von den die im heimlich gunst trugen/erredt ward/ sonst  
were er zu stücken zerhaut worden. Da selbst er zweien jungen Ungeri-  
schen herrn/die des alten Großgrauen/so bey der k̄nigin Horbathy er-  
schlagen ward/sin warn/befolhen vnd vberantwort/das sie den in irē  
schloß Sotlos fenglich halten vnd wol verwaren solten. Darauf die  
Ungerische herrn erst ir handlung mit k̄nig Laßlaw öffentlich erschei-  
nen/ vnd die pottschafft von k̄nig Laßlaw aus Apulia allenthalben of-  
fentlich durch das ganz land siren ließen/ verkündeten auch das k̄nig  
Laßlaw komen vnd das reich einnehmen solt/dañ k̄nig Sigmond ge-  
fangē/ vñ all sachen nach dē besten bestellt/ vnd wie auch der erledigung  
k̄nig Sigmonds kein hoffnung wer. Do lies sich der k̄nig aus ehrege-  
tigkeyt des reichs vberreden/wiewol er vormals das abgeschlagē/ vñ  
wie es seinem vatter gangen was bedacht hert/ aber die ehregeyngkeyt  
drang für/ also das sich der k̄nig rüstet vñ gen Ungern zu zihen bewil-  
liget/des werden die Ungern fro.

### Wie k̄nig Sigmond wider erlediget ward. Cap. iij.

**N**un was die alt Großgrewin/der Sün k̄nig Sigmond ge-  
fangen hielten/gar ein vernunfftige vñ weise frau/het auch  
groß mitleyden mit k̄nig Sigmonde. Darumb sie ir Sün  
eins tags mit disen Worten anredet: Mein allerliebsten Sün  
hat euch diser k̄nig mer leids oder vnrechts/als andern Landts herrn  
gethon/das ir in also in gefengtnus halten vnd verhalten müst/ vnd die  
andern diß gesteyt seyn? Nun hab ich oft von ewrm vater seligen gehō-  
ret/wo ein k̄nig rechtlich krönt vnd auffgenommen werd/ vnd ober ein  
viech were/so sol man in dennoch nit verlassen. Ich wolt/ was ander  
in der sach handeln vnd scheuen/das ir sein auch müßig giengt. Dann  
wo ir den werd umbringen/als sich sein widersacher des genzlich bey  
euch verfehē/so wirdet solichs euch vñ allen ewrn nachkomē ein ewige  
mackel vnd auffhebung sein/ Vnd wiewol sich ettlich grosser ding bey  
dem newen k̄nig verhoffen/so werd ir doch bey dem selben alweg ge-  
hafft



hasset als die tödter des königs. Dañ was mainet ir/das es für ein sünd sey/zu erwurgen den könig/vnd sein blüt zuvergiesen. Was wurde vnd eñ vermaint ir im Reich damit zu erlangē/ob was namen werd ir euch vnd ewrem geschlecht vnd nachkommen damit schöpfen/wo ir ewer hand beslect in dem blüt des gesalbten/vnd nemlichen des/den ir so vil jar für einen könig gehabt. Nun handelt vnd practicirt man/vñ wil yetz einen newen könig einsetzē/welcher mit vnser sprach noch sittē kan/auch das reych nie gesehen hat/Darumb aller liebsten Sün/laß ab von ewrem fürnemen/ob ir euch zu seinem tod verpundten habt/vnd nicht beslect ewern so hohen stammē/Ir wißt was tods ewer vater von dises königs wegen gestorbe ist/So ist auch vnuerhalten/das der new kōnig/des kōnigs/so durch ewren vatter erschlagen ward/Sün ist/welcher so er nun gewaltiger kōnig wirdet/mainet ir/das er der rach gegen den/die an seines vaters tod schuld haben/vergessen werd? Vnter dem selben ewer vatter mit der wenigst gewesen ist. Werdet ir aber meinem rath volgen/damit der gefangen kōnig wider in das Regiment kome/so wird euch eñ vnd gut zustehn/vnd bey dem/durch des willen ewer vater gestorben ist/in gnedigem ansehen vnd hohem verdienst sein. Die Sün hortē der mäter mit vleiß zu/stundē lang in zweifel/was sie thun solten. Zu letz siel ihn ein aus der mueter red ein grosse sorg/darumb sie der muter ein theil nach hengten. Darauff das trefflich from weib zu kōnig Sigmonden gieng/vnd sagt zu im vnerschrocken/Wiß kōnig/dz dein widerfacher yetz in vbung sein/einen andern kōnig in das Reich zu setzen/vnd dich zu tödtē. Nun haben mich bewegt deine zehē/vñ trag mitleyden mit deiner betrübtus/deshalben ich einigs weib arbeit allein vmb dein erledigung. Aber so ich daran gedenck/so erschreckt mich eins/vñ zeucht mich zu ruck/dañ ich fürcht/wo ich dich erledig/das ich mein Sün verlor. Wo du mich aber vergewissest/das du meiner wolthaten/wen du wider in dein Regiment kompst/wöllest ingedenck sein/mich vnd mein Sün nicht verlassen/so wil ich mit allem ernst deiner erledigung nachkumen. Der künig siel ir zufussen/vñ vmbfieng sie mit außgestrecten armen/sprechend: O mein fraw vnd muter/hulff vnd rath/dañ lebe ich/vnd kome wider zum reich/wo ich alsdan dein vnd deiner Sün vergiß/so wöll Gott/das ich in grösser noth kome vnd sal/dann ich yezund bin/Dañ nymwar/ich nime dich mir heut auff zu einer muter/vnd dein Sün zu brüdern/vnd wil dir solichs getrewlichen schwören. Darauff die fraw ir Sün dahin bracht/das sie der muter folgten/den künig außliessen/vnd von der geseleicheyt erledigten/schickten vnd beleideten in heimlich an die grenzen der Marggraffschafft Merhern.

König

## Das vierde Buch

König Sigmond kompt wider in das reich / vnd  
regirt wie vor. Cap. 112.



Als die handlung nun außbrochen vnd allenthalben erschollen / das könig Sigmond austruck / vnd in seinem fürstenthumb Netheren were / erschrocken des seine widersacher etlich Vngerisch vntrew herrn ser fast / herwiderumb so wurden die / so es mit im gehalten hetten / vber die maß erschredt / vnd zugen dem könig zu. Also pracht könig Sigmond ein groß volck zu samen / mit dem zoch er gen Ofen / vnd name alle ding wider ein / vñ regirt wie vor. Lies sich auch gegen den / so an seiner gefencknus schuld hetten / keiner rach oder vngenad mercken. Vñ als könig Lasla aus Apulia an die greniz des reichs Dalmacien kam / vñ bericht ward / wie könig Sigmond ledig vnd wider im Regiment wer / do kert er eylends wider vñ / vnd zoch heim / vnd was vbel zu frid mit den Vngern.

Wie König Sigmond den Wenda in der Windischen  
marck vmb sein begangen vntrew straffet / vnd wie er  
auch das Römisch reich zu regirn erwelt ward. Ca. 113.



Da nun könig Sigmond einen gemainen landtag hielt / came Steffan Lantz Weyuoda aus Windischen landen / mit einẽ grossen hauffen / des er sich auff das höchst tröstet / nach dem er der meyst vsacher / dz der könig gefangen ward / gewesen was / des halben er in der besamlung von den getrewen des Königs an genomen / vñ in ir aller mitte enthaupt / vñ sein cörper / damit seines todts halben kein aufftur entzünd / vber ein fenster abgeworffen ward. Also roch sich der könig ainzing / vnd hielt alweg die getrewen bey sich.

Als nun bemelter könig Sigmond das Vngerland xxiij. jar hett geregirt / ward er erwelt zum Römischen Reich. Vnd nach dem er sich also starck an land vnd leuten befandt / ruckt er für das Schloß Galambor / so an der Dunaw ligt / vnd die Türcken inhetzte. Er ward aber da selbst aucht in die fluch geschlage / vnd verlor vil guter leut / vñ die Türcken behielten das feld.

Wie Kaiser Sigmond wider die lere Johannis Hufz  
gestritten / vñ wie Johanes Hufz vnd magister Hieronymus zu Costniz verprandt sind worden.

Cap. 114.



**I**n des bemelten Kaiser Sigmonds zeyten entstand ein grofser irrsal des Chriftlichen glaubens halben in Behem/ welches vrsach was Johannes Wigtless aus Engenland/ vnd Johannes huss aus Behem/ Den zoch kaiser Sigmond mit allein als ein könig von hungern/ sonder auch als ein Römischer kaiser solchen irrsal aus zu reuten vnd zu themmen/ mit einem grossen heer ent gegen/ aber er ward von dem Siska/ der selbigen Sect obister haupt man/ in die flucht geschlagen/ vnd verlor vil guter leut. Vñ als nun kaiser Sigmond den vnglauben mit dem schwerc nicht aufreutten kont/ zoch er zum Pabst/ vnd handelt souil/ das ein gemeins Conciliū in Teutischem land außgeschriben/ vnd gen Costniz an dem Poden see gelegt/ Da hin ward Johannes huss vnd magister hieronymus Citirt/ die da selbst peid angenommen vnd verbrant wurden. Aber der irthumb hort darumb nit auff/ vñ werd noch auff dise vnser zeyt. Kaiser Sigmond fñrt vil krieg/ aber er was vnfighafft/ vnd lid oft grossen schaden.

Wie die Hungern von dem Hertzogen aus Bessen  
geschlagen wurden. Cap. 115.



**I**n der zeyt nun der kaiser mit dem Concili zu Costniz beladen was/ do fiel vmb ein mechtiger hertzog in Bessen/ genant hertzog Spalethi herwoya/ der name zu hilff die Türcken vnd thet grossen schade in Bessen. Darauff die Vngerische hauptleut aus beutelh des kaisers ein grofß heer besamelten/ vnd zugen  
n auff

## Das vierdt buch

auff den hertzogen/der in auch mit den seinen begegnet. Vnd als der streyt geschach/slohē die Vngern von iren hauptleutē. Vñ zwen dselbē haupt leut wurde gefangen/vnd vmb groß gut geschert/vnd der dritt genant Paulus Chupor/den lies der hertzog/dañ er demselben sonderlich feindt was/in ein ochsen haut verneen/vnd darin sterben/Aus vrsachen/dieweil der hertzog ein knab vnd bey kaiser Sigmondē am hoff was/hieß in diser Paulus allweg ein Windischen groben ochsen. Es wurden auch vil ander erschlagen vnd gefangen/vnd erobert der hertzog den merern theil des ganzen reichs Bosen. Dis ist geschē im M. cccc. xv. jar nach Christi geburt. Darnach ward aber in die Walachey mit einem heer wider den Weyda daselbst gezogen/die auch vberwunden/vnd vil zu tod geschlagen wurden. Dan der selbig Weyda het sich mit Türcken vnd andern volck gesterckt/mit den er siget.

Kaiser Sigmond empfecht die kron des reichs Behem/  
vnd wie Kriechisch Weissenburg zu der kron Vn-  
gern kommen ist. Cap. 116.

**I**n M. cccc. xx. jar/do ward keyser Sigmond gekrōnet zu Prag mit der Behemischen kron. Dann vor der zeit/dieweil sein vnder lebt/regirt er allein vnter dem tittel als gubernator. Darnach im fünffte jar vbergab der durchleuchtig Fürste Georgius Despotus in Rascia/kaiser Sigmondē die Statt vnd dē Schloß Kriechisch weissenburg/so vormaln gehaißen ward Tauru-rū/es heissens auch ettlich alt/Alba Bulgarica. Dagegē im 8. Kaiser vil Schlösser vñ fleckē in Vngern/auch ein kostlich hauß zu Ofen eingab.

Von dreien auffrueren so sich bey König Sigmonds  
zeiten in Vngern zutragen. Cap. 117.

**D**ieweil keyser Sigmond aus dem land zu Vngern gezogen/mit der keyserlichen krōnung vnd des Rōmischen reichs sachen vnd trefflichen geschessien beladen was/besamelt sich einer genant Blaskon/mit vil streitbar menner/vñ greiff dē ober reich in Vngern an/vnd zwang die statt Thyrna/vnd thet allenthalben im landt/mit rauben/mörden vnd prennen grossen schaden. Zu letst theidingten des kōnigs Statthalter vnd Regenten mit im/vñ machten ein frid. Im M. cccc. xxi. jar Christi. In den selbigen zeiten erhuben sich auch zwo auffruer vnter der pawerschafft/die sich mit gewalt



walt den Adel vnd ir herrschaffen zuuertreiben vnterstunden/ aber sie wurden an allen orten angegriffen/ vnd vberwunden/ vnnnd nach irem verdienem gestrafft.

Wie vnd wo Kaiser Sigmond gestorben vnd begraben sey worden. Cap. 118.



Es nun keyser Sigmond all sachen in Welisch vnd Teutsche landen zum pesten gekert/ auch die kaiserlich kron von Pabst Eugenio empfangen/ vnd das Conciliū zu Costniz besucht/ vnd vil damit gehandelt hett/ zoch er durch Italiam wider anheim/ vnd ließ sich nider zu Priesburg/ hielt da hoff/ verhöret die sachen des Vngerischen reichs/ welche in seinem abwesen in grosse vnrue vnd zwitracht kommen warn/ die pessert vnd stillt er auffs meyst so er mocht. Vnd dieweil nun das Königreich zu Behem mit dem Hussischen glauben vnd in ander weg grösslich bekümmert was/ deshalben er sich durch Nethern in Behem erhub/ die zwitracht verhöret/ vnd all sache so zu frid vnd einigkeyt diene/ mit dem höchsten fleiß handelt/ vil sorg vnd grosse arbeyt hett. In den selben sachen schlug ihn der schlag/ dar durch er sich schwachheit halben aller handlung entschlahen must. Vnd als er empfandt das sich sein sache zum gesündt nit schickte/ noch die franckheyt nach lossen wolt/ darumb im der tod nahet/ fordert er zu sich die Vngerischen herrn/ vnd sagt zu in also: Ir lieben Sün/ ich merck das meines lebens noch gar ein kurtze zeyt ist/ das mich Gott von diser welt erfordern wirdt. So ich nun hie stirb/ förcht ich dz die Behem/ so mich vnd euch alweg gehast haben/ euch nicht vberfallen/ vnd gewalt thun wurden/ dieweil ich aber euch bißher geliebt/ auch ir erkennet/ das ich euch lieb hab/ auch ewer in meiner franckheit sorg hab/ vnnnd damit ir euch on nachteyl haim pringen mügt/ ist mein rath vnd beuelch/ das ir euch darnach richtet/ Dñ kempt mit morgen har vñ bart/ setz mich in meinen fessel/ vnd laß mich also durch die Statt aus füren/ damit mich meniglich sehen müg. Der rath gefiel den Vngern wol/ vnd bereiteten alle ding wie in der kaiser beuolhen hatt. Als nun der alt Kaiser also gezieret mit einem schönen kranz auff seinem haupt durch die Statt gefüret/ do ward ein zulauff von meniglich/ vnd vil/ die seinen wegzug/ als wurden sie in nicht mer sehen/ bewainten vnd klagten. Aber er kam nit lebendig gen Vngern/ dan er starb vnder wege zu Znoym in Nethern an vnser lieben frawen tag Conceptionis/ im M. cccc. xxxvij. jar Christi. Seines alters im lxx. jar. Dñ ward gen Wardein in Vngern begraben.

## Das vierdt Buch

Wie Herzog Albrecht von Osterreich / König in Hungern vñ auch Römischer König erwelet ward. Cap. 119.



**K**aiser Sigmond verließ ein ainige tochter Elisabeth genant / welche von seine andern gemahel / frawen Barbara / Graff hermans von Zyli tochter geboren was / dieselbig sein tochter hett er vermehelt herzog Albrechten von Osterreich / in der gestalt / das der bemelt herzog Albrecht mit seiner haufffrawen sein nachkom im reich zu Hungern vñd Behem sein solt. Welcher auch von den Vngern mit grosser gutwilligkeyt angenommen / vñd bald nach der begrebnuß keyser Sigmonds / mitsamt seiner haufffrawen / als einer gebomen künigin / zu Stülweissenburg krönt ward / vñd im selben jar er auch zu Römische König erwelt ward. Anno dñi M. cccc. xxxviij.

Von vnwillen der Vngern wider die Teutschen / vñ wie König Albrecht die Hussischen betrieget. Cap. 120.

**I**n dem bemelten xxxviij. jar was ein grosser Landtag zu Ofen / vñ fast aller Adel daselbst / da vnterstunden sich die Vngern alle Teutschen zu erwürgen / stießen den kauffleuten die gewelb vñd leden auff / desgleichen die heuser / namen was sie funden / vñd schlugen vil Teutschen vñd Kauffleut zu tod. Als nun König Albrecht zu Hungern krönt vñd gewaltiger König was / deshalb in die Behem auch zu einem König bestereten. Es was dasselbig künigreich



reich alles mit dem hussischen irthumb vergiffet/deshalben der k nig ein gro  heer besamelt/vnnd zoch auff die Behem/die hettten sich zum Thabor in die feste statt/mit vil werchafften mennern irer Sect anhengig beworben. Also schlug sich k nig Albrecht mit den hussischen vor der Statt/vnd geschach auff beiden teylen vil Schadens. Als er nun iij. monat dauor lag/vnd die weder mit hunger noch in ander weg eroberren kont/zoch der k nig wider ab/aus welchem abzug die hussischen vil verherter wurden.

Wie k nig Albrecht dem T rcken begegnet/vnd wo er sein leb  volendet/v  begraben ist word . Ca. 121.

**I**n andern jar k nig Albrechts kamen k ntschaffter/die zeigten an/wie der T rckisch k iser mit grosser macht auff Vngern z g/darauff sich der k nig auff das sterckist bewarb/von Teutschen/Vngern/Behem/vnd andern Nationen/v  zoch dem T rcken entgegen. Als aber der T rck Zendro gewonnen/v  den Despotum ausgejagt vnd vertrib  hett/rucket er wider hinder sich vnd greiff die Kriechen an/vnd gewann mit gewalt die weitber mbt vnd trefflich statt daselbst genant Thessalomca/die er zerst t/vnd lies erschlagen jungs vnd alts. Er gewann auch Epirum vnd Etholicam die peid zwo namhafftig prouinzen warn. K nig Albrecht lag mit den seinen an den grenzen des Vngerlands/zu weren den einzug der T rcken. Nun hettten die Vngern ab dem langen leger ein gro  verdriessen/v  schrien nach irer alten gewonheit/L nd Wolff/v  prachen auff/v  zoch einer oben der ander vnten aus dem leger/wider des k nigs willen v  verpot. Also mu t der k nig auch abzihen/vnd am zug herauff auff Ofen zu/stie  in ein krankheyt an/deshalben er des frischen luffts begeret/vnd lie  sich auff Osterreich f ren/d   er verhofft/ als bald er den selbigen guten lufft erraicht/dz er genesen wolt. Als er aber an sant Simons vnd Judas tag in ein doiff kam/genant Nesmel/oder nach deutscher sprach/zum Langen doiff ward sich sein krankheit v  f ren/gro lich meren/vnd starb daselbst am bl tflu /vnd ward gef rt gen St l wey enburg/vnd da selbst begraben/im M. cccc. xxir. jar. Vnd verlie  sein gemahel k nigin Elisabeth/ein tochter k iser Sigmonds gro  schwanger hinder sein.

Wie der k nig Vladislaus in Vngern kame/v  wie die K nigin das jung kind/iren sun/fr nen lie . Ca. 122.

n. iij. Als

## Das vierdt buch



Es nun der trefflich from kōnig Albrecht/kōnig zu Hungern vnd Behem/vnd Erzhertzog zu Osterreich/mit tod abgangen was/vnd die künigin groß schwanger/wie vor angezeigt ist/vnd die Vngern mit dem höchsten vleiß zu erwarten der künffigen gepurt erpeten/vnd der kōnig in seinem testament solichs verordnet hett. Nach dem aber vil Herrn des Vngerlands zu samten kommen/ob der regirung der künigin ein scheuhen hettē/ward mit ir gehandelt/dierweil sie noch jung vnd mit vber dreissig jar alt were/das sie wiß heyraten solt/vnd ward ir fürgeschlagen kōnig Vladislau von Poln. Die künigin erschrack der Vngern begern/nach dem sie ir geberung kurtzlich zu geschehen verhofft. Sie dorfft aber solichs den Vngern/auff das nicht etwas gefelichs mit ir gehandelt würd/mit abschlahē. Nach dem sie solichs nun beschloffen hetten/serzet sie in die sachen haim/zu irē gut beduncken/doch mit wainenden augen/bittend/das sie ires vatters kaisers Sigmonden gutthaten/vnd ir als dem rechtē erben/des Reichs getrewen thun/vnd kein beschwerung vor irer niderkunfft/daß die zeyt kurtz were/zu fügen oder rathen wolten. Das sagten ir die Vngerischen herrn zu. Aber nicht destweniger must sie ir bewilligung vnterschreibē/welche geschafft sie hertzog Vladislau in Poln mit einer trefflichen potschafft zu schickten. Aber die weil die potten zu Krakau warn/kam die künigin nider/vnd gebar einen Sun/den sie Ladislaum nanten/zu Comarn auff dem schloß den xxij. tag Februarij/Anno M. cccc. xl. Darauf die künigin auch die herrn so irer parthey warn/ein eylenden pottē gen Krakau schickten/die den newgebomen kōnig verkündeten/alle sachen widerrißten/vnd sie abforderten. Das wolten die Polaken/auch die gesanten/so nun von kōnig Casimiro/der die selbig zeit in Poln regirt abgefertiget warn/nicht annemen. Deshalben der kōnig seinen bruder Vladislau mit aller notturfft/rüstet/vnd schickt in in Vngern. Mittel 8 zeyt fñrt die künigin den jungen kōnig/der nicht vil vber iij. wochen alt was/gen Stülweissenburg/aldo das kind mit der heyligen kron/vom Erzbischoff von Gran/vom Bischoff von Westpñ/vñ von dem Bischoff von Rab krönt/vnd darnach mit der heyligen kron auff die Plintenburg gefñrt ward. Aldo die künigin mit den Landherrn daselbst so vil handelt/das sie ir die kron ließen/vñ mit derselben vnd dē kind zoch sie zu hertzog Fridreichē von Osterreich/8 des kinds nahender freunde vnd auch Rōmischer kōnig was/gab jm das kind als seinem vettern zu erzihen/vnd die kron zu behalten. Vnd sie zoch wider in Vngern/vñnd enthielt sich auff iren Schlössern/vnd bey den herrn so ir parthey waren. Aber die Vngern theten ir vil leyds vñ widerdriß/vñnd am aller maistē



maisten die/so kaiser Sigmond zu grossen herren gemacht hett/vnter welchen Johannes Hunyad am maisten die künigin verfolgt.

König Vladislaus wird von seiner parthey mit sant  
Steffans kron getrönet. Cap. 123.

**D**arnach ward ein Refusch oder Landstag gen Ofen aus geschuhen/vnd all Vngern bey verliering all ired guts erfordert/do der auch etlich kamen/so es mit der künigin vñ dem jungen kōnig hielten/vnter den was Ladislaus von Gara/so die Plintenburg inhett/der ward erfordert vnd dermassen mit im gehandelt/das er des schloß Plintenburg absteht/vnd das den Vngern vnd dem newen kōnig vberantworten must. Dergleiche musten die andern all dem newen kōnig auch schwern/deshalben sein Parthey gross vnd der künigin klein ward. Do nun die Vnger das Schloß Plintenburg oder Wisagrad inhatten/zugen sie von stund an dohin/vnd suchten die heylige kron/mit der sie kōnig Ladislaus krönen wolten. Da sie aber die nit funden/erschrocken sie hard/vnd wurden des vber die mass betrübt/vnd ward ye einer den andern beschuldigen. Zu lest sprach die faction des Polnischen kōnigs für/das sie den kōnig gen Stülweissenburg fürten/aldo der Bischoff von Gran genöt ward/dz er in mit sant Steffans kron krönen must. Nach der krönung besamelt kōnig Ladislaus ein heer/vnd vnterstund sich der künigin anheng oder parthey zu gehorsam zu bringen. Vnd ir do etlich erleget vñ erschlug/aber die namhaftigsten kamen darvon. Darnach legert sich der kōnig für Gran/da selbst der Bischoff reydingt/vñ begert ein anstandt auff ein zeyt/den im der kōnig zu ließ. Die künigin hett zu Camergrauen herrn Jakra von Brandis/der die vntrewen Vngern/so von der künigin abgefallen waren/auff das hefftigest bekriegt vnd verfolgt/hett des auch guten fug/die weil er sach/das Vngern zerteylt vnd zwispaltig was.

Wie der Türck vor Kriechischen Weissenburg abgetrieben ist worden. Cap. 124.

**I**n disen jarn legert sich der Türckisch Kaiser mit grosser macht für Kriechischweissenburg/vñ arbeitet do tag vñ nacht mit allerley streyetzeng. Do im aber durch die hauptleut zu Weissenburg manlich widerstanden/vnd auff einen tag in einem graben oder stollserdt/so er heimlich hinzu geführt hett/wol xvij. tausent

## Das vierdt buch

tausent erwürgt/vnd seinen listen kreffftiglich widerstanden ward/so bey er wol mercken kont/das er weder Statt noch Schloß gewinnen kont/zoch nach sibem Monaten/die er dafür gelegen was/wider ab. Dierweil nun das Vngerland in im selbst geteylt was/dañ ein teyl hing könig Vladislao an/der ander der künigin. In welcher zeit 8 Türck vil einzug durch sein Wascha oder hauptleut thet/vnd das vnter reich fast verheret vnd verprennet. Vnd wiewol Johannes Hunyad Weyda in Sibenburgen sich fast weret/vnd den Türcken hinwider vil schadens vnd abbruchs zu füget/so was es doch gegen des Türckischen kaisers macht nichts/der in alweg vberhauffet. Der Pabst schicket ein Cardinal gen Vngern/könig Lasla mit der künigin/auch die Landsherren zuuertragen/darzu ped teil mit vnwillig warn. Aber eh die sach besch los sen ward/starb die künigin.

Johan Hunyad Weyda aus Sybenburgen/schlug  
sich sechs mal mit dem Türcken/vnd oberwandte  
alweg. Cap. 125.



**N**ach dem absterben der künigin Elisabeth/ siellen vil herren vnd landleut/so iter parthey gewesen warn/zu könig Vladislao/deshalben er von tag zu tag sein parthey stercker ward. Nun zeygt der Weyda aus Sibenburgē den tegliche schadē mit mord/raub vnd prandt/so der Türck im vntern reich thet/dem kōnig an/daraus der kōnig bewegt ward/vnd besamelt all sein macht dē Türcken



Türcken zu widerstehn/ zoch vber die Dunaw/ legert sich mit solchen macht an die gemerck der Sirney oder Rascie. Theylet das heer/ vñ beualh Johan hunyad Weyda in Sibenbürgen/ das er mit dem ein teyl des heers durch die Sirney oder Rascie züch/ vnd die Türcken angriff. Mit dem andern heer wolt er sein warten/ ober gedungen oder genödt wurd/ in zu erretten. Mit welchem volck der Weyda vil Castell/ teber vnd besetzung/ auch etlich Stett dem Türcken abgewann/ Vnd was er ergreiff/ must alles sterben. Er verpiennet vnd verheret all flecken so die Türcken ingehabt hettē. Darumb der Wascha aus Natolia ein grofse macht aus beuelch des Türckischen Kaisers/ biß in die lxxx. tausent man besamelt/ vnd zoch dem Johan hunyad entgegen/ dem begegnet er vbring/ vñuersens der Türcken/ vnd er ermanet die seinen/ greiff die Türcken manlich an/ vnd schlug sie in die flucht/ ließ in nach eylen/ also der gar vil erschlagen wurden. Rucker dem sig nach/ vnd erobert vil so die Türcken ingehabt vnd nach dem streyt verlassen hetten. Vñnd als er bey den v. monaten außsen gewesen/ vil namhaffter thaten begangē/ vnd wol fünffmal mit den Türcken geschlagen/ vnd allweg ritterlich geßiget hett/ zoch er wider zum kōnig/ den sandt er in seinem leger/ mit freuden. Darauff der kōnig auffbrach/ zerlies das heer/ vñ erlaubt me niglich heim zu zihen/ vnd er zoch gen Ofen. Mit welchen schlachtē die Türcken ganz müd gemacht warn/ also das der Türckisch Kaiser zum kōnig von Vngern schicket/ vñnd ein anstandt begern ließ. Also ward ein frid gemacht auff zehen jar/ doch der gestalt das der Türck dem kōnig von Vngern das Schloß Zendro/ vñ all ander besetzung/ so er dem Despoto hett abgewunnen/ im widerumb zu seinen handen antworten solt. In disem allem Johan hunyad Weyda in Sibenbürgen/ so kōnig Matthias vatter gewesen ist/ das best gethon/ auch alles lob vnd preiß für meniglich hett.

Wie kōnig Vladislaus vnd der Cardinal Julianus vom Türcken erschlagen wurden. Cap. 126.

**A**ls nun der zehenjerig anstand zwischen dem Türckischē Kaiser vnd dem kōnig von Vngern/ mit dem aid von peiden teylen bestett/ auch die besetzungen/ laut des vertrags/ abgetreten warn/ hett das den Cardinal/ Julianus genant/ so von frids wegen in Vngern geschickt ward/ ser verdrossen/ zeiget an das solichs größlich wider Gott vnd das Chrißlich gesetz were/ daß Got het den sig dem Vngerland verlihen/ den solten sie prauchē. Man wer auch  
o in disem

## Das vierdt Buch

in disem fall den vnglaubigen kein aid oder gelübd zu haltē schuldig/ vñ bracht mit der gleichen worten vnd durch die predig/ so er den Vngern thet/ den kōnig darzu/ das er ein groſß heer besamelt/ vnd auff den Türcken zoch/ vnd in wider sein aid vnd zusagen angriffe/ gewann vil Stet vnd Schlösser/ Vnd kam mit seinem heer biß an das meer/ für die statt Varna/ das im nit vil widerstandt geschach. Zu letst bewegt sich der Türckisch Kaiser auch/ vnd pracht all sein macht zu samen/ vnd beklagt sich vor sein volck des vnglaubens vnd prechung des ayds/ so ihm der kōnig von Vngern gethon hett/ pat die/ im solchs helfen zu rechen/ vñ das sie manlich streyten wolten/ greyff die mit guter ordnung an/ vñnd wiewol sich die Vngern trefflich werten/ so half es doch nichts/ sonß gaben die flucht. In welchem streyt kōnig Vladislaus mit vil treffliche herten erschlagen ward. Dis ist geschehen vmb sant Mertens tag/ im jar Chusti M. cccc. xliij. Welche niederlag der ganzen Chustenheit ein vbergrosser schad/ auch verliesung des Orientischen Imperi oder Kaiserthumbs ein anfang. Des alles ein vsach der geystlich vater/ der Cardinal gewesen ist/ der doch auch in diser schlacht aus Götlichem vnteyl mit verliesung seins lebens / sein irrsal bezalet hat.

Johannes Venuoda wurd erwelet zu eim Gubernator in Vngern. Cap. 127.



Nach diser schlacht beruffte die Vngern ein Ketus oder Landstags/ in dem selben ward das kind kōnig Laslaw/ so in den henden kaiser Fridreichs/ vñnd im fünfften jar seines alters was/ bedacht/ welcher die weil/ eh er die manbarn jar erreicht/ eines Gubernators bedorfft/ der des Reichs sachen handlete. Also gefiel in allen Johannes hunyad Weyda in Sibenburgen/ zu Gubernator zu machen/ daß er diser zeyt der manlichst vnd streytparest in waffen vnd in rath im ganzen Vngerland was. Vnder richtet auch dar auff von stund an sein volck zu der gegenwer wider den Türcken/ auff das wo er weyter einbrechen wölt/ das er im begegnen könt. Nun verdroß die Vngern hart/ das Kaiser Fridreich das kind kōnig Laslaw mit sampt der heyligen kron inne hatt/ vnd lieffen das durch ir potschafft an dem kaiser erfordern. Aber der kaiser als ein weiser Fürst/ wolt der Vngerischen vntrew seinen vettern/ die weil sie vormals bey seinem leben einen frembden kōnig in das land gefürt/ vnd des jungen kōnigs ires rechten natürlichen herten vergessen hetten/ nit vertragen/ sonder schid die potten mit gelimpffigen vnd guten worten ab. Aus welcher vsach der Gubernator



Gubernator ein volck besamelt/ vnd Steyr/ Kernthen vñ Krain an zu greiffen im willen hett. Als aber die Steyrer/ Kerner vnd Krainer des bericht emfiengen/ warn sie gerüst vñnd auff/ legten sich an die greniz. Deshalben der Gubernator in kainen schaden thet/ daß was bey nacht oder heimlich geschach. Also zoch er wider ab/ vnd der jung kōig bleib bey dem keyser seinem vettern/ der in lieb hett/ auch in mit sonderm grossem vleiß erzoch/ vnd auff alle erberbeyt vnterweiset/ wie daß hernach an im gesehen ist worden. Nachmals vnter der regirung des Gubernators geschahen vil einziig von den Türcken in die Sirney oder Rascien/ Bosen/ vnd andern orten dem Vngerischen reich zugehörig/ Do ihn alweg der Gubernator ritterlich begegnet/ vnd vil ritterlich sig hett/ des gleichen so gesigten herwiderumb zu zeiten die Türcken auch/ also das keinem teyl in disen zeiten der sig allein zugemessen ward.

Wie die Vngern kōig Laslaw von Keyser Fridreich begerten/ vnd im/ als irem eignen herrn gelobten. Cap. 128.

**I**n jar nach der geburt Christi M. cccc. liij. am montag nach sant Augustins tag/ besamelten sich die Vngern/ Behem vñ Osterreich/ mitsampt dem von Cyli/ vñ andern herrn/ hetten ob xl. tausent man zu roß vnd füß/ vñ zugen für die Newstat/ begerten an Keyser Fridreich kōig Laslaw als iren rechten natürlichen herrn. Do nun der kaiser die macht auch den ernst der landt sahe/ wolt er in kōig Laslaw mit lenger auffhalte/ sonder thet in den antworten. Vnd denselben abent ward er erstlich gen Peterßdorff geführt/ vnd am mitwochen vor natiuitatis Marie/ ist der kōig zu Wien einzogen/ vnd in die Burg geführt/ do er mit grossen freuden vñ ehin auff das höchst empfangen vnd eingeleit ist worden. Darnach als die Weyhnachten vergangen warn/ ist kōig Laslaw mit seinen herrn gen Preßburg zogen/ da selbst sind zu im komen all Vngerisch herrn/ Geystlich vnd Weltlich/ mitsampt den von Stetten/ vnd haben im geschwoorn/ vnd die pflicht als irem natürlichen rechten erbherrn gethon.

Zu welcher zeit Constantinopel gewonnen ist wordē/ vnd wie kōig Laslaw die kron in Behem empfangen hat. Cap. 129.

o ij Tausent

## Das vierdt buch



Ausent. cccc. liij. jar / am dinstag nach Corporis Christi / hat 8  
Türckisch kaiser Constantinopel durch hilff vnd verreterey  
eines genant Lucas von Genua / gewunnen. In disem jar an  
sant Simon vnd Judas tag / ist kōig Lasklau zu prag zu Be  
hemischen kōig krönt worden.

Wie Johan Hunyad dem Türcken mit den Creutzbrü  
dern / vñ auch mit seine volck begegnet. Cap. 130.



Arnach zoch kōig Lasklau mit grosser macht gen Ofen / ver  
höret mit vleiß des reichs sachen / handelt in allweg das / so  
zu auffnehmen / frid vnd einigkeyt des lands dienet. Darnach  
ward jm verkündt durch ware kundschaft / wie der Türck  
isch kaiser genant Machomet / sich rüstet / vnd für Kriechisch Weissen  
burg zihen vnd legern wolt / des menglich erschrack. Dann die gewin  
nung Constantinopel macht alle vmbliegende land ganz forchtig vñnd  
verzagt. Deshalben sich kōig Lasklau als ein junger herr / fürst vñ kō  
nig zu Ofen mitsampt seinen Rethen erhub / vñ zoch auff Wien / sich da  
selbst zu berathen / volck zu samen bringen / den Römischen kaiser seinen  
vettern / vnd ander Chriftlich kōig vnd fürsten vmb hilff wider die  
vnglaubigen anzulangen. In solchem vnd diereil man von der sachen  
handelt / legert sich der Türckisch kaiser mit einer grossen macht für Krie  
chisch Weissenburg / im M. cccc. lv. jar / belegt die zu rings vmb / vñ be  
schosß die mawrn an allen orten. Wiewol nun von den Türcken mit aller  
grausamkeyt wider die Christen vnd die belegerten gehandelt ward / so  
theten doch die Vngern wenig darzu / vnd stelten sich all sache zum wol  
ligen verderben. Des mocht Johannes hunyad Graff von Bistriz nit  
lenger zu sehen / besamelt all sein / auch seiner nachpaurn der Vngerische  
herrn macht / darzu so prediget bruder Johannes Capistran / der gar ein  
fromer man was / das Creutz allenthalben wider die Türcken / pracht  
der selben Creutzer ein grosse zal zusammen / aus Teutschen / Behemischen  
vnd Polnischen landen / mit den kam er zum Johan hunyad. Vnd wie  
wol dise anzal der Christen nit zu achten vñnd gegen des Türcken volck  
vil zu klein was / so wolt doch Graff hunyad nicht vnterlassen / sonder  
den Türcken angreifen. Vnd griff zum aller ersten des Türcken Schiff  
auff der Dunaw mit seinen schiffen an / erobert der vil / die andern ver  
priennet er / vnd macht jm also mit ritterlicher handt den weg auff dem  
wasser zu der Statt Weissenburg / nam mit den Creutzern vnd seinem  
volck die Stat vnd das Schloß mit gewalt vnd sighthafter handt ein /  
vnd



vnd thet dem Türckischen kaiser fast grossen widerstand/Darzu er die Christlichen ritter mit trefflichen Worten manlich tröstet/vnnd saget zu ihnen: Was seyt ir erschrocken? kennet ir die Türcken nicht? oder ist diß dz erst mal/das ir sie sehen/die weil ir doch die so vil mal gesagt/vnd euch den rücken zu keren ritterlich genötht habt. Darumb lieben Sün/lasst vns ein vertrauen haben in den herren Jesum Christu/vmb des willen wir vnser blut vergiessen/vñ der sein blut vmb vnser wegen auch vergossen hatt/vnd laßt vns manlich mit demselbē Jesu streyten/vnd auch vmb seinet willen sterben/die weil er von vnser wegen gestorben ist. Seyt starcks gemüts/der veyndt ist verzagt/mit der hilff Gottis mag er lidenlich erlegt werden/dañ er ist wol gewont seiner flucht/vnd scheuet sich nit wider flüchtig in sein land zu zihen. Was bedarff ich euch vil dauon sagen? Diu weil ir das selbst oft gesehen/vnnd vnter meiner hauptmanschafft erfarn habt. Mit den vnnd dergleichen Worten er sie ganz willig/vnd den feindt anzugreifen keck vnd freydig machet. Nun was dauor: Amurates der kaiser/dises Türckischen kaisers vatter/ acht monat vor dem Schloß gelegen/vnd hett das nicht erobern können/sonder vnsglücklich aller ding wider abziehen muß. Darumb Nachumet disen kaiser seinen vattern vor allen seinen Fürsten vnd herren vbel schalt/als ein vnkündigen kriegsman/vnd sagt: Er wölt das in xv. tagen gewinnen. Vnd wiewol im solches von etlichen seinen Wascha os hauptleuten widersprochen/vnd die Christen mit irer weer vnd bestendigkeit höher/als die Kriechen vnd Asianer behümet. So verachtet doch der kaiser solches alles/vnnd ließ an allen orten zu rings vmb/alle thürn vnd die mauern abschiesen/vnd hinzu graben vnd schantzē/der massen das die Christlichen ritter zu Kriechisch Weissenburg weder tag noch nacht kein ruhe noch feyer haben konten/vnd darauff den sturm mit ernst vnd an allen orten anhuben ( daß gar leicht vber die zerfallenen mauern zu kommen was) Aber die Christlichen ritter werten sich manlich/vnd setzten all ir hoffnung in Gott. So was bruder Johannes Capistran mit dem Crucifix gegenwertig/den streytenden inprunstiglich zu rüffet. So feyret auch Graff Hunyad Jenuisch nicht/der allenthalben mit seinem eigen leib grosse wer thet/die mühten vnd verwundten mit den geruhten abwechselte/vnd die selbige mit grossem ernst ermanet. Nun drangen die Türcken mit grosser menig vber die zerfallenen mauern in das Schloß/zündetē auch etlich polwerck von holz an. Als nun die Christlichen ritter erfarn/das es entweder geweret oder gestorben muß sein/setzten sie mit aller macht an die Türcken/rüfften vmb hilff zu Gott/mit ernst/die in auch sichtiglich kam/Also das sie die Türcke mit

## Das vierdt buch

grosser manheyt vnd allem ernst anlieffen/ vnd mit gewalt aus dem Schloß schlugen/ fast vil darin erwuertgen/ dunge in auch nach vber die zerprohen mawren/ dergestalt/ das die Türcken mit einander all sich vom sturmb wenden/ vnd irem leger zu fliehen wurde/ verliessen all püzen/ möiser/ vnd andern streytzeug/ den die Chriſten namen/ den zum teyl zer schlugen vnd verpienten. Der Türckisch kaiser ward selb geschossen/ vnd von den seinen zwischen den armen vnuerſinnen in das leger getragen. Es ward auch sein obuster Waſcha aus Natolien erschlagen/ vnd mit im vil trefflicher Türcken. Do es aber nacht was/ vnd die Türcken sahen/ das sie souil trefflicher leut/ auch ein grossen teyl ires volcks verloren hetten/ vnd der kaiser halb tod in seiner hütten vnwiſſend lag/ besorgten sie/ wo sie des tags erwardeten/ das sie von den Chriſten vberfallen/ vnd all erschlagen wurden. Darumb sie bey der nacht auffbrachen/ vnd mit dem heer in grosser eyl hinweg zugen/ vnd iren kaiser fast krank also mitfürten/ biß sie zu dem Schloß Sarno kamen. Daselbst sie sich legerten/ vnd den kaiser mit grossen vleiß zum teyl wider ertückten/ das er wider zu im selbs kam. Vnd als er nun sein wider empfand/ vnd sich selbs ein wenig verwißt/ fraget er sein leut/ wo er wer. Vñ als im die seinen den platz nanten/ vñ sagten im was gestalt sie in dahin bracht hetten/ wie auch sein obuster Waſcha aus Natolia/ mitſampt vil andern trefflichen hauptleuten/ erschlagen/ das geschütz vñnd aller streytzeug genommen. Sagt der kaiser aus grossen schmerzē/ bringt mir giff/ das ich eylendts sterb/ ee das ich mit solchen schandē wider in mein reich kom. Darnach zugen die Türcken mit irem kaiser wider heym/ nicht mit solchem pomp/ als sie aus zogen warn/ sonder mit schanden/ verluſt/ vnd grossen schaden.

### Von dem absterben Johan Hunyad vnd auch Johannus Capistrani. Cap. 131.



Als nechst jar darnach starb der Hunyad Jenuſch Graff zu Biztricensis/ vnd er ward geführt gen Weissenburg in Sibenburgē zu seiner begrebnus. Ein trefflicher redlicher man. Bald darnach starb der selig bruder Capistran/ vñnd ward geführt gen Wylack/ vnd daselbst begraben/ da er mit vil wunderwercken geleucht hat.

### Wie Graff Ulrich von Zylli/ von Ladislao des Hunyads son/ ermördt ist worden. Cap. 132.





Nach diser schlacht zoch k nig Lasla wider gen Ungern/vnd mit im graff Vlrich von Zyli/vnd sonst vil f rsten/herrn/ritter vnd knecht/auch vil Creutzer/so sich gesamelt hetten. Vnd als er etlich tag zu Ofen still gelegen was/ruckt er weyter mit dem volck/vnd legeret sich in das stettli futhak. Darnach wolt der k nig bes h /wo der T rck gelegen wer/v n wie er Kriechischweissenburg zerschossen vnd gest rmbt hett/nam mit sich den vorgenanten graff Vlrichen von Zyli/auch graff Laslau von Bistritz des Jenuisch hunyads sun. Nun hatt sich vor lengest ein vnwillen zwischen etlichen Ungerischen herrn/vnnd sonderlich zwischen graff Ladislao des hunyads sun/vnd graff Vlrichen von Zyli begeb /da n sie konten vbel leiden/das graff Vlrich so gewaltig was. So warn auch zuuor graff Vlrich vnd der hunyad Jenuisch graff zu Bistritz nit wol mit einander zu friden gewesen. Deshalben die Ungerischen herrn den j ng  Laslau so ein frech hitzig man was/raizten/vnd riethen im/den von Zyli zu erschlahen. Vnd als graff Laslau am montag an sant Mertens tag in aller fr ie gen hoff rite/stundt er ab bey der herbrig des grauen von Zyli/vnd gieng hinein/als hett er etwas n tigs mit im zu reden. Als sie aber ein kleins mit einander redten/wurden sie der sachen vneins/vnd kamen zu scheltworten. Weil sich aber graff Laslau mit den seinen darauff gericht vnd verseh  hat/lieffen dieselb  sein diener zu/stieffen die th r auff/vnd schlugen den grauen von Zyli zu tod/vnd das haupt ab. Als nun diese handlung k nig Laslau verk ndt ward/erschrack er hart/dorfft sich aber keiner straff oder rach darumb zu thun mercken lassen/da n er besorget die Ungern/die das Schlo  vnd all besetzung daselbst inhatten.

Wie Ladislaus des Hunyads sun /wider bey d  k nig zu gnaden ist komen /v n wie im doch hernach sein haupt abgeschlagen ist worden. Auch wie k nig Laslau zu Prag ist gestorben. Cap. 177.



Darnach in k rtzer zeyt zoch der k nig mit den seinen von Kriechischweissenburg hinweg/v n ward von den Ungern gen Themeswar dasselbig Schlo  auch zu besetzen gef hrt/welches dieselbig zeyt fraw Elisabeth des hunyads verlassen wittfraw/vnd graff Laslau/so den von Zyli erschlagen hett/muter inn hat. Als der k nig nun dahin kam/gieng im die fraw mit dem einen sun graff Mathias/so hernach k nig worden ist/in klag kleydern entgegen/v n empfieng den k nig/pat auch vmb gnad vnd vergebung irs suns.  
graff

## Das vierdt buch

graff Lasklau. Nun warn vil Ungerischer herrn da/die all gut auff des grauen vnd der frawen parthey warn/durch der rath auch der k nig gen Temeswar kommen was/die huben all an/den k nig zu pitten/vn des Zyl handlung zu schelten. Der k nig/als ein junger herr/kont wol mercken/wo er ir pit abschlahen w rde/das er deshalb in geferkheit seines lebens stehn mu st/so doirft im auch kein Teutscher so vmb in warn/anders rathen/noch reden/dan das den Ungern gefellig was. Darauff graff Lasklau f r den k nig gelassen ward/der siel dem k nig zu f ssen/vnd begert gnad vmb sein mi shandlung. Darauff im der k nig verzige/schuff die klagkleider hinweg zu thun/vnnnd name sie peid/graff Laskla vnd graff Mathiam/mit allein als sein diener/sonder auch als sein br der zu ihm. Das auch dem k nig/wolt er anders ans dem Schlo  Themiswar mit lieb k men/zu thun das nechst vn best was. Darnach vber ein kurze zeyt/kam k nig Lasklau gen Ofen/vn was frolich. In solchem hielt im der Gro grauē/so einer von Gara was/auch dem Banfy/vnd andern Ungerischen herrn/den die handlung/so graff Lasklau zu Kriechischweissenburg mit dem todschlag des grauen von Zyl gethan het/gr  lichen mi siel/dem k nig mit der straff darinn zu handeln/f r vnd f r an/Sagten auch zum k nig: Du bist k nig/aber grauen Lasklau volgt das ganz Ungerland nach/Dann er ist stolz/vberm tig/vnd tr  st sich der meng seines anhangs vom Adel vnd d  p  el. Dan nach dem er ein solche b  e that deinn gesipten freundt doirft in deinem ansehen thun/wer wil daran zweyfelē/er werd sich vnterste hen/dir auch solches zu beweysen. Dan die begir der herrschung/vnd die verprachten vbel/scheucht kein gewolichkeit zuuolbringē/So wird dir auch/die weil der lebt/in Ungern zu regirn ganz schwer sein. Mit der vnd andern f rhaltungen der Ungerischen reth/bewegte sie den k nig/das er der rach von tag zu tag thet nach dencken/wie wol er sich des nit mercken lie . Vnd als ped br der/graff Lasklau vnd sein br der graff Matthias/an dem k niglichen hoff zu samē kamen/vnd der k nig fug vnd stat hett/do ward graff Lasklau erfordert/vom Gro grauen angeklagt/vnd am montag nach Oculi in obber rtem jar senglich angenommen/vnd mit sampt seinem br der Matthias/so noch ein knab was/in einem zymē in der Burg verward. Darnach am datten tag seiner gefeng nis/ward graff Lasklau gegen dem abent/dem Statrichter zu Ofen vberantwort/vnd den zu enthaupten bevolhen. das auch von stund an geschach. Vnd als im Ungerischē reych kurtzlich darnach ein gro   auffr r der sachen halb  erwuchs/ward sich der k nig f rchten/zoch mit den seinen herauff gen Wien/vnd f rt graff Matthias wol



wol verwaret mit jm. Vnd als er ein zeytlang zu Wien gefenglich gehalten/vnd der k nig gen Prag zu zihen sich erhebt hat/do ward graff Matthias auff das Schloß zu Gutenstain/nicht weyt von der Newstatt gef hrt/vnd daselbst gefenglich gehalten. Als nun der k nig zu Prag was/vnd vil freunden vnnnd ritterspil daselbst hielt /ward er am montag vor sant Clemens tag krank/vnd ist darnach am mitwochen gestorben/also das er in. xxxvj. stunden gesundt/krank vnd tod gewesen/Vnd am freytag darnach an sant Katharinen tag/ist er auff sant Wenzels berg in den Thumb mit einer kostlichen procession getragen/vnd daselbst zu kaiser Carl vnd k nig Wenzel gelegt worden. Im jar nach der geburt Christi. M. cccc. lvij.

## Das f nfte buech.

Von den thaten des k nigs Matthias.

Von der erwellung Graff Matthias zu Ungerischem k nig. Cap. 134.



O nun die meer allenthalben aussprachen/vnd der tod des k nigs Lasla offenbar v n verk ndet ward betr bt sich meniglich des/vnd er ward auff das h chst geklagt v n beweinet. Also kamen etlich Ungerisch herren zusammen/vnd handlet n souil/das ein Landtag ausgescriben/vnd meniglich zu erwehlen einen andern k nig erfordert wardt. Darauff ein gro  zureyten von allem Adel/auch von allen Bischouen v n Prelaten gef. bach die sich zu Pesth versammelten/ Vnter den auch Michael Zylag  was/vnd wifraw Elisabeth ein m ter graff Matthias welche mit einem grossen beystand gen Pesth kam. Nun warn etlich Ungerisch herren/als der Gro graff/vnd ander/so zu der enthauptung graff Laslau geraten vnd daran nicht kleine schuld hetten/die f rchten sich hart/darumb dieselben mit jrer parthey  rten die walh v n practicirten das mit nur graff Matthias ein br der graff Laslau nicht erwelt w rde/da  sie besorgten sich der straff vnd rach von wege seines br ders. Als nun herr Michel Zilag /vnd fraw Elisabeth solches vermerck n/practicirten sie hinwider mit h chstem vleis/durch sich selbs v n ander Ungerisch

## Das fünffte buch

gerisch Herrn/mit gedachtem Großgrauen vnd seiner parthey/das sie in der wahl kein jrung machen/sonder die stim Matthe geben vnd in zu kōnig eruelen helfen theten/so wolt sie in schwern/vñ auff das hōchst vergewisen/das kein straff noch rach gegen in/ noch allen den iren vmb vorgeante handlung willen geprauchet werden /sie auch von dē kōnig geehrt/begabt/vnd bey iren emptern bleyben solten. Auff solche verhaißung sie verwilligte. Vnd ward grass Matthias vñ meniglich zu einem Vngerischen kōnig erwelet/vnd freud sich meniglich des new eruelten kōnigs. Nach dem aber derselbig erwelt New kōnig nicht im landt/sonder in der gefengnis grass Laslan seligē was/ward sein vetter Michael Sylagū die weil biß auff sein erledigung vnd zukunfft/zu einem Stathalter des Reichs verordnet.

### Von der erledigung kōnig Matthe.

Cap.

135.

**A**ls kōnig Laslan hochlēblicher gedechtnis/ mit vil freunden ein zeyt lang vor seinem absterbē zu Prag was/ het er geschriben vñ beuolhen, das man den gefangen Matthe aus Osterreich gen Behem fūrn solt. Das auch geschach. Vnd dieweil der bemelt Matthe auff dē weg gen Prag was/starb kōnig Laslan/defhalbē er in die hend Georgen von Podēbrad so nachmals kōnig zu Behem erwelt/gebracht vnd geben ward. Als aber derselbig Georg vernam/das Grass Matthias zu Vngerischem kōnig erwelt/vnd auch yegund die Vngerischen pottschafft gegenwertig was/handelt er souil mit dem kōnig Matthe/vnd den Vngern/das bemelter kōnig Matthe sein tochter zu einē weib nemē/vñ das zuthun dem Geersiken schweren solt. Das kōnig Matthe bewilligt vñ darauf aufgelassen ward/vñ von den Behem gen Straßnize in Netheren gefūret/vnd den Vngern / so sein daselbst warteten/uberantwort. Darnach ward er gen Ofen gefūrt / vnd alda Er von allen Vngerischen herin mit grossen freunden empfangen/vñ im von meniglich gehorsam zu sein geschworn vnd gelobt ward.

### Von dē krönūg kōnig Matthe.ca. 136.

**N**ach im sechsten jar seines reichs/als durch vil mühe vnd arbeit die heylig Kron vñ kaiser Fridrichen wider erobert ward/gedacht kōnig Matthe im. M. cccc. lxiii. jar Christi



fti/ am heiligen Abblas tag/ mit groffer freud vnd frolockung des volcks ward er mit der heyligen kron von den geystlichen mit vil pomps gekrönet. Nach dem er den Türckischen kaiser kürzlich dauor vor dem Jeyza gejagt/ vnd allen seinen freytzeug zuuerlassen gezwungen het/ darnach zoch er auff die von Sibenbürgen/ so im vngheorsam vnd ganz wider spenning warn. Die vnterstunden sich sein zu wern/ vnd besetzten all eingeng/ vnd hetten vil volcks. Aber er erobert die paß mit gewalt/ vñ nötet sie mit ernst zu der gehorsam des Vngerischē reichs. Der gleichē thet er auch in der Moldaw/ daß der Weyda daselbst/ genāt Steffan/ der schlug sich mit dem kōnig/ aber der kōnig gewan den sig/ vñ pracht den selben Weyda auch zu der gehorsam. Darnach ward er bewegt aus ansuchung des Pabsts/ auch kaiser Fridreichen/ das er wider die hussen vnd Ketzern ein sibenjerigen krieg in Behem vnd Merhern füret/ vnd vnterwarff ihm in derselben zeyt/ Merhern/ Schlesien/ Lausnitzer landt. Vnd erlangt durch sein treffliche handlung/ das im das kōnigreich zu Behem/ durch kaiser Fridreichen zu leihen zu gesagt/ vñ der Titel geben ward/ welches Titel er sich biß in sein end gebrauchet.

Wie Kōnig Matthias die Polaken vbertwand/ vñ im in Poln grosser schaden zugefügt ward. Cap. 157.



Als nun der kōnig mit dem Behemischen kōnig sein sachē wol gestelt/ vnd glücklichen gehandelt hett/ zoch er wider in Vngern/ darin sandt er/ das sich ettlich Vngerisch herrn zu samē wider in verpundten/ vnd des kōnigs von Poln sun Casimir/ in das reich zu helfen fürgenomen/ in auch ausspracht/ den weg durch den Zyps gefürt/ vnd das Schloß Neytra eingeben hetten. Vnter denselbigē herrn was der Bischoff von Gran/ der maisten einer/ welchen doch der kōnig zu grossen eren erhebt/ vñ zu Bischoff gemacht hett. Als aber kōnig Matthias solches alles geoffenbart vñ grüntlich bericht ward/ gepot er im ganze reich auff. Do die/ so im getrew warn vnd an der meyterey ein mißfallen hetten/ vnuerzogenlich auff das sterckest kamen. Mit den beleget er den Polnischen kōnig zu Neytra/ darzu halffen im die Teutschen vñ Behemischen hauptleut mit irem volck/ so er im Behemischen krieg gebraucht hett. Erlegt vnd sieng der Polaken vil/ drang den Polnischen kōnig so hart/ das er sich mit den seinē bey der nacht dauon flüchtig zu zihen erhub. Vnd wiewol im nun kōnig Matthias gern nach gefolgt hett/ so dorfft er doch den Vngern nit allē trawen/ daß ir vil/ so aus forchten im heer warn/ der faction anhiengen.

## Das Fünfft buch

chts destminder zerriß vnd zerprach er der Polaken besetzung/ vnd jagt die aus dem landt. Schickt auch ein heer in Poln/ ließ darin verprenne verwüsten vnd erstöin was er erlangt/ vnd thet grossen schaden. Vnd zoch darnach wider haim/ in willen die jhenen/ so die Polaken auffspracht hetten/ zu straffen.

Wie König Matthias dem König aus Poln in der  
Schlesi begegnet. Cap. 138.

**D**Es nechsten jars darnach besamelt sich der kōnig von Poln mit Polaken/ Reussen/ Thattern/ Litawern/ vnnnd andern/ mit grosser macht/ mit welcher er jm fürname das Schlesi er land/ auch ober vnd nider Lausitz zu erobern/ vnd kōnig Matthiasen die ab zudringen/ leget sich mit dē selben heer bey einer meil wegs von Priesla. Kōnig Matthias/ der diß/ vñ anders/ so jm zu schaden vnd schmach geschach/ nicht wol dulden kont/ erfordert die seinen von Ungern/ Behem vnd Teutschen/ zoch in die Schlesi/ vnd leget sich neben die statt Priesla. Wiewol nun sein macht vil kleiner als des kōnigs von Poln was/ so wolt er jm doch nicht weychē/ sonder leget vñ vergrub sich/ wolt sehen vnnnd abnemen/ was doch der Polnisch kōnig sich weyter vnterstehn vnnnd thun wölt. Als aber nun ettlich tag vergiengen/ vnd die Polaken gar still lagen/ sich mit einer zubeschawen das Ungerisch heer/ sehen ließ. Do kōnig Matthias solchs mercket/ wolt er nit lenger still ligen/ noch die Polaken ruhen lassen/ sonder ließ die an allē orten ansprengen/ vil erwürgen vnd fāhen. Ir wurden auch souil gefangen vnd in das leger pracht/ das ir der kōnig verdrossen ward/ vnd gepot den seinen/ das sie keinen Polaken mer fāhen solten/ er wer denn der gefengtnis werd/ vnnnd den andern/ souil sie der fāngen/ im angesicht den einen wanng zerschneyden/ vnd wider lauffen lassen/ damit sie kunt schafft prechten/ das sie der Ungern gefangē gewesen wern. Er ordnet auch Graff Steffan des Jenuisch Weyda vater/ mit einem teyl volcks auff die Polaken/ der in vil schaden thet/ vnd in auch alle fütterung wetet. Mit dem pracht er den Polnischen kōnig dazu/ das er zu kōnig Matthias schicket/ vnd vmb ein frid teidingen ließ. Also kamen peid kōnig im felt in einer heerhütten/ so darzu auffgeschlagē ward zusamē. Darnach beredt vnd lud kōnig Matthias den Polnischen kōnig in sein gezelt/ vñ hielt jm ein kōstlich pancket/ darab sich die Polaken/ Reussen vnd Thattern hoch verwunderten. Also wurde peid kōnig durch ire Reth mit ein ander vereint/ vnd ein frid gemacht/ darnach ein yeder ab vñ heim mit den seinen zoch.



Wie König Matthias das Schloß Sabatz dem Türcken mit gewalt abgeronnen hat. Cap. 139.

**D**arnach im M. cccc. lxxvj. jar Chusti/ besamelt sich König Matthias auff das sterckst von allen seinen landen/ vñ zoch wider den Türckischen kaiser/ den grossen Machumeth genant/ der hat ein starcke befestigung auff dem wasser Sava/ mit vil greben/ pasteyen vnd thürn gepawet/ Sabatz genant/ das beleget König Matthias Winterzeyt/ die weil die wassergreben gefroren warn. Vnd wiewol sich die Türcken fast wereten/ so drang sie doch der König so hart/ vñ erobert es mit gewalt in dem sturmb/ den er selbs personlich antrat/ auch darin verwundet vnd schadhafft wardt. Vnd die Türcken/ es vil ihm der lebendig in die hendt kamen/ ließ er all speissen/ vnd zoch mit loblichem sig wider gen Ofen in sein statt/ strafft etlich Bischoff vnd Ungerisch herrn/ so im wider die Türcken nit geholffen/ vñ ein pündnus wider in gemacht hetten. Bischoff Johannes von Gran der gar von schlechten Eltern geborn was/ als in der König erfordert/ vnd ein argwon auff in hett/ foch er zu kaiser Fridreichen mit einẽ grossen schatz von gold vnd kleinoden/ vnd handelt souil bey gedachtem kaiser/ das er im verhalff das Bistumb zu Salzburg einzunemẽ/ welches Bistumb dauor durch etlich Bischoff in abnemen komen was.

Von dem krieg in Osterreich/ durch König Matthias. Cap. 140.

**A**ls aber nun der König des erinnert ward/ het er des grossen entsetzen/ vnd beschwert sich hoch wider den kaiser/ In sonderheit das kaiser Fridreich Vladislao des Königs vñ Poln Sun/ dz Königreich Behem gelihen/ vnd in doch zuuor mit dem namen vnd Titel begabt/ im das zu leyhen/ auch sein tochter zu geben vertröst haben solt. Vnd als in deshalben König Matthias durch sein potschafft ermanet/ zoch kaiser Fridreich in das Reich/ vñ ließ dem König des vsachen anzeygen/ darumb er in diser zeyt nicht leyhen noch anders so im geliebt/ on wissen vnd willen der Churfürstẽ handeln vñ thun könt. Deshalben im König Matthias den zu bekriegen süenamen/ darzu steurten vnd riethen etlich Osterreichisch herrn/ so sich wider den kaiser/ iren rechtẽ herrn/ zu samen verpündtẽ/ vñ sich zu König Matthias vnter dem Titel als an den König von Behem/ des heyligen Keychs Churfürstẽ/ zu erlangen des landts freyheyt vñ alt herkomẽ schlugẽ.

## Das Fünfft buch

Darauff k<sup>önig</sup> Matthias kaiser Fridrichen sein absag zu schicket/ vnd mit einem heer/ im jar Christi/ tausent. cccc. lxxvij. für Hainburg zoch/ Hainburg vnd ettlich flecken vmb Wien einname. Aber der selbig krieg ward angestellt/ vnd ein frid auff das volgent jar gemacht/ Also das k<sup>önig</sup> Matthias aller besetzung abtrettē/ vnd die dem kaiser wider ein antworten/ vnd das landt Osterreich reymen solt. Vnd solten sich der kaiser vñ k<sup>önig</sup> Matthias das negst künfftig jar mit einander/ der andern artickeln halben/ nach erkantnus ettlicher fürsten vnd herrn/ genglich vergleychen. Also bliben die sachen biß auff das lxxx. jar in frid stehn.

### König Matthias zoch zum andermal in Osterreich. Cap. 141.

**I**nsent vierhundert vnd im lxxx. jar nach der geburt Christi do schicket k<sup>önig</sup> Matthias sein botschafft zum kaiser/ vñ begeret den vertrag weiter zu geloben. Die weil sich aber der k<sup>önig</sup> mitler zeyt ettlicher des kaisers widerwertigen nicht entschlagen/ sonder vnterstanden vnd practiciret hett/ ein grössere faction in Osterreich wider den kaiser zu bewegen/ vnd yezund nach dem er sich gerüst/ vnd zum krieg gefast befand/ vñ ettlich new anfordrung melden ließ/ kont kaiser Fridrich wol abnemen/ das mit im kein gleichs oder pilichs zu verhoffen was. Nichts destminder ließ er in als seinen Sun ermanen/ vnd vmb erstreckung des frids auffs höchst ersuchen. Aber es ward von k<sup>önig</sup> Matthias/ dem ettlich des lands Osterreich abtrünnige/ fast anlagen/ vnd ettlich vrsach/ das ihm der kaiser kein widerstand thun k<sup>önnte</sup>/ das er auch kein gelegnere zeyt Osterreich zu erobern/ als yezund/ haben möcht/ mit vertroöstung vil irer freund vñ verwontē auff ir parthey zu bingen/ anzeygten vnd riethen. Darauff k<sup>önig</sup> Matthias in eigner person mit einem grossen heer zu roß vnd fuß zum andernmal im. m. cccc. lxxxj. jar in Osterreich zoch/ auch ettlich Stett/ Schlösser vnd befestigung im land Steyr/ Kernten/ vnd im land ob der Enns/ erobert vñ einame/ Der im auch ettlich durch den Bischoff zu Salzburg wider den kaiser/ vnd zu nachteil der Osterreichischen landen/ eingab/ Da vil leut verderbt/ das land verpriendt/ gesehetz/ die Stett zerschossen/ vnd ettlich kleine schlachten von paiden teylen/ dan yez die Kaiserischen/ dan die Vngerischen gesigten vnd oblagen/ verpracht wurden.

### Wie k<sup>önig</sup> Matthias die Osterreichischen in die flucht schlecht. Cap. 142.



**M** M. cccc. lxxxiij. legert sich König Matthias für Karnnewburg durch seinen obristen hauptman hern Tobeseth von Tschernabo / Darauff Rheiser Fridrich durch sein trefflich Hawsteleit vnd annder mer herin in Osterreich ein heer zu samen pracht vnd Karnnewburg zu entschütten bevolhen hett / Die zugen vnd legerten sich nit weyt von Karnnewburg bey einem dorff genant Leitzsdorff. Also richteten sich peid theyl zu der schlacht vnd am mitwoch nach sand Veidts tag / in obbemelten jar / ward von payden teylen manlich gestritten / do auch die Kayserischen erstlich den Sig vnd vortheil herten / die Ungern vnd Behem / vnd sonderlich das Fuesuslek in die flucht schlugen / aber die Fuesethnecht truckhtn nit nach / sonder fiellen in die Wagenpurg zu stundann / dem güt nach hengten / vnd lieffen dem plündern zu. Welches herr Tobeseth als ein verstendiger Kriegsman / der auch noch mit einem gerausten hauffen der seinen verhalten hett / ersach / Die seinen wider zusammen rüessen lief / vnnnd trass von newem mit den / so sich zum theil zerlassen hetten. In dem selben herr Wolffgang von Seifeneckh ein Ritter / so den streit fan füret / erstochen / vnd vil trefflicher leut / Edel vnd vnedel / gefangen / vnnnd erschlagen wurden. Welche Schlacht König Matthias ein hoffnung vnd hilff was das gannz Lanndt zu erobern. Dañ sich von stundann all vmbligend Stett vnd Schlöffer an den König Matthias ergaben / dañ allein Wienn bleib noch dis jar des Kaisers / aber mit grossen mangel vnd abpuch der Profant / dañ allenthalbe auff wasser vnd Lanndt solchs zu züfürn gewerd ward.

## Wie König Matthias Wienn belegert vnderobert. Cap. 143.

**A**usent vierhundert / fünffundtachtzig jar / am Freitag nach Conuersionis Pauli / welches der. xxviij. tag Januarij was / legert sich König Matthias mit grosser macht für die Stat Wienn vnd gewan die Vorstatt bey sant Niclas / gewann auch den Theber im Werdt / vnd verprennet vil köstlicher schöner Lusthewser enhalb der pincen. Nun warn die von Wienn vor mit mangel vnd hunger vber

## Das fünfft buch

laden/dan wol in vier jarn wenig speys hinein geführt ward/des halben sich der hunger von tag zu tag merete/vnnd ein verdunß der langen belegerung erwachsen thet. Das alles könig Matthia fast diensilich vnd nit vnwissent was/vnd sein kundtschafft guet aus der Statt hett. Vnd als auff ein zeyt sein Reth vnd Hauptleit von der eroberung der statt Wienn redten vnd rathschlugen/vnd entlich dafür hielten/das Wienn die selbig zeyt nicht zu erobern were/vnd des halben etlich vrsach dem König anzeygten/vnd ab zu ziehen rietten. Sagt der König/ Ir rath wer güt/er wölt in aber darumb nit volgen/dann er hett einen in der Stat/der würde jm die Stat vbergeben. Vnd als die Hauptlewt vnnd Reth fragten/wer der wer/das sich auch der König wol fürsehen/vnnd in einer so grossen sachen keinem allein trawen solt. Darauff in der König anzeyget. Der hunger vnd vnainigkheit der Burger wern vrsachen/das jm die statt kurglich auff geben wurde/das auch geschach. Dann nach kurzen tagen/nemlich den. xxi. Maij/wurden ertlich mit dem König zu taidingen verordnet/vnd jm die statt einzugeben bewilligt/doch mit den vorworten vnd condition/das er die Burger bey iren alten Freyheiten lassen/vnnd des Kaisers Hauptlewt vnd Söldner mit irer hab vnd güter an je gewarsam sicher ziehen lassen solt. Darauff am ersten tag Junij/welches was der abennt Corporis Christi/im Taufent/ vierhundert vnd fünffundachtzigsten jar/do nam Khönig Matthias die Statt Wienn mit seinem volckh mit grosser herligkeit ein. Darnach schlug sich der König mit seinem volckh für Lagfenburg/darin siennge er den Hauptman genant der Schlager. Darnach am sibenundzwainzigsten tag Augusti gewan er das Schloß Wald/vñ sieng daselbst den hauptman/genant Sigmund Telizer/so vil leüt beschedigt/vnd vil schadens im land Osterreich gethon/vñ keiner parthey verschont het.

Nach disem vnderstünden sich die Vngerischen Hauptleüt das Schloß Grueb/welches des Telizer Hauptleüt innhetten/darvon auch vil schadens geschach/zu erobern/vnd legten sich dafür. Des halben sich der Keiserlichen Maiesat hauptleüt von allen besetzung besamelten/in hoffnung die Vngerischen vor Grueb zu vberfallen/wer auch geschehen/wo sich die hauptleüt des Keyfers/nit mit dē verzug vmb die Obzigkeit zertragen/vñ einer dē andern gefolgt hett. Dieweil sie aber solichs nit theten/wurden sie von den Vngerischen hauptleüten angriffen/geschlagen vnd in das schloß Grueb gejagt/darin belegt/do sie roßfleisch essen/vñ grossen hunger leyden mußten.



mußte. Darnach als sie den hunger nit lenger erleiðe/ noch die belegerung duldē kontē/ gabē sie Gruēb auff am xx. tag Octobris in obbemeltē jar.

Darnach am xij. tag Decēbris im selben jar/ ließ der kōnig seinen Cangelier Gerislaus ein herr von Tschernaho aus Behem/ seines obusten hauptmans herrn Tobeschen von Tschernaho bruder/ zu Wien das haupt abschlahen. Deshalben vil vrsachen angezeygt wurden/ aber die maisten sollē die gewesen sein/ das er einer Herzogin aus der Schlessien versprochen was/ vnd Brauen Steffan nicht weichen wolt. Dann gemelter graff Steffan sie nachmals zu der ee nam.

### Wie kōnig Matthias die Newstatt belegeret.

Cap. 144.

**I**n nachfolgendē. m. cccc. lxxviij. jar/ schlug sich kōnig Matthias für die Newstat/ vnd beschloß die mawr an vil orten der erden gleich/ thet auch vil stürmb daruor/ die er doch all mit grossen schaden der seinen verlor. Dañ herr hans von Wulffenstoffs was obuster hauptman in der Newstatt/ vnd hett auch bey im vil guter vnd trefflicher kriegsleut/ so aus der stat dem kōnig an den seinen vil vnd oft grossen schaden theten. Deshalben kōnig Matthias bewegt ward/ die Newstat allenthalbē zu rings vmb mit zeunen vñ polwerckē vermachen ließ/ also das niemandt aus noch ein kont. Vñ als sie in der Statt grossen mangel an speiß vnd profant hetten/ do bracht herr Rupecht von Reichenburg/ des Kaisers obrister hauptman/ von allen orten vnd besetzungen des Kaisers/ einen raissigen zeug zu sammen/ lud vil roß mit speiß/ puluer/ vnd anderer notturfft/ Vñ vnterstund sich mit hilff des Künigsperrgers/ der sich ye vñ ye des kaisers vñ seiner parthey/ auff dem Sebenstein hielte/ vñ dem kōnig grossen schaden vom Sebenstein thete/ die Newstatt den selben winter zu speysen. das auch geschach. Wiewol kōnig Matthias ein groß heer dauor/ auch Newkirchen vnd ander besetzung darumb in hatte. Darnach im tausent cccc. lxxviij. jar/ am viij. tag Augusti/ kam hertzog Albrecht mit einem raissigen zeug von kaiser Fridrichen/ in das landt Osterreich/ vnd nam ybs/ Melck/ Krembs/ vnd ander besetzung ein/ vnd versamlet sich allenthalbē in mainung den kōnig von Vngern vor der Newstat hinweg zu schlahen/ vnd die Statt erretten. Aber ee der hertzog souil volcks zusamen brocht/ damit er den kōnig schlahen oder abtreiben könt/ diuēil gieng den belegerten in der Newstatt/ dermassen speiß vnd notturfft ab/ das sie die Statt lenger nit erhalten/ sonder geben mußten. Vnd troffen

## Das Fünfft buch

ein teyding mit dem kōnig/der gestalt/Wo in der kaiser in vier wochen zu hilff keme/so solt die teyding nichts/vñ sie den kōnig ein zulassen nicht verpūten sein. Wo in aber kein rettung geschēch/so solt der kōnig mit den seinen in die statt einziehen/aber ire Bürger bey iren freyheiten bleibē vñ des Kaisers dienstvolck mit irer hab vñ fertigung an ir gewar sam zihen lassen. Dieweil nun der hertzog ettwas lessig handelt/vñ den be legerten kein hilff thet/Do nam kōnig Mattheus die Newstat am xvij tag Augusti im m. cccc. lxxvij. jar ein/vñ lies die Kaiserischen Söld ner vntrübt wegzihen. Darnach im October desselben jars/schi cket kōnig Mathias ein heer hinauff/vñ ließ Wildenstein/ein öd schloß bawen/vñ Seisenstein das kloster einnemen/vñ den Teber an der Ens zu Ernsthofen/befestigen.

Wie ein frid zwischen kōnig Matthia vñ Kaiser Frid-  
richen gemacht ward. Cap. 145.

**D**arnach ward gehandelt durch hertzog Albrechten von Sa chsen/mit dem kōnig von Ungern vmb einen anstand vñnd frid. Darauff ein tag gen Mergenstorff/ein meil wegs von sant Polten/zu einer malstat sūrgenomen ward. Dahin zoch kōnig Matthias mit vil trefflichen herrn/vñnd hertzog Albrecht von Sachsen auch mit etwo vil des Kaisers vñ seinen rethē/sampt andern Geistlichen vñ weltlichen herrn/auch hauptleutē von des Kaisers we gen. Da ein anstand beschlossen/vñ von einem frid des ganzen kriegs biß auff wolgefallen kaiser Fridrichs gehandelt/den auch kōnig Mat thias nicht vnwillig anname/nach dem er nun müd vñ seinen kriegsleu ten vil schuldig was. So hettē sich auch in seinem abwesen zu Hungern die Türcken vñ ander im reich gefessen/so sich wider einander rüsten/vil sachen begeben/darumb er gen Ungern zihen/vñ dieselbigen hand lung stillen vñ in einigkeit vñ ordnung bringē must. Welcher anstand vñnd frid biß zu der ableibung des kōnigs Matthe gewerd/vñ von pei den theylen wol gehalten ward. Dañ auch kaiser Fridrich zu Insprug vñnd am zug hinab in das Niderland/kyser Maximilian seinen sun zu erledigen/den die von Prug/irer elr vergessig/gefangen hettē/in vbung desselben handels beladen. So was auch kōnig Matthias die merer zeyt zu Ungern/vñnd stillt daselbst vil sachen/so sich in seinem abwesen erhebt hetten/zu ruhe vñnd frid. Es hett auch der Türckisch kaiser ein treffliche pottschafft bey jm/vñnd handelt vmb erstreckung des frids/so kōnig



König Matthias/ die weil er in Osterreich mit dem krieg beladen was/ angenommen hett.

Von dem absterben vnd begrebnus könig Matthe.

Cap. 146.

**I**n tausent cccc. lxxix. jar/ do ließ sich könig Matthias widerumb gen Wien füren/ daß er etwas schwach vñ mit dem Podagra beladen was. Do er nun in Osterreich vil gepew/ vnd sonderlich die maurn der Stett/ die er zerschossen hett/ widerumb zu pessern vnd barwen verordnet/ Er hett auch kurglich dar vor seins heers ein teyl in die Schlesi/ den hertzogen von Grossen glob vnd andere zubekriegē/ geschickt/ Darnach im m. cccc. xc. jar am Palm tag/ dz was der iij. Aprilus/ do ward könig Matthias krank/ vñ starb am dinstag darnach/ vnd ward gen Stülweissenburg gar schlecht on allen pomp gefürt/ vñ da selbst begraben. Graff Steffan was obuster hauptman/ der hielt die purg zu Wien mit vil Ungern innen.

König Vladislaus in Behem/ wirt zu könig in Hungern cronelet.

Cap. 147.

**A**ls nun die Ungern des königs tod vernamen/ handleten sie von stundt an von wegen eines andern königs. Des Römische kaisers pottschaft thet sie des vertrags vñ der verschreibung ermanen. Dergleichen hetten die könig/ der von Poln vnd der Behem/ bey den Ungern ire bottschaften/ vñnd begerten des Reichs. So warn ettlich Ungerisch herrn/ die hertzog Hansen königs Matthe bastharten/ anhiengen/ vnd den gern zu könig gemacht hettē. Nach dem aber die Königin von Ungern/ so des königs Ferdinanden von Neapolis tochter was/ sich mit dem könig von Behem zu verehlichen in vbung was/ vnd starck bey den Ungerische herrn practicirt/ vil schenckung vñ grosse verhaussung thet/ pracht sie darzu/ dz die Ungern zum theyl in den bemelten könig von Behem/ genant Vladislaus/ bewilligten/ den erwelten vnd aus schuben für einen könig in Ungern. Es schickten auch darauff dieselben Ungerische herrn/ mit sampt der Königin ein pottschaft zu könig Vladislao/ die solchs verkündeten/ vñnd in auffbungen solten. Darauff sich könig Vladislaus mit den Behem besamelt/ vnd zu Prag am xxiij. tag Junij/ so da was der abent sant Jo-

g ij hans

## Das fünfft buch

hans Baptiste in obgemeltem jar/auszoch. Die weil nun ein zweyung im land mit hertzog Johansen vnd seinen anhangern/was/desgleichen auch der kaiser in der rüstung/ darumb legert sich der obbemelt kōig mit den seinen gen Schmita/weyters beschaida zu erwarten.

Wie Wien durch Kaiser Maximilian wider ein-  
genommen wird. Cap. 148.

**I**n obbemeltem jar/ettlich tag vor sant Lorenzē tag/ schicket kaiser Maximilian ettlich hundert knecht/so die Stat Wien einnahmen. Als solichs Graff Stessan vernam/besetzt er die Burg zu Wien/vñ zoch heimlich daruon. Darnach kam der Fürst von Anhalt/dem theten die Bürger zu Wien an stat Kaiserlicher maiestet pflicht. Darnach am xix. tag Augusti in dem selbē jar/kam kaiser Maximilian selb/auch vil Fürsten vnd herrn mit im/zu roß vñ fuß vnd lag ins Bischoffs hoff. Ließ die Burg an die Ungern/die sie inhet-ten/fordern. Als dieselbige aber mit abtrettē wolte/belegt er die zu rings vmb/vnd beschosß die zum sturmb/vnd als der sturmb geordnet/auch eins teyls knecht hinein kamen/ergaben sich die Ungern auff gnad. Also wurden sie angenommen/vnd in den kerner thurn gelegt/ am xxij. tag Augusti. Darnach ward Closter Newburg belegt/die ergaben sich am vierdten tag Septembriß im obbemeltem jar. Es wurde auch fast all ander besetzung im land Österreich/ein teyl mit gewalt/ein theil mit taiding eingenomen.

Stülweissenburg wird von Kaiser Maximili-  
an mit gewalt gewonnen. Cap. 149.

**I**n obbemelten m.cccc.xc. jara/ zoch kaiser Maximilianus/sonst vil Fürsten/Grauen vnd herrn mit im/zu Wien aus/ mit einem gewaltigen heer gen Ungern/für Odenburg auff die Rabaw/vnd denselbigen zug hindurch auff Stülweissenburg. Dieselbige statt het der Kmeschi Paul mit vil Ungern besetzt/vnd legert sich der kaiser mit seinem heer/ein grosse meyl wegs von der statt Stülweissenburg. Den andern tag/das was am xix. Nouembria ruckt der kaiser Maximilian hinzu/ gegen den ließen sich die Ungern zu roß vnd fuß aus der statt/vnd ward ein grosser scharmützel/vnd ernstlich.



lich. Als aber die Vngern den angriff der Teutschen in die harr nicht erleyden konten/wurden sie sich wenden/vñ der statt zu fliehen/den drumgen die Teutschen hart nach/vnd kamen eins teyls mit in zu den thorn vñd der Vorstatt ein/die andern wurffen lautern an die maurn. Vñd also wurd die Statt/auff welche die Vngern all iren trost gesetzt hetten/mit gewalt gewonnen/vil zu tod geschlagen/vnd groß gut gefunden. Die Teutschen namen auch das Bisthumb Westpau ein/vnd besetzten das. So ward am xij. Decembrius ein fest Schloß/so dem Kniefschi Paul zugehort/mit namen der Wasen/gewonnen/vnd vil guts darinn gefunden. Nun were der Kaiser gern auff Ofen zu geruckt/er kont aber die Landsknecht/vnd ettlich seiner herren/so vil erobert/vnd ire wegen mit dem raub gefült hetten/vnd damit heim zu ziehen sich hören ließen/nicht bewegē/ das sie weyter hinab weren zogen. Deshalben er wider herauff in Teutschland zoch/vñ ließ herr Jörgen von Castelward zu Stralweissenburg/vñd herr Andrie von Weispach zu Westpau zu hauptleuten/mit sampt andern guten kriegs knechten vñd treffenlichen leuten/die sich fast vmb theten/weyt vñd prait reyßten vñd prantscherzten. Wen sich gleich die Vngern zu weer stelte/vñ auff sie stießen/wurden sie doch alweg von den Teutschen gefangen vñd geschlagen.

Wie König Vladislaus in Vngern kompt/vnd Stül  
weissenburg vñd andere flecken wider erobert/auch  
wie er gekrönt ist worden. Cap. 150.

**A**usent cccc. xcj. jar/nach dem als Kaiser Maximilian aus dem Vngerland gezogen was/vñ Stülweissenburg/auch andere flecken mit hauptleuten vñ volck besetzt hat/wie vor angezeygt ist/do kam König Vladislaus mit vil Behemische vñd Vngerischen herren/so in erwelt hettē/mit sampt der Königin/gen Ofen/aldo ein Landtag ausgeschuben/vnd von austreybung der Teutschen/vnd eroberung der eingenomen flecken/vñd sonderlich von der Erörung des Königs gehandelt ward. Vñ ein potschafft von dem König vñd den Vngern zu dem hauptman herr Jörgen von Castelward vñd andern hauptleuten geschickt/die Statt vñd das Schloß auffzugeben begert/vnd erfordert ward. Als sich aber die hauptleut solchs zu thun widerten/ward ein volck auff dem Rehus oder Landtag verordnet/damit Weysenburg vñd andere besetzungen wider gewonnen/vnd das auch der König in aigner person zu feld zihen/vnd in alweg/wie sich daß

## Das Fünfft buch

einem Ungerischen kōnig gepüret seiner pflicht halben/das er das land von den Teutschen erledigen vnd freymachen solt. Darauff gedachter kōnig Vladislaus sich für Stülweyßenburg mit heres kracft legert/vñ die an vil orten mit dem geschütz arbeyten thet. Dieweil aber kaiser Maximilianus nicht im land/sonder mit dem Reichstag zu Nürnberg behafft/vnd mit andern trefflichen hendeln bekümmert was/deshalben er den belegerten nicht zu hilff kommen noch sie erredten kont. Wiewol er das für all ander sachen gern gethon hett/so was ime doch das dieselbig zeijt nicht möglich/Dieweil kaiser Fridrich sein vatter keinen weitem kōsten darauff legen/noch den Reichstag darumb verlassen wolt. Also ward Stülweyßenburg von den Ungern wider gewonnen vnd eingenomen. Vnd kōnig Vladislaus ward dasselbig jar mit der kron des heyligen sant Steffans gekrōnet.

Wie ein frid zwischen kaiser Maximilian vnd dem kōnig von Ungern auffgericht ward. Cap. 151.

**N**ach dem aber kōnig Vladislaus vnd ander Ungerisch herren/so an das Osterreichisch land grenzten/auff kaiser Maximilian vnd eines künfftigen kriegs sorg hetten/do wurden von dem kōnig vnd den Ungern/auch nachmals von dem kaiser hin vnd wider ettliche treffliche pottschaften/so von wegē eines ewigen frids handleten/geschickt/vnd gar trefflich gehandelt/Der gestalt/das kaiser Maximilian sich des Ungerlands vnd seiner gerechtigt keyt/so ferr der kōnig leibs erben hinder sein verließ/verzeyhen/vnd ein summa gelts dafür an gelt oder an ochffen nemen solt. Wo aber der kōnig von Ungern nicht leibs erben verließ/so solt es bey dem alten vertrag/so die kōnig von Ungern mit den Erzherzogen von Osterreich auffgericht hetten/bleiben. Solchs nam kaiser Maximilianus an. Vñ wurden alle besetzungen zu beiden theylen gegen einander abgetretten/vnd iren rechten herrn widerumb zu gestelt/vnd dem kaiser die Summa gelts/laut des vertrags bezalt.

Wie kōnig Vladislaus eine aus Francfrench name/vnd was er für kinder mit jr hett. Cap. 152.

Bald



**B**ald darnach vertiget König Vladislavs die alt Königin/könig Matthias verlassne Wittfraw/ab/die erstlich ein vrsach was/das der König angenommen ward/in hoffnung vnd ver-  
tröstung/als würde er sie zu der ee nemen. Aber der König schlug solches ab/vnd name des Königs von Franckreych Schwester tochter/ein Herzogin von Orlens. Von der ward im erstlich ein tochter fraw Anna/yzund Römische Königin/vnd nachmals ein Sun/genant Ludwig/geboren/am ersten tag Augusti/im m. ccccc. vj. jar.

König Vladislavs leset sein Sun Ludwigen also  
jung krönen. Cap. 153.

**D**arnach hat König Vladislavs seinen Sun zu Stülweyssen burg also jung mit der kron des heyligen sant Steffans krönen lassen. Vnd am sonntag Pauli in der fasten/im tausent ccccc. vnd ix. jar nach der geburt Christi/ist gedachter König zu Prag/in beywesen seines vattern vnd vil Behemischer vnd Ungarischer herrn/geyßlich vnd weltlich/getrönt worden.

Was für Fürsten vnd Herrn mit Kaiser Maximilian gen Wien gezogen sind. Cap. 154.

**I**n jar Christi. m. ccccc. xv. am sechzehenden tag Julij/ist der Kaiser Maximilian/der König von Ungern vnd Behem/auch sein Sun König Ludwig/vnd sein Tochter fraw Anna/auch der König von Poln/mit grossem gepreng vnd vil volcks/ein halbe meyl oder ein wenig mehr/von Püsch/auff einer weyte/zu samen komen. Daselbst nach langem freündlichen empfaßen hat sie Kaiser Maximilian gen Wien geladen. Vñ also ist 8 König von Ungern mit den seinen dieselbige nacht gen Trautmanstorff/der König von Poln mit den seinen gen Enzestorff/vnd der Kaiser gen Lagsenburg zogen/vnd da vbernacht gehaußt. Den nechsten tag darnach/welchs ist gewesen der xvij. Julij/do hat sich yederman zum einzug gen Wien geschickt/ In welchem Kaiserliche Maiestat mit zweyen Cardinelen/vnd Herzog Ludwig von Payerm/Ulrich hertzog von Wirtemberg/Herzog von Mechelburg/Marggraue Casimirus von Brandenburg/Graff von Mansfeld/Graff hans von heydeck/auch  
q iij der

## Des Fünfft Buch

der Erzbischoff von Premen/der Bischoff vß Passaw/des Bischoffs von Regenspurg/des Bischoffs von Laubach/des Bischoffs von Wi en potschafften/vnd ander vil mer geystlich vnd weltlich/Graven/her ren/Ritter vnd knecht/so da gewesen sind. Vnd furt der Kaiser den Kö nig von Vngern mitsamt seinem Sun vnd Tochter/in die Burg/vñ den König von Poln in das Hasen hauß.

Wie der jung König Ludwig vnd sein Schwester fraw Anna/mit des Keyfers Enickel/König Ferdinanden vñ seiner Schwester fraw Maria verheyret werden. Cap. 155.



Am xxij. tag obgemelts monats/ist ein köstlicher Gotsdien st zu sant Steffan gehalten/daselbst der vertrag zwische Vngern Behem vnd Osterreych offentlich publicirt. Vnd ist fraw Maria des König Philips von hispania tochter vñ kaiser Maximilian Enickel/König Ludwigen von Vngern/vnd her widerumb fraw Anna/des Königs vß Vngern tochter/ein Schwester König Ludwigs/König Ferdinanden versprochen/vnd also verbueßt/auffgericht/vnd bestetet worden. Darnach ist obgemelte erliche verai nigung/zu samt peide heyraten am xxviij. tag diß monats in d Burg zu Wien zum andermal offentlich publicirt worden/vnd haben aller Kö nig vnd Fürsten Trometer mit grossen freuden auffblasen müssen/vnd ein groß gethön gemacht.

Von König Vladislai absterben vnd begrebnus. Cap. 156.



Anno domini. M. ccccc. xvi. an dem Palmtag ist König Vladis laus seligklich gestorben/vnd zu Stülweyßenburg zu den an dern Königen der hungern/erlich begraben worden.

Wie Kriechischweyßenburg vom Türcken erobert wird. Cap. 157.

Vnd.




**V**nd darnach im M. cccc. xxi. jar/ ist der Türckisch Kaiser mit grosser macht herauff zogen/ sich für Briechischweissen burg geschlagen/ dasselb mit sampt dem Schloß/ vnd auch ander Stett/ schlösser vnd befestigung gewonnen/ vnd die mit gebew vnd weer hoch vnd fast befestiget.


Wie der Türck mit heres krafft in Vngern zeucht/ vnd grossen schaden darinn thut/ Auch wie kōig Ludwig vmbkommen ist. Cap. 158.

**N**ach der geburt Christi M. cccc. xxvi. jar/ ist 8 Türckisch Kaiser mit grosser macht in das Vngerland gezogen/ mit mordt/raub vnd prandt grossen schaden gethon. Vnd als sich kōig Ludwig mit den Vngern besamelt/ welche aber etwas lessig vnd ungehorsam warn. Nichts destweniger zoch der kōig Ludwig mit den Vngern so bey jm warn/ dem Türckischen Kaiser Soleymon gehaissen/ in eigner person engegen/ schlug sich zwischen der Trag vnd Donaw/ an dem ort so nach Vngrischer sprach genant wirdt Felmahaz/ mit dem Türcken/ on alle ordnung vnd fürsichtigkeiteyt/ vnd verlor die schlacht am xxviij. tag Augusti. In welcher schlacht kōig Ludwig vmbkam/ vnd doch vil tag niemand weist/ wo er hin komen was/ Zu letzt ward er gefunden begraben nit weyt von einem graben vnd möß/ darinn er ertruncken/ vnd von den bawren daselbst begraben worden sein solt. Er ward aber bald darnach wider ausgegrabē/ vnd gen Stralweyssenburg zu der Vngerischen kōig begrebnus gefürt/ vnd ward zū andermal begrabē. Es wurden auch gar vil Vngerischer herren/ geystlich vnd weltlich/ erschlagen vnd gefangē/ vnd alles geschütz mit sampt der wagenburg verloren. Darnach am x. tag Septembris hat der Türckisch Kaiser die Stat Ofen/ Pesth vnd ander flecken/ Stett vnd Merckh eingenomen/ vil guts darin gefundē/ auch vil menschen man vnd weib gefangen/ vnd wunderparlicher weis in grosser eyl ein pucken vber die Donaw gemacht. Alle Stet/ merck/ vnd das ganz land jemerlich verheret vnd verprent/ on allein die Burg zu Ofen nicht. Ist etlich tag da gelegen/ sich vbring auff gemacht mit seinē heer vnd mit den gefangen der Türckey zugeeylet/ vnd zu Constantinopel mit grossen pomp vnd triumph eingezogen.


Dises Buch der Ungerischen Chroniken / ist new  
lich verteutscht / vnd also zusamen gebracht worden  
durch herr Hansen Haugen zum Freystein / des al-  
ler Durchleuchtigsten König / Fürsten vnd Herrn /  
herrn Ferdinanden / Römischer auch zu Ungern / Be-  
hem / Dalmacien / Croacien ꝛc. König / Erzhertzog zu  
Osterreich / Herzog zu Steir / Kernten ꝛc. Rath vnd  
Diener. Vnd newund in druck verordnet auff kosten  
vñ darlegen Hansen Meisters Bürger in Wien. An  
no Domini 1534.
























AR KAO

+8%

Der Idungm Chronica

Denis Nr. 387

Passavant III, S. 257

Immer der selben der Wiener Dm. der  
aus Sinsgraben Off.

RARE	84-B
PA	16420
6455	84-B
536	16641
1538	

THE J. PAUL GETTY CENTER  
LIBRARY



